


雅宜其人其說未文二卷明太考生王寵履
吉氏撰因自謙雅宜山人乃以名集中歲數
游四方每與偕仰先生正下其議論蓋名
也志如山水素田石湖上且築室也卒年
不果孫仕履兄履勳子履武編其稿付梓
刑履云 每半葉十行十六字

韓履卿真蹟二紙 甲戌歲終
倉北勘定

王履吉集序

嗚呼觀今滄然雲興燦然星耀豈不有羨於當
世之士哉然性緣情汨志以習乖考之溫仁成
德固已鮮儔矣姑畧言之自視有餘者驕視人
有餘者妬驕妬所終敗于人國烏用士爲也得
天猶幸若吾友王履吉氏適發鄉國早聞四方
龍鳳爲章山海爲蘊不謂有餘旣甚者乎然遂
巡若處女俯詘若蒙士自余所覩未嘗失色於
人及其遇一善覲一才若饑渴之於飲食不厭
不止故年殆強仕而海內勝流什五齒交矣乃



抱痾長終玉毀牖下嗚呼慟乎人皆曰履吉之才不可再得也余獨曰履吉之清純不可再得也蓋傷人國焉其兄太常履約氏刻其詩余得而論曰古體五言沉鬱有色可憤可樂蓋類曹植鮑照七言跌宕瀏麗號幽吹而雷春雲蓋類杜甫岑參近體亦步驟杜參而自攄神情殆與盛唐諸家相雄長可謂詩人也特非其致也謂所取於履吉者非以此

嘉靖戊戌孟秋望日姑蘇顧璘序

雅宜山人集序

前進士承德郎兵部武選司主事翰林院庶吉士袁表奏議

雅宜山人集十卷文二卷詩八卷上海董宜陽與其門人朱浚明校刊厥兄太常少卿王守選友人袁表序序曰雅宜山人者名寵字履吉吳人也自稱曰雅宜山人故以名集云山人負高志逸材弱冠即博涉墳籍沉精篇翰下筆綺辭壯思滔滔不休補郡學弟子負督學者最其文試必首山人然非其好也試于鄉輒弗利乃貢入太學山人由是得北游燕趙觀廟朝制度與

四方薦紳先生游上下其論議而文益奇歸而
嘆曰夫神龍升于赤霄尺蠖伏于泥淖黃鵠一
息千里而斥鷃終日不過蓬蒿此其志大小懸
絕何如哉且夫屈信者時也利鈍者命也夫儒
者握寸管挾方牘而揚聲名於億載彼得志者
曳綬垂朱高爵豐祿以炫耀一時不知駒馳電
滅雲浮草腐後世無稱焉此其與蠖鷃何異哉
由是買田石湖之旁築室其上臨流賦詩益窺
古作者之奧而山人病矣乃養痾于虞山之白
雀寺洩其精於聲詩而病乃大作歸不逾月竟

卒之前一日夢兩蝴蝶入袖寤而嘆曰吾殆
已矣夫莊叟之言殆謂我也嗟乎亦異矣山人
詩初宗李白既乃宗杜故其詩才力雄濶辭篇
麗贍去輕靡而就沈著尚鋪綴而略陶鎔及白
雀集諸篇則又興寄冲玄思調清逸遂窺陶謝
之堂幾入王孟之室矣惜乎天抑其進有志未
就故所著僅此然亦足傳矣山人長余八歲特
相友善自山人之亡而嘆古道之日替也憶與
山人兄弟嚼杯論文竅日達旦謂古人之庶幾
大雅之可作而竟已矣獨恨夫天之思材不少

假也昔魏之文考唐之勃賀咸以才天近代如
姑蘇徐禎卿信陽何景明沁水常倫閩鄭善夫
亦不享年何天之忌材若斯豈天既畀之才乃
奪之年耶嗟乎山人古之稱不朽者不以年也
又何憾哉


王履吉文集序

文無論世代遠近人士先後惟雅爲至二典三
謨詞旨渾噩三百篇意興敦厚其至矣哉先秦
郁郁西漢渢渢亡愧于三代後之工詩文者代
趨竒與人務艱深而文不秦漢若矣續宗前守
吳課士而見王子履吉作而嘆曰江左有竒士
若是是不可追軼秦漢乎而吳大夫士謂續宗
曰吾吳有大雅士子得之乎曰得之矣信乎其
才不下徐昌穀盧侍御來校士續宗進曰是吳
有大雅士公得之乎曰得之矣信乎其致不道

高季迪然履吉以文行重江左蓋自弱冠至于
今矣續宗與之友也益見其文渾類賈雋類枚
賦類司馬詩古體類曹近體類岑譬之簫韶既
陳琴瑟洋洋鸞鳳雖春容之聲冲和之容翕
爾而作鏗爾而闕無復濃艷侈麗之態絢爛華
靡之習風神氣格自爲虞廷一雅調是非天下
士乎夫調難乎其雅也履吉大篇雋永短章麗
則粹然金輝瑩然玉潤其于秦漢蓋已升堂矣
加之以年不可進之以三代也哉初予行古鄉
射禮舉以爲賓行古鄉飲禮約以爲贊履吉雍
雍肅肅咸中矩度望之者起敬惟養之厚造之
深故澄之不見其淵探之不見其涯而不出戶
庭名動海陬也嗟乎有士如履吉乃不獲售一
第以卒其命也夫古人以不顯仕爲百世士如
孟浩然如陸龜蒙其名等山岳奚以售功名爲
哉伯氏奉常履約輯其詩文若干卷門人朱浚
明輩壽之梓曰知履吉者子也子其序之續宗
有感于履吉也不容辭

嘉靖戊戌至日通議大夫都察院右副都御史
前翰林檢討 國史官天水胡續宗撰

余師雅宜先生講業楞伽山中浚明從遊甚久
師志好山水故游樂多在石湖浚明無句日離
侍側師亦過爲獎愛每聞論文必曰文不法孟
氏詩不法陶謝未也噫可以觀師之所趨矣辛
卯歲游南雍得疾東歸竟不起嗟乎茲實天奪
之速也逮將易簀顧浚明惓惓語曰白雀集可
傳矣諸藁爾藏之石湖草堂浚明因收拾遺逸
次其歲月緘寄于奉常涇峰先生將付之梓人
傳諸海內奉常公令裒選成帙命浚明重加讐
校刻之山中以示將來焉白雀稿爲張月塵氏



刻于松郡今散見集中云

丁酉七月望日門生朱浚明頓首謹書

雅宜山人集序

中憲大夫太常寺少卿前吏科都給事中王守撰

余弟履吉氏弱冠攻古文辭才情俊逸川至雲
起垂二十年著述蓋千餘篇余幼共席視交師
友蓬蒿環堵彈琴咏歌响响朝夕相樂也中歲
慕祿仕散遊四方嗟乎遽意遂棄余而逝耶余
悲夫才哲者之天傷顧余蹇劣以獨存每讀其
文未嘗不呼天而泣也乃選其詩八卷文二卷
因年編次庶可考其進云

明嘉靖丙申七月一日

雅宜山人集卷一



明吳郡王寵撰

四言古詩一

嘉靖稿

贈涇府長史沈先生詩六章

帝啓寶籙迭授三正明明我祖配天作聖躬
秉白旄犬羊遐屏再宅九隩重光七政本支萬
年永膺駿命其逮我憲皇六紹龜鼎磐宗愈
固諸王秀挺建涇于沂天弓燦炳青土苴茅儀
章有等太野旣荒海岱維迥其於昭涇王玉裕
金相河間雅樂詠歌洋洋采磬泗水斲桐嶧陽

載聞孔訓玄化遐新介圭袞冕穆穆皇皇其二

帝嘉明德惟艱遜相允矣我師值茲明兩我師

伊何夙陪天仗虎節熊轡再膺州將其譽四馳

仁風以颺其戔戔宗藩翊亮惟傳如彼夏屋棟

隆斯固如彼金鼎玉鉉有度畏天之威握鬯纂

祚寶祏承休柯繁枝附其我師名宿其諤骨鯁

佩玉鏘鳴方闕其禮整正士在朝其思儆君臣

一德天祿終永有羽有蒙世為明拜其六

五言古詩一 贈別家兄履約會試七首

正德稿

吾宗素貧賤被褐垂百年哲兄自鷹揚尺水升

龍淵懷玉不得掩譽命逮九天車馬爛盈門勸

駕以周旋辭親邁觀國撫劔遠游燕

其二

燕昭昔愛士縹緲黃金臺我 明懸日月北極

自天開左抱遼海隘右指雲中迴龍翔真寓縣

虎視下賢才河馬叶羲至岐鳳鳴文來

其三

騫騰丈夫志婉變骨肉情辟彼完山鳥羽翼今

已成一飛摩天游一返顧巢鳴昔也同胞戀今

茲萬里征蕭蕭聽班馬悠悠瞻去旌

其四

去旌日已遠我思鬱以紆冥鴻西北舉離獸東
南趨父母憐我獨友朋慰我孤眷彼多露言揮
涕想長途故鄉眇何許異姓乃爲徒

其五

徒旅各風氣語笑若爲親道出齊魯郊相逢燕
趙人山川日非故城郭屢經新驅車太行麓飲
馬濁河津日暮黃雲合誰當愬苦辛

其六

苦辛浮客歎悽惻留子心連裾二十載茲晨方
判襟疑義誰與析樽酒誰與斟茫茫江湖去徇
翔棲故林吞聲一以別霄漢限飛沈

其七

飛沈各有時天命良不疑古人重千金徙倚戒
堂垂遠行越山川能不令我悲努力加飧飯慰
我長相思揮淚贈言邁辭盡意不披

侍燕大學士守溪王公作

鳳凰翔千仞覽德自委蛇哲人洞玄象約已澹
無爲天倪亮有滴好爵非所縻周公瞻東洛疏

廣辭皇師綏章曳靈羽命服交文螭赤舄乃几
几肅穆君子儀我公在朱堂式燕臨前舞吹萬
天下澤樂育官墻私旣醉湛露泥有滄青雲披
列蔭華榭下吐論光陸離傾心佇飢渴日入迥
忘疲

席上贈顧叅政華玉

滄海渾元化樓臺與天通使君赤城主五馬翔
雲空鳴玉朝紫皇海節咸池東仙人候羽蓋霧
裏飛金童漢室列千石淮南參八公蓬萊戲清
淺吏隱誰能同媾來浮客星掛席上北斗乾坤

鼓洪鑪日月光 我后天人操玉衡龍吟鬱回
首維南有會稽 帝曰汝茲守轄內十諸侯肅
肅趨紫綬黑髮杖節旄功名豈爲後簡書迫王
程登龍偶瑤席蒼然解金龜吳酒傾琥珀上陳
黃虞風下感興替迹指麾顧榮扇落落當世畫
猶是 先帝郎名在弘治籍努力事 三朝願
贈秦人策

寄贈陳翰林魯南

孔鸞有危巢玄圃三珠樹翔集無可依冥冥但
雲霧憶昔蓬萊宮獻賦五不遇一擊搏九天清

朝陪玉輅寵列歲星臣光受 龍顏顧丈人揚
馬流戈劒森武庫春容儼儀刑灑落寓風度詞
林有根柢銜勒歸善步王良範馳驅同文肅皇
路前輩多名公井絡星辰聚九葉際重離白虎
金輿駐日盱侍談經片言豁天悟古來功名會
多在齒髮暮風雲忽騰驤崇朝展平素豈學濟
南生白首徒章句洋洋雅頌風作者固有數
天子錫彤弓諸侯歌湛露載筆忻有人商周足
馳驚

秋日侍蔡師宴湯二子重

我師發林屋五夜翔天帆衣裳動雲氣猶自桃
花岳爭迎白鹿車冠蓋道相銜李邕傾後輩魁
岸誠虬髯湯也寔同社登堂袂交把驚座得文
翁徵仲在座琴瑟調大雅昔別春復秋心事一披寫
麒麟已翔空吾道猶在野 聖人奏雲門江湖
白蕭灑商飈薄炎赫亭午雷破壁崩奔三峽流
危聳四座客賓跪請間觴玉饌轉狼籍平生狂
奴態醉舞拓金戟回顧指葛強何似銅鞮陌

鄭博士自毘陵來酌酒贈言

蘇常百里間把袂苦不數子猷自何來矯矯雪

山鶴薄宦多風塵官長自束縛十年一儒冠裘
馬頗零落數口糴太倉金冷作糜薄玉色不受
慘吾道付玄漠帷中寫瑤琴塔下翻紅藥時披
古河圖乾坤炳參錯濟濟文翁肆沉沉馬融慕
吁嗟俎豆風南斗插雄郭丈夫苟有成豈必在
巖閣荀卿三祭酒白首秉禮樂小人競腐鼠君
子縻好爵持杯各披心古義豁寥廓

寄贈王憲副欽佩

鍾山表天闕紫翠摩荆揚長江走其下河漢森
七襄精靈炳人傑樂只邦之光明廷奠大呂絕

壑璠璫樟卓哉丈夫特朱鳥相徊翔憶昔都下
游白馬南宮郎清溪映甲第古木羅堂皇蕭疎
楊雄宅羞快陸賈裝五陵豪俠窟朱門擁貂璫
夫子抱遺經玄草滿空床時從高陽侶斗酒換
鷓鴣彈碁夜寥間撫劍天蒼茫顛倒尚方履氤
氲官署香自顧草間人摧眉愧琳琅斗柄忽五
轉旌車限河梁洛邑天下樞雄麗古帝疆人文
圖書窟地軸嵩少陽絃歌億萬戶章甫三千行
吾道有盟主中州耀星芒六經貫宇宙日月懸
穹蒼維持藉公等湖海漫摧轂

答顧閏餘之

嘗聞公與侯子孫必復始天開忠孝門有美揚
麟趾倚昔先大夫伯仲列旌榮腰懸朱雀符對
秩古刺史五馬翼華輶聯綬拖金璽風流儼至
今合奮才華起餘之千里駒汗血雙瞳紫總角
驚老師豪氣食牛兒筆倒三峽流胸蟠五雲綺
插羽志先登拔劍須天倚獵精揚馬源極日屈
賈壘文章我輩事古道薄如砥精靈含元氣渾
沌後天死百年沉與浮洩雲無定止矧子方少
年電邁絕九軌清廟鳴天球東房列垂矢日月
高崢嶸契會青冥裏蹇予骯髒姿擊筑吳門市
昨枉繹志篇璠瑤安足擬蛟龍動長吟相顧鬱
斗水

贈劉太僕元瑞

江漢之紀南嶽涵春容金晶走月窟大澤蟠
人誰劉公豈易得旁礴秀所鍾本家江東將銅
虎冊帝封竒才握銳穎弱冠摧文鋒射策上玉
堂 天子維孝宗龍姿古堯舜千春會其逢一
麾出郎署再歷粵與雍豈惟甘棠茂坐見俎豆
龔名高貝錦織褱帶還山農張敞起亡命馬援

鎮蠻叩東山夢猿鶴西徼來奔衝窺圖伯禹穴
奠玉茅君峯玄牝抱虛一瑤華掇丰茸重離炳
大角袞職思彌縫公望允律岬台階佇升庸權
竒甲在腹硯礪星羅胸朗朗百間屋森森千丈
松天關出駭牝肅穆大輅從衛文乘塞淵和鸞
舞噫噫秋高鐵騎疾猛士乘金墉黃河控鳴鏑
青海沉邊烽經綸在名手田野庇踈慵

晨興

中宵雨衝黑晨興慨知秋空庭曳葛屨落葉辭
梧楸冥冥白日翳淅淅玄雲浮鷓鴣雞劃起舞蹉

蜂嘯其儔端居覽物化六御無停輟恣然卷卒
歲蒙茸思我裘若華不可折注目崑崙丘總髮
未聞道忽忽甲子周赤霄有天驥窮路多羗牛
古人去我久日月成阻修豈無萬里志蹇足空
夷猶浩歌激宇宙烈士痛年道

雨

大火聿西流驕陽及爲雨青天斬頑龍空山劈
鬼斧雷霆劃爭門一足商羊舞甘霖不擇地灌
漑及瀉鹵枯禾月再暮歛忽華滋吐寧知真宰
力廻幹玄功補百里交青燐沮洳膩膏土翻思

朱炎赫湯火煎肺腑溝渠盡揚塵枯槁空傴僂
天下皆王民何事農獨苦但求終歲餐焉能惜
肱股我苗鬱盈疇我米粢在釜擊鼓吹笙竽蠻
歌賽田祖生死帝力中不識堯舜禹

會文與湯珍子重郭邵漢才

弱齡事丘嫂惟志涉文淵十步幾九躓自慮靡
一全踽踽猶淪寒悵悵扶顛永懷屏澤允時
歌角弓益中路值世括華珠爛相研我冠講黃
虞著論闡太玄不以葑菲賤不以管仲捐散帙
恣所質披胸結纏綿龍翔爾方滯鳳附余何緣
授分寄二子管鮑可登賢

遠山作三首

久欲歸西山踞誼漫鞅掌青陽麗江阜茲焉諧
所賞巖餘白雪停水接紅霞上地軸隱墳夷天
池匯泱漭鮫人靜安流玄牝遺清響秀色浴層
巒虛光涵萬象川原信沃隴景物初駘蕩覽化
自靡窮適性非外獎彼美丘園賈眷言興我想

其二

恭承休明日九執今一家進則縮龜玉退則蟄
龍蛇豈道苟不虧安用事咄嗟山川日開曠土

合長嘯凌九臯讀書洞元化耽酒冥風騷劉伶
豈必醉與世餽其糟顛倒紫綸巾淋漓白雲袍
歸來四壁立叱咤羞錢刀寶劍匣中吼精光射
蒼條端木結車駟原生翳蓬蒿百年一蕭灑萬
象同秋毫却哂飯牛人哀歌爾何勞山中有叢
桂招隱日怱怱

旦發胥口經湖中瞻毗三首

瀛壖委菹藪地嶮隘山川渾沌自太古決漭開
吳天仰飲咸池津俯灌東南偏龍宮竭覬麗鮫
室閔幽玄孕化晨陽吐涵虛霄象懸洪流旣滿
沛列嶂亦廻延雲標海上闕石秀鏡中蓮開冬
眷肅氣落木浩無邊黃鵠有奇翼八表恣周還
儻遇浮丘公歛忽蓬萊巔

其二

夙有丘壑尚緬懷鸞鶴蹤揚帆忽天矯赤水驂
虬龍五湖寫杯掌三州溢雲胸金屏匝地軸玉
鏡開天容秩則四瀆亞浸維百谷宗丹丘駐日
月瑤草連春冬絳氣恣縈薄青霞何複重仙人
蜕化處千載空芙蓉咄哉委腐鼠絕頂巢孤松

其三

遊子戀清暉舟師詭高浪水宿濟前湍葍食凌
窮嶂雲帆詫多竒霞石非一狀龍性已難馴鷗
機彌怳蕩靈妃曳翠旗川后塞綃帳蒼茫天外
殊傾洞風濤壯安流伯禹功長嘯鴟夷放昔人
已摧頽宇宙空俯仰感往不復朝追來胡弗暘
總轡萬壑巔振衣三島上彼美戰勝賢薜蘿遙
在望

過石公山

島嶼屢崩奔石林突參錯朝雲正吐秀冬水亦
漸涸槎牙熊豹蹲蹙曲蛟龍蟄波濤激中洞嵐
靄紛上薄金膏赤日流石鏡青天霏表靈微名
圖延賞諧幽諾蒼鼠不驚人丹楓時自落茲焉
可投綸畢志甘塲藿

入銷夏灣

千山翫迴轉雙闕開嶙峋圍作玉鏡潭流水桃
花春雞犬自甲子衣冠乃秦民表裏重湖阻丹
青四望勻孤峯表日觀群嶂摩天根波光別駘
蕩霞采相鮮新疑觴西王池誤攀織女津海鷗
戲蘭薄游儵瑩心神牙檣悲昔年玉輦罷今巡
榮華無常玩山水有天真塵纓聊以濯慚爾擢

歌人

登縹緲峯一首

宵夢昇天行明登縹緲峯園海湧鯨脊大漠冠
鰲背吳粵倦周覽乾坤滉浮沉千巖迤拱帶萬
頃逼侵滌歎蒸塞靈灑氣候異陽陰寥寥躡雲
磴落落捫河參鵬霄邈靈嶽鳳野開煩襟倥傯
空中語蒼虬煙際吟天衢非阡術超駕有遐音
覽化自靡足懷仙傷我心臨風寄聲草連爾崑
山林

入林屋洞

白鶴已仙去碧山遺竇符齋心扣靈闕企石窺
清都雲堂裊撐拄百人可踟躕白玉斲隆棟青
蓮綴流蘇昔人鍊液慶第鬱金鋪石乳累而
長交錯如珊瑚蛇行屐迥互磬折窮有無恨之
穉生識鳥篆空模糊時聞神鉦鳴地底越江湖
冥濛翳日月窈窕通蓬壺悠然遂雲卧心將天
與徒羽毛如可就千載有龍徂

丙洞

天傾霞石開日映雲門敞芙蓉秀絕壁函首排
仙掌下窺黯無垠側睚紛有象丹藤蔓冰壑蒼

苔蝕銀榜野鹿浥飛泉寒兔逃平莽攀蘿眷仙
靈折麻私嚮徃訪道空名山前途浩漭漭誰令
濁世憂扣我凌雲想

曲巖

乘雲欵先登攀崖紛廣眺孤峯上寒日平楚騰
餘燒天高風物緊地迫山川竅饑飈乍陸梁哀
鴻相呌嘯企石拊雲帆披霞迎海嶠空水共汎
瀾虛無自余照林深養谷神壁仄園景曜光風
爛芝苓玉髓滋蘿藦樵隱自夷猶末路多奔峭
懷哉用里公千春可同調

毛公壇

石門有遺管澗道時屢揭山迴谷籟長地迫琳
宮閼近峯鬱交青遙岑盪虛翠丹井周前除雲
堂儼昔位毛公颯羽翼白日翔鸞轡自非山水
靈胡為異人至石髓不盈握圖經滅餘字樵人
引蔓行鹿子嚼花戲蟬蛸不崇朝浮生溘如寄
倚篠斲黃精終矣丘園賁

蔡師玄秀樓與諸友燕集

人龍未逢時林卧觀元化抗館碧山隈伏檻滄
浪瀉連巖象雲構嵌空紛石架明霞麗壁璫澗

瀑翻薨瓦其陰負縹緲其陽展銷夏山川恣疑
流乾坤漉高下端居慰營魂散帙豐逸暇觚管
間時操觴酌巡筵逕我公坐忘疲樂客窮玄夜
時哉秉燭歡合坐同所藉

唐文伯虎桃花庵作

海內幾詞伯當筵逢酒儔
胡來桃花塢披草成
獻酬夫子稊阮輩簸弄天地浮
閉關嚼泥滓袒裼參王侯
或時舞長袖迴拂隘九州
神龍不自惜勺水甘垂頭
蒼蠅顧營營一日千里游
蕭疎竹林聚窅窕柴門求形骸
兀土木辨難森戈矛貫穿窮百氏
驅馳感千秋氣酣劃感激雲
伊周老鶴志霄漢雄劍奔堯
鑿惜哉功名會坳坳日月適
痛飲師古人談玄恣冥搜
是時大火中偃息宜林丘
松蘿在高戶齒齒披長流
沉冥我輩事河朔同悠悠

楞伽寺

雲竹素所愛山林道難忘
荆蠻屹水府五湖瀉湯湯
連峰枕其腹翠壁森開張
流峙兩參錯南斗迴文章
絕境閔蘭若金天建旌幢
嗟峨古楞伽颯沓開雲堂
星河掛北戶日月經其陽
法雨

不斷灑檀栾紛成行時時吐虹霓下飲平波光
風帆日如織寶筏度迷方道林更愛客文燕依
松篁脫屣石苔滑科頭飛雪涼朱炎久蒸薄肝
晴兩月強掃除洞虛白盥浴披天香迴思隔朝
市執熱眇相望

麒麟行

天王建巳年尚秉正德朔聖人歛乘龍仁獸驚
代作秦吳亘中原靈氣森噴薄山海天地藏華
夷散脉絡茲焉各效珎元化恣磅礴骨法按古
圖礮礪冠一角鱗甲團五雲紫焰赤金錯長老

強記事彷彿徵永樂煌煌

九葉孫玉璽 帝

所度柱史儼載筆盛事光執削吾聞王者瑞秉
哲士諤諤夔龍在巖廊圖像畫雲閣丹心日月
傍星斗參磊落努力望諸公洗目青天霽

哭孫太初

叔夜天人流龍章混土木太初關中來鬢鬢騎
白鹿恢恢天網外玉立青山獨倒着蓮花巾虹
霓恣成服腰頭虎鞞囊自託神仙錄高食太白
雪屢憇車箱谷曾雲蕩其胸溟渤空兩目雄談
豁古寺饑鼠窟深屋賦詩聲殷殷月黑魍魎伏

鏗鉤鍾律應突兀崖障盡斯人則云亡古調竟
誰復昨者去茗溪札翰一再讀百年付浮萍萬
事驚轉轂天馬不受銜孤星墮南陸安石竟殞
雞賈誼終遭鵬草堂湔何在落日玄猿哭三嘆
豪士風淚掩高離筑

陳氏南樓宴集

荆吳古都會樓堞面勢堅奔流自天目下與震
澤連股引環雉門金湯樹華旗山川麗繡錯斗
野鬱星纏霸氣雖間歇豪俠爭喧闐名家列鼎
食珠復肅初筵重堂隱歌笑復閣羅神仙向來

形勝地一一指掌間寒暑錯氣候雲霞媚人天
掌中車渠盤凜栗冰雪拈微風汎齒齒香度舞
衣前海內諸名公題詩琬琰鐫鄭莊特置驛山
簡時廻鞭鳴鍾日高會飛纓爛相駢乃知南陽
孔不徒守金錢素封炳青史高義到今憐

雅宜山人集卷一

雅宜山人集卷二

明吳郡王 寵 撰

五言古詩二

嘉靖稿

送錢太常元抑祠祭 顯陵

江漢朝百靈絳節集鄢郢 興園奠其陽虹蜺
熠光景象設開天庭環衛森五嶺齋房產靈芝
玉階出金井神游駕虛無劔鳥存遺影灑掃祠
官虔七鬯 皇情耿太常典秩宗精白一心秉
龍顏授玉冊殿上親祗領玄端佩衝牙陟降瑤
壇靜風清靈旗翻天赤御氣罔宗裡日輝光松

栢載崇整山河扶棟梁虎旅肅藩屏還輶告成
命弭節爲俄頃備聞古夔龍密布金華省彷彿
弘治風廷論多骨鯁武輩飽藜羹散髮從箕穎

紀變

皇帝紀元年嘉靖秋七月盲風白晝號酣閩巨
明發勢從西北來突過東南蹶一鼓江河翻再
簸海嶽拔黃沙暗中原白浪高觀闕古樹斬十
圍夔罔逃百粵淮揚旣澎湃吳楚轉突兀出尤
掣長旗天吳豎危岌中宵抱屋柱股栗不得歇
三儀莽蒼蒼色亂玄黃汨飛廉應南箕崇鯨伏
金鉞神聖方膺圖地紀胡嶮岫元老滿巖廊燮
理諒匪忽翻然萬家邑漂蕩魂悄惚蚪龍怒磨
牙何處收爾骨翹首叫帝閭終思答天罰

贈邊丈太常庭實

趙舞罷七盤齊瑟掩雲和丈人坐華屋賤子按
節歌寵也結髮時誦法丘與軻寒門寡墳籍長
者希經過窮鳥閉樊籠舉翮摧四阿弱冠遂無
成行吟粵江沱西游入金陵高闕排銅駝王侯
爛星月 帝業侔山河雲臺儼曾峻天人鬱森
羅弛擔立道旁劔珮聲相磨赫赫太常公駿馬

金盤佗秀準象山嶽腹庫開干戈雄名歷當代
參列李與何中州兩龍奮東魯一鳳摩雕蟲旣
掃蕩大雅旋琢磋天球及寶玦宗匠搯斧柯煌
煌我 明室典述業以我五緯貫中天四瀆揚
其波後進聿雲興回幹良已多顧我凡馬姿九
折長蹉跎孫陽謬躬拂浪費玉山禾詞場若可
繼舞首爲鳴珂

奉同東橋顧丈夜宴賞菊之作

中歲無所成飄飄慕長生未請靈芝法采菊餐
其英腰佩茱萸囊冠垂蘿薜纓霜中三秀茁石

上九華榮明公挺鸞鶴翻飛辭玉京重此瑤草
約遺彼濁世名玄夜共逍遙攜手游泰清折花
竟誰贈俯仰千古情安得凌風翰一舉遂遐征

月夜登上方絕頂四首

五湖湧青蓮削出千丈壁空中構寶殿珠光相
蕩射明月海上來照見半山赤千林似竦動鳥
獸夜辟易飛馳入中天萬里掃空碧吳粵何茫
茫俯視一氣白身列星辰間絕頂布瑤席舉杯
酌銀河誤觸支機石回首招王喬吾亦成羽翮

其二

吳山直牛斗豈必五嶽竒飛梯入青天虎視東
南睡海水涌我旁太湖化爲池波光蕩寶月萬
頃堆琉璃魚龍百處現吞吐珠陸離歌嘯生雄
風草木四山披腰佩豁落圖手掣蚩尤旗遨遊
五城上極宴不知疲

其三

大道無端倪人世如蟻蝨冷然馭風行天路非
阡術望舒稍西傾東海已吐日山川兩照耀金
波中蕩滂仙人夜行游巖坐汎寶瑟吐故餐晨
霞乘露采芝朮嶢嶢金庭山中有煉藥室却笑

尚子平寧瀆婚嫁畢

其四

乾坤一銀海萬境羣動滅狂殺王子猷疑是山
陰雪披襟當雄風酒後覺耳熱山精忽夜嘯谷
響崖竹裂愴恍非人間身世殊陟絕結束昇天
行星斗爲珮玦倒窺山河影嗟峨鏡中列始知
飛仙人五嶽視丘垤紫霧何濛濛入口皆玉屑
幾時丹砂成白日翔鸞節

乙酉送家兄履約會試二首

富貴別離易貧賤去住難游子起蓐食盡室慘

不歡高堂有老親雪涕何況瀾征馬爲躊躇僮
僕皆辛酸薊門莽蕭蕭澌水流桑乾朔風旌旗
裂胡雁愁羽翰念我南中人踈理不耐寒累夜
絮征衣猶覺輕且單五雲夾重城 聖人在金
鑾日月儻垂照挾纒何足嘆

其二

古人貴功名今人學干祿豈無遐舉心轉鷹不
充腹夢寐在山林苦迫臘與伏飢來不待驅燕
趙莽馳逐所悲骨肉離不及雙黃鵠耻爲兒女
仁長歌以當哭努力休明時望子光五族毛生
慰此堂上心日夕千里目

贈曲巖山人蔡師古

嘗登曲巖頂翠壁凌競行下屬帶林屋上干森
太清嶠唵兔狐道斗絕芙蓉城天銜太湖小日
上東山橫奔濤激林響飛霧驚人聲雲光寫石
鏡天籟摩風箏暫駐浮丘鶴長吹子晉笙坐來
握玉髓饑至餐瑤英當時山人輩金策相支撐
前身蔡經是師受王方平結廬古巖下桃花滿
前楹麻姑復千歲指甲猶自輕丹書拂蘓讀玉

女披霞迎親傳步虛唱彷彿鸞鳳鳴笑我晚學
道碧山許藏名相期荷長鍾石上斲黃精

送陳子齡會試三首

隋掌有明月郢匠本荆璠光華一曜世逝矣不
復留中夜忽自驚絕望火裁舟止者如螭旋去
者若雲流昔爲補與車今成流與浮彈劍作微
聲颯颯寒風道丈夫貴意氣豈在同余稠

其二

夙昔卧林壑與子多緒言方軌共行遊遊彼竹
素園古人不可作志節照當年垂爲日星文

爲河漢源中夜撫枕嘆思與比翼鶩龍淵不在
握壯志成煩究日月忽我道荃蕙寧久繁努力
愛光景及子朝陽暎鳥飛不厭高獸挺各爭先
策足據津要慰我孤窮魂

其三

黃金錯擊劍結束千里裝驅車向燕趙日夕見
太行天寒繁霜雪層冰阻河梁疾風沙礫奮落
日人馬僵原野何蕭條旅鴈正南翔男兒當努
力所願馳四方咄彼乳臭子尸居戒垂堂投袂
從此遂中情慨以慷

分得滕王閣送盧駕部師陳

江漢紀南服衡廬奠朱方河山阻襟帶表裏望
荆湘列雉鬱叅錯樹羽盡飛揚風清彭蠡瀨雲
起昭丘陽帝子握龍節盤石荒楚疆中天抗瑤
榭倒景垂虹梁鳴鑾溯千載遺構想靈光夫君
勤王事流覽恣方羊不復及百卉素日落千山蒼
悼古志情悅遭時氣騰驥北首睇辰極東指窮
扶桑伏檻藐寰宇觀風歌吉祥言歸報明主端
笏拱巖廊

送屠秋官文升校文還朝

哲匠握衡鏡南國叢楚材遭逢 聖明世推
黃金臺衡巫剷琇穴彭蠡拆珠胎光華曜翼軫
卓犖超塵埃言旋告祗命拜手贊康哉 帝御
萬年觴紫氣溢三台進賢膺上賞緝衮須良才
江南草正綠塞北花應開及子春服麗翔舞入
蓬萊

石湖秋泛同段戶部子辛文太史徵仲
濩落類莊瓠汭洄依孔桴冥心委江海屏迹逃
人徒鶴厲申獨往夔屈謝當途持此百年操居
然山澤癯兩賢顧同調枉檝臨家湖駢筵屬秋

序嘯侶邁元夫初旭洩雲翳落景鮮霞鋪重霖
豁朗霽商氣集高梧南陵絢丹碧北渚冒菰蒲
瑤甍迤隱見羽節時有無陟峴禮精室乘峰眺
名邪神超禮自逸世往迹與徂吊古指游鹿歡
今懷過駒請君謝天伐屢慮收桑榆

同白下兩友燕東橋顧文家園四首

潦水蒸神州桑條爰秋幹吟已諒有窮思齊乃
無畔曰余迷方學道徒漫漶戴盆以望天寧
識河與漢哲匠擅斧藻不遺溝中斷屢席諧故
權披文賞新觀汪汪千頃流燁燁三英粲縻爵
非金黻忘年昉羈負俛仰愧良知當座興累歎
願以皓首期從君詠文瀾

其二

金陵信都會瓌麗表 帝疆大江自岷峨入海
隴荆揚蝶蝶石頭壘列峙鍾山陽觀闕摩蒼穹
翔舞金鳳凰形勢扼九州賢豪傾四方今夕復
何夕躡履上朱堂影纓無醜士結珮皆人良綺
思若霞飛玉度藹鸞翔辟彼隋侯室錯落垂夜
光何必絲與竹清言間華觴投分寄諸子聊與
爲太康

其三

束髮志典述臨文多慨慷思得千金駿竦轡當
詞場先民日以遐宿草蔓周行大雅豈不懷轍
迹浩縱橫 昭代自天啓婉婉羣龍翔赤霄無
短翼玄纘有奇章煌煌華我 明姬妣相頡頏
伊人各乘運風起雲飛揚濩落乃無成念之熱
中腸眷我同心友摩厲不可忘

其四

悠悠水中魚飄飄天際蓬魚行逐江海蓬轉隨
西東聚散無定端清尊難屢同如何千里客集

此一室中蘭銜吐華燄瑣闥窺瓊瓏棲鳥數夜
驚談塵自生風銀河綴網戶玉露溥高空羽觴
行無筭醕飲靡不充肅穆嘉容儀初筵逮有終
滄海不厭深華岳不厭崇努力樹明德庶以慰
我公

渡江望金山

蕭艤泝洪濤掛席展奇峯頗懷濟川人復羨臨
濠樂茲山絕地脉江海秀磅礴突起無曼延中
流自澆潏太華巨靈擘龍門神禹鑿嶮峭由代
工位置非天作仰干斗牛精俯枕川藪絡中虛

釀靈潤外觀表封略樓宇盡騫騰嵐翠紛沃若
潮音雜鐘梵人語怒蛟鱷陽侯戲其涯五采忽
乘躋趨捷慕飛葆凌厲憐孤鶴余本水鄉士夙
負滄洲諾一丘可棲遲萬事甘零落

贈家兄履約應召

駿命無遐遺荒服有嘉招伊昔投海甸解籍辭
中朝鯁鯁遠臣慮悽悽去都謠炎州屢經復島
邑窮招搖嵐煙化衣素瘴靄拂行輶佐郡豈不
崇注心傾九霄恭承簡書召采秀備王寮承華
際日月建禮集金貂游龍無異沼巢鳳必同條

生逢軒虞后玉几正垂綰餐和酌玄曾舞象協
英韶亮懷隨和寶入握彌光昭丹轍非所榮期
在令名劭君子圖興勅宵人志棲鶴長歌擁耒
耜聊以稱吾苗

宿龍江

促柱多危絃勞歌無緩調遊子倦風湍羈人苦
奔峭昨沂揚子津今宿龍江徼天高零露溥夜
迥哀鴻叫爛爛金波翻耿耿玉衡照浙瀝蒹葭
渚微茫煙水嶠川后戢澄瀾海童舒遠嘯臨深
念畏途鑑止希要妙百年何鼎鼎恐貽靜者誚

緬懷鳴夷遊側想任公釣解我樊籠後將窮山
海眺

宴徐子仁宅

金陵豪俠窟興遊鳳凰原青門臨上路爛若朝
霞若歡侶共行遊宴窟窈窕園神飈集珍木泫
露被芳蓀蘭池夏氣蒸桂棟秋雲屯嘉花旣羅
戶密蔕亦植接疏林抗北磴激浪飛南軒粲粲
芙蓉披離離極上繁中堂理絲桐後檻樹旌旛
初疑游龍翔忽訝驚鴻翻色授神已交禮防心
炬煩主人卿雲流標勝儷璵璠已羅西園彥復

注北海樽縱橫逸藻奮契闊佳期敦履舄相繼
陳釵纓互續緡肴來乃解蒸觴至若川奔曉異
夕月馳宵忘朝日平樂諒虛侈高陽亦徒喧
縟麗安可悉商箏以此言

與王工部女成游泛分詠橫塘

鼙鼓發橫塘浮艤在中央秋榮正靡靡曉岫復
蒼蒼遠樹藹墟落平川趨石梁江南采菱調吳
娃浣紗妝日華波的皪霞采天蒼涼魚戲縠紋
亂鳥鳴山籟長雲旗稍搖裔羽蓋亦悠揚傳卮
已側弁徙樂更調簧上客金閨彥時飄仙署香

弭節逗枉渚稅鑿遵近疆繾綣瑶草約逍遙采
真翔臨筵奉嘉藻願比雙明璫

牛首山

終南望咸陽少室適京洛神宇壯維藩佳氣鬱
環囑茲山何崑萃川嶺麗編錯攢蹙感亘千巖紫
紆盤萬壑星辰互翻動雷雨或解作谷候異涼
溫峯形殊今昨瑶草華中葉紅泉風外落江翻
映組練日照輝金華游衍多聖仙翔舞集鸞鶴
循山構累榭嵌空結巖岫飄飄曳靈旛宥宥鳴
天樂宸居紫奈清長揚巨五柞登祇警神衛
方望肅王略弱齡耽名山雅志涉丹籥招隱冀
淹留采秀憐沃若乘我上皇心排筌入玄漠

陪宴孟中丞有涯作

青鳥顧鸞斯神龍延尺蠖大觀乃遺形采士及
葵藿揆予懵浮賤擔簦游宛洛情同過江枳化
異入海雀謁謁青雲居朝寺麗綺錯肅穆棲天
人森沈響鈴索孟公中州彥逶迤象山岳逍遙
冰井臺時傳臨海作解帶沐華園開樽睇蘭薄
朝與山人期日晏褰珠箔縱橫飛爵歡下上論
文樂玄纓非蘿帶朱門豈丹壑中飲獨彷徨念

我東臯穫

上方月夜與段子子辛

棄世吾慕嚴薄游君類邴賞心懽調同煙駕蕭
塵屏游行倦平臯遐思集秋嶺頽陽隱半規織
御曜圓景稍稍林霏交沈沈谷神靜仰攀星七
襄俯弄波千頃歌翻雲外音舞動天中影野曠
羈鴻號露下棲鶴警巖岑已嶮嶮吟嘯復孤永
疑從靈園游燕此華胥境若枝已堪折雲裝爾
須整遣彼弱喪情消搖任所乘

金子懋仁過宿越溪莊

卜築山水隩懷疴松桂林雲卧有超思天游無
近尋歡友念孤賞撰此丘中琴萋菲既文瀾玄
邈亦道心憇石牽葉卷班荆息蘿陰嫋嫋夕飈
急瀾瀾秋潦深丰茸已搖謝嵐靄轉蕭森西疇
刈穫語北嶺樵蘇音景晏渚煙合天空赧氣侵
攀翻寄真相敷奏摠幽襟然薪繼以夕羅縷窮
古今雅道久彫落佩子球與琳

秋日山齋

動息無並歡榮寂有交戰理來神以超物往性
可繕寢齋潛山樊逃虛賞清燕高齋瞰瑤宇伏

檻散林甸庭翠集近巒天青森遠嶽迴歎迺哀
響鮮雲飄晴練秋容尚餘妍好鳥時遺囀萸菊
挺葳蕤楓楠被丹絢紫萼聊可采綠蟻懼獨薦
庶矣日車乘彼哉魏闕戀迤邐玄月陶因書布
親串

飲顧淄川榮夫

昔掌淄川徭今耽竹林賞解龜豈年及乘日非
外獎偶會禽尚心彌肆雲蘿想經始中園蘆蘭
椽蔭閑敞清池過庭激紫蔓綠籬上薑芋抽新
萌蒲菊牽宿莽差池喧鳥覆潏潏驚魚響息陰
聊舉爵臨涯時抱杖英英白雲游纏纏鮮飈蕩
興遠集蕭晨蘊真愜吾黨蟬蛻迹已冥鸞翔意
俱徃方敦霞外交言稅區中鞅

穫稻

拙政期農扈肆樂繁歌函鄭鋤旣已揮陶車寧
憚巾耆力望卒歲息饗報升新恭承義唐化束
髮業王民進陟宴周器退畊甘隱淪先疇在南
山蘭野錯龍鱗桑竹被廣隰葭菼夾脩津秋風
蕭隴首肅氣浩無垠翔陽迤隱曜流霽翫窮旻
惻無過客睢睢後時人千念攢永夜萬感興

蕭晨亮矣固窮節薄言寄松筠

過毘陵訪鄭博士于漢段郎官子辛

吾慕鄭子真谷口揮其鋤吾希段于木偃卧梁
王都富貴如浮雲天壤相與徒擊節千古下慷
慨懷此夫幸來游名邦世哲頗同符博士旣獲
屈郎官亦鴻祖鍛翻摧九天騎驢宦三吳道存
神彌王時下孤被玉纓補唐虞
典文粲成若春華美酒解取貂
裘沽舉觴望青天傲嘯丹陽湖翩翩雙白鹿倒
載長模糊寵也落魄生興在黃公壚左眄復右

挈觸目瓊琳株謬忝本州役獻策金門趨野兕
志長林豈備王者驅婉孌二夫子握手不忍殊
理棹待明發援筆書鬱紆

秋征二首

我行涉秋首整駕將 帝關迅商薄陰谷有滄
興鍾山霖雨成江河四顧迷衍阡潛蚪失故穴
黑蜃濯重淵林木紛偃仆饑獸更我前轅馬爲
悲鳴徒御皆慘顏黃鵠振羽翼盤舞自翩翩而
我獨何爲辱在泥塗間

其二

脩途錯昏晝曜靈匿朱光鳥雀夜各歸游子獨
迷方征途迤隱見落落參與商前驅入谷底後
乘超山陽沮洳見虎迹詰屈驚羊腸洪流屢崩
岸欲濟無津梁徒懷千金瓠未享五饋漿娟娟
繁華子鼎食坐高堂王生驅九折臨路獨慨慷
贈袁補之計偕得北字

竹箭美江南驪駒空冀北跼蹐饒靈竒之子百
夫特念爾琴伯仲高陽堪動色有珠皆駢胎有
鳳皆聯翼朗朗天骨張萋萋文錦織汪汪清渭
渟矯矯朱絲直翔飛逐後先聲采儀上國彈冠

入承明躡武跨丹闕休閒隨風翔雲臺與年陟
大人聿龍興多士肆陳力驅馳功名會炳煥彝
鼎勒時哉古所崇勗子以明德揆予抱樗朽植
根鄧林側結綬期華顛夙昔剖胸臆鈇刀與一
奮躡步慚卻克獨坐揮五絃飛鴻杳何極無爾
金玉音願言長相憶

金陵遇朱子振之作

握蘭心惰勞停雲思延佇積此彌年慮居然遘
逆旅羈鳥懷故匹潛魚念舊侶含情諒有慕欽
賢詎無與伊人淮揚俊鳥奕鸚鵡舉輝光寔映

不雅宜集二
隣意氣夙所許鶴鳴子敦余緇衣吾好汝火旻
麗朝陽金氣肅闌暑雲起蒼梧陰波翻洞庭渚
及爾嫵婉辰凄風薄涼苧年芳忽已適蟋蟀鳴
西序把袂猶鬱紆臨岐更酸楚遲爾南飛翼無
俾音塵阻

飲錢二孔周宅桂花下

嘉樹蔭團團團團露華白本自招搖山植君青
霞宅不意凌寒姿占此瑤墀隙高枝挂珠網卑
條敷綺席萋萋布葉陰茸茸吐花積風飄遠近
香月映盈虧魄既集佳麗人亦招隱淪客幸承

金樽薦親芳玉腕摘歌曲出瓊瓏舞袖瀟瀟
條繁每冒釵花落常點額戲羽必成雙
單隻及此芳菲時荷君千金惜不醉且添留看
朱已成碧

寄朱子价

我有蛟龍劍一飛淮海東大江隔雲霧精誠何
由通紫氣入斗野薄蝕星與虹神物雖異處烟
烟乎黃中所願比翼翔網緼播玄功惜哉時不
遇甘與蓬萊同君子挺鸞鶴小人化沙蟲志節
苟不虧尺土升喬高閑居覽遺編仰彼達士風

飄飄青雲端千仞安可窮
茲意疇與亮思君日
憧憧

分題天竺嶺送陸給事中浚明

竺嶺挺名嶸澄湖漾淪漪
山川麗繡錯列觀何
參差壯哉古帝疆江海爲湯池
昇平盛歌舞雜
還水陸嬉使君建華旃輕輦乘風移采士盡瓌
寶竭澤靡所遺載覽東南秀發壤多靈竒迺知
大藩地文獻疇與夷

宿京口

三雄昔龍闈江介表吳京
長沙孤童奮大帝鼎

足撐築城鐵甕嶮選士鬣胡纓強弩臨江守先
鋒誇漢爭石頭踞哮虎北固吞長鯨壯哉山河
麗樹羽摩太清崩騰魏晉事周折理亂情寧知
檣蒲人嘯咤風雲生赤手扶紫極朱旗掃攬搶
陰符草間讀擊劍腰頭鳴時來雄圖騁地古霸
氣橫霄征睇壁壘灑淚悲豪英金湯有遺構衮
舄無常榮彈鋏歌此曲月落天旋衡

杜氏桂子讌

江南本佳麗列邸復華滋
陽林氣候暖秋木散
柔萸飄飄揚清芬分彼月殿枝上枝鳴好鳥下

枝拂華池飛英泛羽觴行座雙逶迤嘉肴充員
方玉鱠饌尊絲朱方出皇柚大谷進名梨主獻
屢磬折賓酬亦佩垂論文悵日晏度曲窺雲遲
傾賢自靡已我懷如渴飢眷言今日驩千秋以
爲期

計偕別友生作

伊昔家江南少小漁蕩澤酣歌吳門市經過避
仇客提攜弄箜篋日宴十以夕此歡殊未央百
歲期浪迹頗懷箕僕情踈宕王霸畫顧非偶世
姿州里見推擇改服鼻胡纓首路千里適銜怨

辭密親撫劔遵廣陌踟躕生平愛離思崇朝積
樂爾同林羽彌傷孤逝翮夏首期來旋東臯刈
麩麥

登焦山作

農山興孔志疆臺試荆遊憑高易以愾樂勝令
人憂挂席滯滯險振衣陟浮丘威紆隱百疊澎
湃經四周江形繞成帶海氣墜爲樓天吳几下
舞若木窓中抽遙窮島夷界近覽東南陬萸英
冒芳甸春色藹神州凱風嘯晨鵠青陽喧渚鷗
雲類魚鱗集潮湧桃花流隱淪旣已逝偃佺亦

空求悵悵千古心忽忽百歲道願垂任公釣聊
謝張衡愁

寓興隆精舍作

夸士崇朝闕靜者依山樊榮寂各戰勝流止非
同源夙懷蘊真趣林卧探化元薄游儲胥觀假
息旃檀園清陰匝夏屋幽響激櫺軒閑階獨鳥
下淨院踈花翻玄津爲解渴碧篠可辭煩朝餐
雲霞色夕諷楞伽言焚香振寶鐸作禮揚華幡
道存豈累物神遠自遺喧寄語中林子賞心誰
與護

祕省召試作

子真屏巖石曼倩狎金扉拘方道未廣處順天
何違曰余少支漫叢集曲士譏雕蟲竊自醜大
雅謂可晞玄珠冀象罔敞帝寧是非浩蕩江海
間胡復解天飛雲羅匝四際不以蜩鸞蹤踰
入鼎門仰睇日月旂中墀溢朱組列從森綴衣
神靈邁軒宓下采盡葑菲醯鷄游甕盎識衡
與璣湯湯流辟雍翔泳荷所依方愧綠水薦還
反滄浪磯

郊遊與諸公作

洛中曲水讌西京玄灞遊由來盛簪黻蘭藻麗
皇州紫掖鳴珂散青郊結伴投三三駢玉勒兩
兩方華輶地擬河陽谷池穿太液流金張雲母
幃許史鳳凰樓細柳全遮埽新荷欲礙舟厭逐
豐貂飲還從卓錫遊雲峰猶辨夏鈴語似鳴秋
梵樂紅樓奏天香紺殿浮賓疑馭風至思以采
珠求名理山陽勝談天稷下道所嗟江海客躑
躑且淹留

海印寺閣眺

茫茫平陸野鎮以醫無閭東臨指樂浪西亘接
昭餘翼土昔麋沸兵戎屢紛拏三后寶玉徙千
載山河虛天旋晷緯應地拱海岳舒萬軌蕭王
會百雉壯宸居蒼龍翔玉闕玄武伏金渠絳氣
薄浮景青氛銷故墟祥飈協律奏御雲太史書
飛游已寥廓周覽亦威紆我行睇神寓兼得陵
浮屠且窮上國勝歸荷南山鋤

西苑

翠鳳翔文囿黃龍戲禹舟乘雲暢 皇覽御氣
警宸游上聖豈蓄軫玄功惟委裘青霞冠玉嶠
碧海溢金溝東出祈年館西望五城樓虹梁像

漢徙芝蓋儼星浮帝女呈機石天童豎采旂神
魚五色現琪樹萬年稠竹殿迴鸞駐椒庭降輦
留園形圖具宇方折寫瑤流望幸傾三島時巡
聳十洲流觴洛水日張樂洞庭秋不及天池鴈
年年奉藻旒

贈何太華納言許少華太僕

二華表秦望仙掌振河津下屬帶嶺阻上千薄
金旻已奠黃帝鼎赤棲玉女盆發祉篤皇輔
孕靈開異人何子如虬龍矯矯孰能馴時來吐
風雲意若無崑崙許子瑞世珍玉帶金麒麟摛
藻麗春醅抗節屬秋筠彈冠際景運珥筆服王
臣即事事齊軌爲德德並隣婉孌承明闕容與
呈王墳晨風翻北阜感物戀所欽纏牽旣取累
千里不及塵慙無握中璧何以遺嘉賓

贈鄺吏部子京

媯后握璣玉夔龍集天階黃軒受魚圖吹律鳳
凰來風雲迺玄感天人由化裁鄺子穆以夷熙
若春登臺璀璨中所涵碌碌皆瓊瑰揚暉及當
年明兩燭天開出入平津邸雲冠切崔嵬洗沐
晏郊園蘭逕羅蒼苔澄陂旣難滓惠風亦遺埃

寒余困微禽無用充海淮將隨桂水遠安磬平生懷

古意三首

軒騰闔羅客妖麗賣珠兒瑀弓玉貝劔綠幘繡
紋綦昨戲千金堰今遊鴈鷺陂蹀躞桃花馬爭
轡溢中馘半醉上河梁紫燕若驚飛西望甘泉
宮落日映紫魚青雲連甲第熊虎畫門楣少婦
理鳴瑟哀響涕重幃歡樂未渠央伏檻臨曲池
却笑衛霍貴論功沙漠垂

其二

幽并游俠子本自重橫行被蒙龍顏顧知深覺
命輕居庸一以眺千里黃雲生朝授龍驤璽夜
搗休屠營星飛湛盧劍風怒招搖旌鳥翼舒還
卷魚麗縱復橫叱咤陰山動崩奔瀚海驚一矢
天狼滅再矢旄頭傾銘功金作字奏凱馬垂纓
意氣中朝羨賓從一時盈子雲殊未達方俟太
玄成

其三

主父朝上書夕召甘泉宮公孫棄東海欵起如
旋蓬王猛三秦豪賣畚洛城東馬周起徒步驥

首虬鬚公達人貴憑化一蛇而一龍碌碌不如
玉落落非石同老氏得其真善應入無窮長嘯
出鼎門高步躡華嵩儻遇王子喬攜手入雲中

贈張山人子言

梅生隱吳市班子遯西京閉關抱霞想解桔恣
天行龍潛即人境道存豈華名之子巖壑秀浪
迹長安城作賦擬左思慢世類長卿雲裝時獨
往煙駕屢遐征華山看對奕緱嶺聽吹笙握髓
浥飛溜餐霞屑瑤英高藻激文瀾素風飄蘿纓
詩歌泌水樂爻值幽人貞雜珮欲有問七襄媿

無成

酬別許太僕東侯

嘗聞道士說夙慕餐霞侶終朝采芝秀不盈筐
與宮窺洞企丹經披雲遲靈囿倘悅二十年娑
娑未輕舉躡爾與世羈公牒鷺千里瑤光正紫
甸神寶燭蘭時栽栽通天臺粲粲當塗子蓬首
厠玄纓鶉衣箬珠履麋性良已驚雲情獨何取
朗然邁世哲祕寶琢璜瑀大隱銅龍門冥心紫
霄羽爵以名教崇道由虛無主拂軫欣調同披
領覺塵洗余往諧山林子留限旌蔡別促魂周

章途乖思迢迢何以喻悲懷荼苦猶如薺

出京獻家兄履約

首夏謁承明季月旋舊疆晨發警徒御啣悲登
河梁引領望宮闕中天麗瑤光羣龍儼齊轡
駟駕北斗傍小往愚在野大來賢者昌明明握玄
鑿物理固其常念與親愛辭痛結迴中腸奈何
同巢鳥不得雙翔羽翼旣差池恐彼東路長
別時思鬱紆別後思飛揚濁河激湍險日夜流
湯湯終風暴且晴臨川念垂堂逝者日以遠止
者日以空邈邈千里餘河山兩茫茫儻若諧素

心歲晚南山陽歸當擁吾鋤爲樹杞與桑

臨淄行

虛危下流精萊沂迺東峙樂謝爽鳩墟勛崇太
公履山河控十二海岱錯表裏亡人忽龍翔纍
囚遂鵲起名垂天壤俱世往陟谷徒談餘鄒衍
風節慕魯連耻市藏陶朱俠路曜姬姜子喧闐
鬪鷄道鳥奕鳴鐘里雄豪八方湊聲利三川擬
寶瑟發東謳流黃織文綺大澤饒萑蒲濁河足
鱸鮪欲歌泱泱風請自臨淄始

庚寅七月一日道中作

昔往日遲遲今來露瀼瀼金風警素節火旻謝
朱光蓄鵠離海渚白雲翔帝鄉我行倏俛仰逝
節燠以涼常恐歲月晚彌嗟蘭蕙芳志士惜年
駛征夫怨路長攢集千念端迴轉一日腸溯流
觸湍怒弭棹遵河防臨川誦宣尼避雨景文王
遭迴不得進坐使鬢髮蒼東山悲不歸蹉躅戒
無荒勞歌哀以促君子慕周行

晚步行春橋

瀟瀟泛星渚翩翩躡虹橋青山正落日霞采散
層霄天吳靜不發廣川無纖颺蒼林起長煙千

丈暴冰綃紫翠杳無端姿態欬橫超南疇稻花
吐北渚荷香飄禪室隱森蒼湧塔翔嶕嶢傲然
睨天街鸞鶴紛相邀寢瘵屏中團煩心劇旌搖
茲辰散輕策萬象同逍遙了得養生理長歌白
雲謠

登伏龍岡

千金誠垂堂胥靡狎登高人命豈不寶重輕乃
殊操蹇予抱宿痾浹歲屏翟蒿清秋志覽眺躋
阜舒鬱陶霞嶺香繡壁風湖渙文濤山川列吳
衛南紀信滔滔陽林未墮卉縹采被亭臯鮮飈

拂迥泛輕雲薄空翽日窮天際飄掌弄鏡中舸
飄飄曳蘿帶楚楚寒荷袍嵐靄翠欲滴光爛手
可挑我黍粲我田下澤種腴膏維茲雨暘若臥
耕真罕遭山農式歌舞披草自盤教優游聊卒
歲永與鹿麋曹

文表諸子夜宴山齋作

野墅足秋爽書齋依灌林共來山水地了得羲
皇心紫蘭散幽馥丹桂敷夕陰鳴臯鶴愈厲抱
葉蟬無音微雨集荷響疎風引松吟蒼煙羃林
岫玄靄沉河參翩翩羽扈五粲粲華詞森江海

散鷺驚階除橫古今願紆塵外軫屢會丘中琴
李原承兄弟至

風灑北窓蕉筍簟波文綠白雲映遙天千片空
鳴玉踟躕松欲舞楚楚藤如束山空鳥言靜雨
沃苔錦繡楓楠翠猶藹茵茵紅相續秋晶晃秀
林霽色澄遠綠主人亦何事瑤琴奏幽曲意得
在高深理遺齊榮辱棲遲一丘中迴薄天地足
晚與靜者期開樽命醺醪

月夜與補之子任日宣登閭門城樓

列雉森海甸麗譙屹中天山川振襟帶方位周

幅員華月鏡千里覽見東南偏蒼蒼寶玉氣靄
靄都虛煙霸跡幾興伏徂運悲逝川惜哉萬夫
雄隨彼往化遷唯有烏棲曲哀怨至今傳

王子履吉病起家兄弟往越溪莊相看

袁袞

南湖新水綠仲月天挑落輕舟焉所如有客
臥山郭憂虞曠故歡言笑諧今諾憐君體虛
羸况苦煩疴作茲晨喜無恙共此花下酌園
桑已抽條徑竹初含籜溪清數游鱗塲廣觀
舞鶴舒散鬱抱開佳賓勝良藥蠶稼勿苦辛

文史可娛樂願保金石軀時來慰寂寞

養痾山莊袁氏伯仲過訪永之有作奉

次一首

垂簾閑神馳馮几觀花落養痾卜中林移孳棲
近郭又違西園讌亦乖北山諾是時春向暮傾
家事田作歡友欸柴扉梧楸携茗酌野服初製
荷山冠始裁籜憐君佳伯仲翩翩集鸞鶴對此
群玉林餌我萬金藥已諧伐木期更賞臨濠築
願君敦久要古道今寂寞

越溪莊畜有四鶴作四鶴篇

山人挾四鶴來自滄溟隈丹頂爛璀璨羽衣颯
稊穗竒形應圖相靈化乃仙胎月林同晃曜雪
壑更徘徊托巢本玄圃飛響聞瑤臺玉轡神仙
騎金籠鸞鳳媒嘗傾吳市舞曾駕衛軒來雷鼓
雙飛出遼陽千載回蹇予浮海志愧爾凌雲材
偶集南澗止同翳比山萊夜宿松龕共朝遊竹
嶼陪鏗鏘九臯和掩抑孤琴哀我願駕此鳥三
清朝上台冠將星斗綴衣以虹霓表蕭蕭紫宮
啓戟峩闐闐開雨師通漚道風伯爲滌埃王喬
鳥影至羸女爲蕭瑟能拾試釣天樂遠是瑤池杯

寧效逃名子林間方鑿坏

寺門望虞山

禪門吐雲氣前與虞山通大海蒸巨壑煙嵐日
籠葱蓮花挺秀壁繡障羅高空飛泉四時雨福
地千年宮蛟蜃時出沒青天乍舒虹是節屬夏
首灌木敷丰茸鶯啼紫巖曲鹿驚青林中薰風
蕩蘿蒿沃雨鮮篁叢寒予抱沉瘵未得窺瓊瓏
還期覽日出夜半千崖紅

四月八日

釋迦產西海李耳降東周聖人闡宗教吹萬羣

生休傳言佛誕日供養溥十洲白雀古道場千
載閔神丘左抱虞山陽右枕滄海流大士見毫
光青霄樹旌旆鱗翰總踰舞人靈聿飯投日月
經網戶雲霞粲朱樓建此靈山會浩蕩人天游
我師拂淨水廣陌香塵浮普施一切衆士女填
道周而我拘沉瘵龍堂願精修津梁儻有悟永
作逍遙遊

憶故園作

山空鳥聲樂日晏病客眠
蹇憇白雀院較耕石
湖田遙想蠶事作桑者日閑閑
綠竹粉猶膩江
櫻爛欲然游儵詠綠水
戴勝鳴高天飛絮乘風
颺新荷貼水圓故園風日好嘆息此芳年

雅宜山人集卷二

雅宜山人集卷三

明吳郡王 寵 撰

七言古詩一

正德稿

陽春詞

春到江南春可憐東郊西郭得春先
初飛蛺蝶猶疑夢忽見梅花各問年
鸚鵡洲邊芳草積鳳凰樓下百花然
王孫拾翠爭相問美女尋春總獻妍
千金買得飛龍馬八寶裝成軟玉鞭
啼鳥亂羣還自對游絲爭繞暗相牽
勾吳樓閣如天上別有紅妝笑相向
雲屏珠箔正昭回錦樹璫



花次第開傾國能誇神女賦凌雲還有茂陵才
欲移角枕鮫綃帳先挂冠纓翡翠釵春色年年
歸有期勸君須惜少年時春去春來人不見花
開花落日相思昨日朱顏渾似玉今朝白髮已
如絲年年暗受傷春病不與楊花燕子知

九日過唐伯虎飲贈歌

唐君磊落天下無高才自與常人殊騰驤萬里
真龍駒黃金如山不敢沽秋風日落嘶長途我
亦垂眉下帝都終軍錯棄咸陽繻鯨鯢失水鱗
甲枯仰天擊劍歌烏烏男兒落魄魄日月徂相與

把臂揮金壺滿堂賓客照珊瑚江東落落偉丈
夫千年稽阮不可呼後來豪飲非吾徒氣酣爭
博叫梟盧四座飛觴傾五湖人生長若今日娛
何用錢刀衣紫朱坐茵未煖行已晡得不取樂
窮須臾君不見少陵不保千金軀醉後子細看
茱萸

觀李太白像

秋月出海珊瑚明舉眼忽見太白精雲光錯落
照顏色草堂拂拭蛟龍鬣修眉玉頰桃李春風
鬚如戟真天人屋梁落月想像真彷彿猶得交

其神我聞王孫帝子皆如龍天然不與凡骨同
江湖落魄黃金盡昂霄吐氣成飛虹蓬萊閬苑
在掌上長覺兩腋生清風天子不能屈四海不
足容飄飄九華山自有青芙蓉獨留神采照天
地令人萬古如相逢

題文丈衡山所藏趙子昂畫馬圖

神馬來從渥洼窟王孫貌得真龍骨天池洗出
霹靂聲恍惚似與蛟龍爭奚官廝養不敢近騰
驤蹴踏久乃定朱衣輕拂照紫雲五花隱起生
龍文黃帕高封碧玉鞍紫絲未挂千金勒九重
一笑獨當御天閑萬馬無顏色我聞漢武駉龍
媒又聞唐家師子花常思此物在天上何乃匹
素開風沙驂騮自是萬里足豈應流落天之涯
嗚呼天地變化兮雲霧晦冥吾知此馬之爲龍
兮終當飛入於滄溟

寄贈顧懋涵

少年落魄無所成碧山猿鶴聊藏名舉世於我
如浮雲喜君意氣偏相傾雄姿逸態江東英秋
水照曜珊瑚明胸藏萬卷禮樂窟筆倒三峽詞
華驚君家世擅文章伯海內長句推李白驂騮

騶耳不虛種龍駒騰騰汗溝赤楚天直謁蒼梧
帝梁園笑傲鄉枚客紅顏白面纔二十江海蒼
茫久蹤跡在門對長江開讀書遙住鳳凰臺
五湖舊業生青苔胡不長歌歸去來

石湖中流酌酒酣暢

總道金門隱方朔何如東山臥謝安青雲萬里
絕鳥道凌競側足千峰攢饒咬磨牙走其下飛
蛇接翼相勾盤平生蕭散不經事清湖縱酒哀
絲彈羅屏合杳出煙霧金鏡澆養生波瀾孤洲
斷岬疑盡出菱葉荷花俱已殘百觴自善鸚鵡

舞九月不柰貂裘寒丈夫未用頗適意長房自
愛壺中寬君不見翠華搖搖滄海西長揚羽獵
鬪旌旗子雲勞獻河東賦正是君平賣卜時

都下苦得佳藕彭進士寅甫夢啖特異
明日三江毛學士出講筵所賜設客寅
甫徵夢賦詩邀予和焉

秋風初入蒲萄宮天池秀出雙芙蓉玉雪爲根
下鋪錦清波百尺窺瓊瓏苑人跪獻列時品玉
箸光戛金盤中 至尊愛坐石渠閣臯夔退食
常從容御厨絲絡走中使一體厭飫君臣同長

卿奏賦頻消渴夢得江南藕堪折三年困頓京
洛塵一夜快嚼陰山雪倏然落筆潤肺肝五色
雲霞吐竒絕竭來示我目睛亂野人迹賤中徒
熱何時高議金馬門待君一鼓張儀舌

酒酣贈王仲回歌

斗牛之墟真陸海河伯獻寶朝元宰珊瑚火齊
光燭天百年吐翕精靈在仲回突出尤崛竒著
書擬學樊宗師殷盤姬誥洞五內灑灑噩噩塞
陸離閩風浮游拾瑤草赤水罔象搜玄珠人文
浩蕩踵今古日月環行江海紆我今濩落抱鉛

槩羨爾快斫生蛟螭酒酣瞠目兀相向軋端坤
倪恍摩盪荆蠻落照孤懷壯揚眉擊劍歌聲上
泰階奕奕魁三象石渠虎觀排銀榜萬里風雲
歛俯仰如君豈得終踈放

七言古詩二

嘉靖稿

七夕戲作白紵詞二首

舞衣初裁如白雲滿堂香氣吹氤氳游龍驚燕
迴不羣朱顏微酡酒半醺銀箏促柱斜斜分鸞
吟鳳語未始聞秋風蕭蕭水泆泆玉杯澹瀉青
霞文餘光翻映桃花裙高陽酒客心如焚瑤釵

挂纓日欲曛邯鄲才人何足云

其二

雙旗欲度河熒熒長空萬里倒列星玉簫聲斷
錦瑟停七襄宛轉雲冥冥美人飄飄翔紫庭中
宵露坐羅圍屏舉觴屬君君試聽願爲枝上雙
鷓鴣當筵一笑千黃金高堂燭滅風不寧衆賓
已醉淳于醒今夕何夕諧百靈

伍疇中所藏畫山水歌

伍侯愛畫有奇癖驅走江山入胸高堂上遙飛
禹穴雲空中欲墮芙蓉室遺縑斷紙總神妙粉

墨蕭騷見標格此圖盈尺新得之下筆依稀宋
人迹老檜如蛟歛起舞洪波噴箭何崩迫天寒
野陰風怒號萬里不動黃雲高蓮花之峰却倒
立龍門積石如秋毫馮夷獻寶出紫貝金人捧
劍纏蒼絲侯也卽今鶩仙鷓燕趙茫茫濁河隔
月窟長流太白精落星或化支機石此圖母乃
鬼神忌元氣晶光蕩相射嗟予潦倒甘藪澤手
持珊瑚調鮫客他時儻憶滄浪吟蓬萊應見安
期烏

病起對鏡作

閉戶十日病骨僵手龜髮燦面色蒼朱顏綠鬢
不相待俯仰天地爲淒涼男兒勲業竟何在鏡
中摸索求亡羊古來相馬失之瘦龍文虎脊空
騰驤憶昨結客少年場呼鷹走狗勢陸梁金盤
賭酒爭五白銀燭嬌歌彈陌桑謂言富貴唾手
取吹毛插翼森開張十年獻賦不得意貂裘寶
玦無晶光平生酒徒漸零落羞澁陰符垂虎囊
學書無成學劍晚歧路側足心周章百年冰炭
滿懷抱萬里鴻鵠方翱翔明朝散髮武陵去夾
岸桃花烟水長

方巖歌

武夷山高高入天南斗錯落迴星躔聯峰沓嶂
總崑崙海門平界華夷巔方巖特出羣山前金
屏九疊銀漢邊絕壁橫開甲乙帳天池倒映芙
蓉園靈芝煌煌餌白鹿古剎裊裊啼清猿虹蜺
喻歛雜蜃氣雷雨搏激驚中原地靈人傑理則
有郭侯昂昂氣衝斗年纔三十叅列宿金印蟠
螭繫之肘長洲逶迤古會稽百里清風扇江右
驥足猶淹龐統才鸞刀已露庖丁手當時自是
巖下人素心久與煙霞親東山一出落塵網天

關紫旆銀麒麟北窓死在烏皮几古洞猶挂蓮
花巾時時夢度三山月丹崖石柱遙明滅巖中
之仙笑相招整頓六合須英髦丈夫勲業貴不
朽雲臺截薛摩天高相逢未可談巢許解佩還
應贈寶刀

五憶歌 有序

丙戌病暑城居如甌伏枕書空游神六
合戲作五憶之歌以解煩蒸亦猶執熱
者之思濯干

我所憶兮匡廬泉飛空直下香爐巔銀河爲源
彭蠡委萬古騰沸東南天左潒右射五老却蹇
裳濡足愁攀緣厓傾石走霹靂鬪枯藤怪對虬
龍懸丹青洗出屏風疊跳珠濺玉聲鏘然誰能
置我巖石間仰面落雪水底眠酒酣戲作五里
霧山精嘯雨空中旋嗚呼我歌兮歌始放九江
茫茫日在望

其二

我所憶兮泰山松秦皇避雨駐六龍根如鐵石
皮青銅千秋萬歲枝蒙茸瞳瞳挂日扶桑小隱
隱叅天翠黛濃鸞雛鳳駭不知數和鳴下上如

笙鏞潮聲直與東海應絕頂正見蓬萊峰金膏
玉液散入地茯苓芝草生隆冬采而食之可不
死雲車何日來相從嗚呼我歌兮歌正長黃河
日暮流湯湯

其三

我所憶兮峨嵋雪六月陰崖凍欲裂仙人赤脚
翠巖行鶴擎飄飄玉光潔迴颺吹散五溪去落
絮飛花滿城闕滴博蓬婆西海頭陰風慘澹旌
竿折萬里黃雲凝不流層冰皓皓冬夏結我思
仗劍游其巔石棧天梯殊斗絕六龍迴日不敢
過寒光凜冽千丈鐵嗚呼我歌兮歌益豪太白
不動金天高

其四

我所憶兮渭川竹大澤深山千畝綠氤氳上接
函關雲離奇錯峙藍田玉翠鳳歲蕤振其羽蒼
龍天矯羣相逐哀壑陰森白日寒長林高下青
山矗野老都迷釣玉溪山人失却王官谷石上
蟲書繡古苔空中匹練懸飛瀑安得清狂似子
猷挾策西行騎兩鹿嗚呼我歌兮歌且舞長袖
褊褊隘環堵

其五

我所憶兮黃鶴樓瀟湘洞庭生素秋登高決皆
極萬里烈風震蕩無時休九凝連縣似屏障白
日黯慘蒼雲愁東攀若木枝龍從西望雪嶺寒
颼颼朱簾繡柱九天上倒影却射滄江流仙人
坐弄紫玉笛往往飛花鸚鵡洲青蓮居士莫搥
碎便須縱飲成糟丘嗚呼我歌兮歌愈急鴻鵠
冥冥楚天碧

壽大理少卿上海董公

上卿磊落當代儒曾陪時龍躡九衢我冠鳴玉

德之隅法從侃侃臯陶謨抗聲槐棘握帝樞
翻然逸興懷五湖歸來散髮林壑徒彈棋握槊
歲月徂詩篇散落錦繡鋪放懷傲睨天壤俱王
喬美門行可呼相期汗漫千春娛

天駟行送裴博士赴召

天駟奕奕北斗傍元精變化爲乘黃人間豈合
有龍種玉勒金羈須帝鄉先生自是人中龍蘭
筋權奇方兩瞳三年薄宦飽苜蓿已見千里霜
蹄空絳帷蕭颯青羶冷長纓飄飄曳方領安定
能移吳下風賈生滂汲長沙并官中聖人常

仄坐羣公推轂時相和玉詔頻煩勅使傳金鑾
舞蹈稱觴賀萬里青霄一日騰三台八座從此
升關西夫子終扶漢莫使前賢專美稱

徐將軍第牡丹障子歌

長安甲第如雲起千門萬戶煙花裏玉砌朝朝
拆錦叢碧窓夜夜添珠藥中有名花出上林不
數姚黃與魏紫赤日蒸成海嶠霞香雲亂颭秦
淮水濃妝淡掃各不同腰支朶朶如游龍似向
沉香亭北見遙疑姑射嶺頭逢狂蜂游蝶都雙
隊舊恨新情劇萬重公子王孫解惜春秣稔豔

骨隨風塵生綃畫出窮殊態總是當時絕世人
風神已寄丹青外筆法難將形似論橫斜向背
意自得暗想春光錦屏側紅燭高懸舞袖翻銀
箏促柱歌聲急張顛草聖應露頂淳于先生可
一石不嫌狂客吐車茵花時來醉長干陌

可泉歌贈胡府君

秦中自昔稱陸海太乙終南鎮常在飛泉僅出
卦爻山千古靈源鑿真宰狀流直與河洛通龜
龍蟠結巢其中圖書已出更淳蓄日月相盪空
冥濛英靈特降天水公文章五色今詞宗深山

大澤得銀甕明堂法座懸金鏞起家東觀致身
早承恩獨視明光草翠金傳羹出尚方銀鞍履
帕分天阜歲星浮沉紫微側宦游隨意天南北
三峽秋濤楓樹林五湖春水桃花色興酣落筆
龍蛇走藻翰江山氣衝斗風采遙凌白傅前循
良豈在文翁後平生久與泉石隣朱圍烏鼠相
嶙峋飛流濺瀑時入夢清風颯颯吹綸巾重爲
歌曰泉兮泉兮清可以濯纓濁可以灌園繁廻
却抱碧山麓浩蕩疑接天河源佇看霖雨遍六
合此泉將與蟠谿渭水終乾坤

楞伽精舍同宿東橋顧丈贈歌

干將鏤鄒世罕得虹光熒熒日月側騰躍萬里
浮雲空秋水鷓膏淨如拭天生奇器貴斬斷神
龍變化驟兩翼丈人胡爲臥空谷白飯黃精鍊
顏色憶昨朝 帝蓬萊宮豸冠繡斧超拜崇太
行以北黃河東十郡負弩旌旗紅男兒建節控
全晉崤陵白日生雷風挂冠却出金馬門奏書
承明辭至尊鹿車手挽載圖籍公卿觀者如雲
屯人生一龍還一蛇邵平歸種青門瓜祗今對
宿東山下寧知豹燾摩高牙寵也江湖隱淪客

窮途骯髒俗眼白乞鉢長依蘭若林吹竽恥入
王侯宅中宵獨識少微星百年喜遇文章伯功
名富貴亦何有鴻鵠冥冥薄南斗丈人不惜解
金龜明朝還醉山中酒

楞伽山夜同何吳二子掃雪烹茗作

楞伽一夜三尺雪疾風瀕洞茶磨裂五湖粘天
凝不流虎豹咆哮萬木折短衣蠟屐荷長帚絕
壁巉巖力抖擻支撐桃竹杖兩莖快斲藍田玉
數斗何吳二子皆好奇山僧顛倒袈裟披十步
回頭五步叫復磴懸崖相把持歸來急試煮玉
泮夜半紅爐炙天熱中冷惠麓浪得名金液璠
漿果竒絕稽康自是餐霞人管城食肉骨相屯
且須痛飲盡七盃鍾鼎山林安足論

池州章汝愚家九華山之陽邇來游學

吳中盛談峰巒之勝慨然長懷作九華

山歌

平生寤寐九華山不謂今逢九華客上談絕嶂
下瀑泉已覺風雲生兩腋蓮花之峰九十九江
海爲池插天碧合沓千里連荆吳嶙峋四面開
旌戟神光絕頂最上頭傳是金仙此脫骨至今

白日虹霓生青天倒映五色石飛流挂壩不知
數雷聲霹靂蛟龍格散作銀河下五谿東走長
江西七澤六月陰崖雪不消三冬琪樹花猶白
齋房乞鉢饌紫芝古洞朝元奠瑤席笙鶴嘈嘈
空外音鹿麋隊隊雲中跡嗟予濩落無所成狂
心時夢升天行名山或有異人遇跪受寶訣求
長生浮名詡詡何足戀斤鷄騰躍蒼蠅鳴青鞋
布鞵已結束桃竹胡藤相柱撐遨遊五嶽從此
始他日寧慙尚子平

午谷山人歌贈周別駕

終南太乙開咸京丹崖繡壁如削成白谷橫通
子午道黃河吐洩金天晶高垂鐵鎖猿鳥窄倒
插屏障蓮花傾青林漠漠山鬼嘯紫雲隊隊仙
人行中有太古巢居人披霞散髮攜道經時窺
古洞獲竹簡獨荷長鏡斲茯苓形骸骯髒雜土
木胸次錯落羅辰星邇來強起爲赤子飄然乘
霓朝 帝庭會稽山水聊佐郡騎驢高嘯窺東
溟壯游欲躡子長跡探古快讀秦皇銘當時巖
壑依然在芝草琅玕幾樹青興酣咤望長西北
眼中簸蕩涇水碧皇子陂邊落日明藍田關外

秦雲白谷口子真謾招隱清廟明堂須柱石他
日功成更拂衣相邀福地燒金液

漢東太守行送沈師感齋先生

漢東太守青瑣賢手持三尺玉案前臯陶筆削
蕭相律王法象魏江河懸邇來外補出斬沔蒼
蠅飛飛羣刺天量移自是天子聖盤錯彌彰利
器堅汝鄧山川接鄢郢隨州百里桑麻境落日
中原士馬閒青天粉堞旌旗整丈夫腰笏領方
州朱旛皂蓋迎新侯長卿昔日行吟處乳燕飛
花萱郡樓漢東小兒齊拍手使君下車家瀝酒

五馬驕嘶不動塵神龍蟠結聊回首卽今臺閣
羅英髦蕭生雅志歸本朝天球銀甕豈虛擲佇
見明公登九霄

月夜臥湖梁之上詠蘇長公赤壁賦諸
子和而歌之樂也嘗人適致白魚乃遂
觴于松下而賦是詩

長公胸中足礪礪橫歷江山發長愾一時感遇
迹已陳千年古月今猶在古月今人代不同歛
忽浮雲日千態我曹高臥石湖梁髣髴赤壁江
流長長公不死倏來往風馬雲車游帝鄉琅然

夜詠窈窕曲驚起沙上雙鴛鴦四山草木蝟毛
竦星河爲之久低昂綃人無聲老蛟泣水面金
躍蝦蟆光氣酣風急月正午便須一飲傾千觴
白魚出水如人長鸞刀飛割猶強強三三五五
坐松下條然落雪陰山涼古來賢達皆如此何
必山林減朝市嵇康不厭黃公壚酈生放誕高
陽里人生有身貴自適枉向侯門躡珠履君不
見夫差宮勾踐壘狐兔紛紛嘯山鬼

上方觀月出歌

南州溽暑醉不醒思臥倒景窺滄溟葛裙兩髻

跨白鹿直上東山行翠屏翠屏迢迢幾百尺一
幅平湖月東出驪龍弄珠吐復吞橫抹萬里玄
雲屯劃然一躍忽干似青天掃盪縣金盆巖鳴
谷應海水涌星河射人森欲動翠旗金支交蕩
摩貝闕銀宮光瀕洞茫茫塵世愁我心便欲脫
却蜩蟬形蓬萊方丈在何許駮鸞馭鶴多仙靈
四筵賓客爲起舞禰衡特善漁陽鼓人生反覆
何足憑龍或爲蛇鼠變虎清風明月鎮常在山
川似與人相待勸君滿飲吸金波河橫月落柰
君何

題陳道復谿山障子

天台秀出鴈宕峰削壁飛泉如白龍跳珠散落
四時雨偃蓋反走千尋松陰崕復洞絕地脉明
湖玉鏡開天容山深或聞虎兇鬪日落但有漁
樵逢陳郎不減阮嗣宗雲霓蜃曲蟠其胸黃公
壚頭枕麴臥蹶起掃出金芙蓉高山流水有深
意却思荷蕢還山農

送祝大參還緒之嶺南

鐃歌鼓吹發吳門玉節牙旗殿粵藩總道旬宣
光乃命更傳文采出仙垣仙垣昔日徊翔地鳳

輦宸游簪筆侍嶺南爭識歲星臣海外驚看
玉皇吏尉陀城上望神京祗見台階北斗橫枕
椰樹暗玄猿挂荔子花深翡翠鳴丈夫黑髮擁
朱輪出入明敷報 主身慚余偃臥滄江上老
作明時博散人

流螢篇

熠熠流螢度草堂耿耿銀河秋夜長繁迴拂棟
光難定窈窕穿花燄更藏山人書劍黯生塵
憔悴年來白髮新柱將艷采投虛寂却似餘輝借
比鄰流螢流螢殊可憐琉璃甲帳水晶簾映看

寶曆千金笑照着蛾眉百倍妍
含德宮昭陽殿天人親撲桃花扇
幾迴邀得九重歡鳳輦淹留傳夕箭
今日胡爲溪水頭風篁烟柳共新秋
不歸天上瓊樓隊却伴山中病客愁

去年此日

去年此日雞籠山臥病禪林長掩關
今年此日越溪上窈窕銀塘楊柳灣
負劍行遊多苦辛何如只作灌園人
東巖桂發露華白北渚荷翻秋色新
秋色盈盈勤秋水一片琉璃澄見底
雙雙鷓鴣隱蘆洲隊隊魚戲蘭汀復有秋山千疊

青穹窿靈巖羅畫屏繚繞如圍謝公野
虛無遙對揚雲亭少年枉汙洛京塵
費盡黃金季子貧乃知窮達皆由命
負却山莊蘿薜春

送李別駕之楚雄

含香久列尚書署按節俄題別駕輿
江左提封吳子國滇南夷落楚人墟
兩地山川踰萬里玉壁巉巖天外起
王陽叱馭輕羊腸諸葛懸軍渡瀘水
王臣出入總賢勞腰間寶劍纏蒼纒
紅旌問俗蠻溪繞翠憶行春瘴嶺高
齊雲樓下促離觴絃管聲中別恨長
佇看西南傳異績皂囊飛

奏入明光

雲間何元朗暨其弟叔昆過訪山中作
雲間二何豈易得鳳毛鸞翮輝五色少年已驟
曹劉場建安風骨森開張昨來臥病長千里東
吳顧老中丞第瑤篇時得伏枕窺齒苒芙蓉出
秋水空山忽枉李膺舟海帆乍落越溪頭風神
迥覺人如玉林壑兼憐月似鈎清夜論文更漏
永露下時聞羣鶴警當今作者誰騰騫正德嘉
靖追開元李何已擅文章伯斗正芒寒光奕奕
蹇余衰颯老馬頽捕魚織葦滄江隈驂騮綠耳

却迴顧萬里絕軼無纖埃二何二何真逸英金
鏞球玉自元聲當令雅頌侔姬妣清廟朱絃奏
九成

李陸叔平冒雪過訪贈歌

山人夜擁蒲團坐萬木風翻鳥巢墮吳山雪暗
天嶺迷笠澤米堅虎豹過故人忽動玉猷與孤
舟力與風相競柴門泥濘一尺深落葉都迷蔣
生徑病中把袂喜欲騫登堂一笑春風溫紅爐
炙手茗杯熱高談中夜舒琴樽人生離合那可
期歲月不待浮雲馳孟公高會投車轄山簡沉

酣倒接羅古人清狂總如此身外浮名安足齒
蒼蒼木石支離生粲粲纓裳當路子乾坤漭蕩
萬物均高鵬低鷄皆天真當年行樂貴適意豈
在貂珥丹朱輪與君共醉山中雪梅柳風光已
潛洩他日來聽湖上鶯與盡春衣爲君設

山莊多鶯秋來轉劇空堂獨坐悠然有感作

越來溪上柳翩翩無那秋鶯千轉喧鸞笙已協
銀箏奏鳳瑟俄驚玉指繁鳳瑟鸞笙曲曲新山
堂獨坐黯傷神幾編玄草盈書蠹十上烏裘積

旅塵野人那解識官商忽聽流鶯却斷腸上林
苑裏花光滿太液池頭柳浪長此中鶯語更嬌
妍唱徹新聲入九天宮中百伎停仙樂馬上千
官駐玉鞭天上人間總是鶯人生哀樂自多情
從今掃却浮名累鎮日鶯歌濁酒傾

顧貞叔冒雨夜過山莊作

憶昨共醉金陵酒酒狂走馬章臺柳趨捷自擬
并州兒雞山武湖入吾手白下清秋一分袂回
首龍江傾雪涕君畱還弄長干月我歸却抱齊
侯癘偃臥空山春復冬孤雲野鶴對衰容荒村

夜雨雞聲寂絕壑寒飈澗水淙豈意扁舟下剡
溪登堂秉燭思悽迷芙蓉灘上鴛鴦宿篁竹叢
中鼯鼠啼昨夜君從銅井來太湖萬頃波濤迴
奇峰秀壁一入耳令我久病心神開與君只訂
遊山約萬事悠悠付玄漠老作江湖一散人還
勝金門隱方朔

題王叔明仙山障子二首

韓衆騎白鹿松子棲金華青嵯煉玉液紫洞餐
晨霞飄飄九芝蓋歛忽五雲車瑤水烟中術蓬
山海上家蹇子學道慕長生聞之怛然心膽驚

黃精未花白髮長緜嶺悵望空鸞笙登堂忽見
仙山障千巖萬壑森相向絕磴巉巖有異人手
持靈草獼猴狀松間道士抱犢眠斑麋四五游
其前茅齋瀟灑在雲際上有瀑布垂青天對此
不覺心神開恍然坐我丹丘隈空中似見青鸞
舞耳邊已聽玄猿哀我生我生胡墮塵胡不棲
我五嶽之上十洲之濱狂來漫有凌雲氣徒似
相如賦大人

其二

廬山五老臨鄱陽上有九疊屏風張香爐籠葱

吐雲氣瀑布矯若驚龍翔層巒復嶺不知數絕
頂晴明下烟霧根蟠雄據千里紆襟帶橫開九
江注此中靈異多仙跡瑶草琪花冬夏碧琳宮
梵宇散其間或有當時避秦客十年欲往心如
焚舉翮四觸籠世氛石梁洪井長在夢空中暗
禮匡廬君開圖想像名山狀千丈芙蓉插堂上
古寺森沈煙栢林平湖滉瀆桃花漲黃鸝山人
諧我心丹崖翠壑蟠胸襟從茲拂袖雲林去苔
澗泠泠揮玉琴

王子元肅有精虛在虞山下去白雀不

數里緘書報之不遇返棹悵然寄以長
句

昨來棲臥虞山雲撫枕中宵苦憶君荒涼白雀
古蕭寺鐘聲呪梵空林聞朝雲吐吞蛟蜃氣旭
日滉瀆波濤文佛樓岌業列峰抱海甸蒼莽孤
村分棟花風動雪乍捲麥秋氣爽天無氛緘書
報君君不遇孤皇躑躅求其羣聞君山中有精
舍面勢正直蓮峰下修篁萬挺球玉鳴懸泉百
道飛龍挂房櫳窈窕閒且清花木玲瓏秀而野
清風澹蕩堪揮麈白日陰森可銷夏此中共爾

雅宜山人集卷三
十一
靜談玄快讀數過逍遙篇林間飽啜蒼耳飯石
上一枕青苔眠不知塵網在何處翩翩自謂瑤
臺仙差池萬事總難料振衣欲往空茫然我今
暫返越來溪抱甕山中還灌畦秋高更禮虞山
頂期爾縱躡青雲梯

雅宜山人集卷三

雅宜山人集卷四

明吳郡王寵撰

五言律詩一

正德稿

立春日酬蔣子雲寄贈之作

忽此陽春候懷君白雪歌江山孕靈氣鸞鳳吐
天和文體中朝變才華此日多長揚陪羽獵賦
或寄羊何

陳道復舟訪遂攜同汎二首

我家濠水上落日嘯清流鼓柁慚相問傾杯忝
共遊江空時影鴈風蕩半扶鷗恣意乾坤闊蒼

蒼橫醉眸

其二

碧海孕明月天河倒列星光從波面湧清逼酒
顏醒遠岸依沙白長林卷霧青百年渾得幾行
醜莫教停

雪夜宿王祿之書閣

江湖頻甲子雲霞集陽春澹蕩年情迥團藥酒
伴親簷花吹卷燭角枕粲連茵處處拈杯戀狂
歌愧此身

湖上

望向故山去雲披心亦開蛟龍元不擾木鴈本
非材赤日冰湖動青天雪嶂迴百年餘戰勝鷗
鷺莫輕猜

隱

心與跡俱隱目隨雲恣行江湖元自闊籠檻任
須爭山意猶含雪林歌稍變鶯天涯望春色醉
倚越王城

登靈巖絕頂二首

鳳刹翔天外龍宮倚日邊君王罷歌舞我輩自
山川翠壁琴臺傍丹楓石洞懸紛紛見麋鹿悄

况枕輪前

其二

氣肅秋如洗山高興不羣太湖紅浴日林屋翠
蒸雲河漢杯中瀉荆蠻掌上分下方鐘磬晚半
嶺隔氤氳

錢孔周設燕病不與

菊蕊傳新酒蘭亭游上才醉吟彤管弄起舞綵
屏開獨有楊雄癖空懷袁紹杯紅梅消息近歲
晚重來徊

子重設燕亦不與

長卿聊臥疾芳宴一何頻翠管新迎臘金盤巧
闌春插花應笑我耽酒更何人落日南山望蕭
蕭頭上巾

雪後石湖與諸友同汎二首

共有丘中好而揚江上舲花潭水漾綠松嶺雪
含青霽色迴銀漢鮮雲卷畫屏子真歸舊谷爲
報北山靈

其二

多才自潦倒孰謂古人無雪照王恭斲雲開范
蠡湖故山饒酒伴修竹有行廚且逐林中鹿安

能轅下駒

懷蔡師二首

不到碧山久搖心禹洞林江形雄楚粵地險控
高深水落魚龍遠天寒橘柚陰巖棲有安石時
動白頭吟

其二

牛驥非同阜高賢自絕羣
啣杯林屋乳拂袖洞庭雲
詞賦山精泣樓臺海勢分
侯芭如可教欲受太玄文

與湯子重游虎丘作

武陵不在遠人事故相違
雀舫多君興鷺花日夕稀
翠憐平水樹紅指麗人衣
江山與歌舞一見一魂飛

文氏新堂成

瀟灑楊雄宅維新君子堂
暉光晴日麗高敞夏雲涼
上客誇鸚鵡香雛宿鳳凰
棟梁君不愧廊廟意難忘

雨

霖雨能催夜窮冬恐不勝
高城悲斷角寒楚下鷺鷹
青海聞傳箭黃河憶度冰
龍庭須遠遁神

略武皇能

雪後登道山亭

初日散瑤臺丹青雪際開高深分兔苑向背寫
蓬萊天外峰巒近雲中磴道迴鶯花日夕至莫
負此啣杯

歲暮燕諸友

吾黨慕自然狂歌春酒前青袍聊卒歲紅燭樂
當年身外皆芻狗杯中有聖賢此生何必問漂
泊任皇天

戊寅歲立春日

濶落竟何成江湖春復生百年談笑去萬感物
華鬢林酒青絲送鶯花綵勝迎人生渾得醉安
用爾浮名

病

長卿復何望祇守茂陵田玉曆梅花外春心藥
裹邊聲華渾似夢水月欲窺禪鼎鼎百年內千
金誠可憐

端居

端居何所事盡日對花枝曲院人稀訪輕袍帶
緩垂雲霞幽處得日月靜中私莫笑愚公僻悠

悠興所之

懷顧台州華玉

總道天台守能迴寒谷春島夷通鳥道海市泣
鮫人雲木吟蒼珮山河擁絳輪千年重領郡康
樂是前身

幻住菴作

春水抱林流綠源曲逕幽石牀喧鳥覆霽宇法
雲游寶息虛空發玄機罔象求馮將百年計長
此托靈丘

虎丘東閣

春色馮高望山河指掌開半空環緯象絕地湧
樓臺法雨迎風盡香雲拂霽來登臨千古勝把
酒氣雄哉

送湯二子重遊茅山

餐霞懷往哲采秀歷名山五嶽披雲近三花拂
洞閒鸞歌飄象外鳥篆落巖間日夕望真氣青
牛應駕還

錫山舟中對月

春水無邊闊揚帆月窟遊煙花迷四顧杯酒謔
中流川勢分襟帶檣標犯斗牛平生搖蕩興長

嘯下滄洲

鄭博士官舍夜集

久別情何限相逢各惘然
夜堂人影寂春夢燭
花燃縱飲杯無筭重臨月正圓
百年萍梗迹四海暫牽連

登毘陵城

際海通喉舌環都切股肱
乾坤危堞倚花柳麗
譙登北拱黃圖壯東來紫氣疑
三吳元直斗文采識飛騰

白氏園燕集

金谷王孫燕名園選日開
地藏南國岨花借上
林栽峯勢三台象賓遊四海來
玉杯淹坐久深媿鄴中才

晉陵夜泊懷鄭博士

入舟渾不樂追憶轉蒼涼
帆帶春鷗沒江連夜
雨長百年雙旅髯一日九迴腸
馮藉關門水西傳淚幾行

望至惠山適雨霽

旭日開春霽殘雲變午霞
登臨如有待山水更
重華石乳初懸溜流嚶復滿花
林中有肥遯吾

欲傷生涯

惠山作

鼎食非吾事冷冷冰雪腸煮茶師自得斫屐興
偏長花氣熏泉竇山形拱石堂江湖自有樂高
詠和滄浪

還舟望亭與諸友夜集

叙遊方歷歷惜別更茫茫湖海誰投分雲霄幾
斷行不眠更幾燭淚空流囊裏易得窮途感無
嫌阮籍

還舍作

頗愛嵇生曠嘗高司馬遊圖經隨意讀山水與
神謀舉世悲籠鳥全身學海鷗此生知得遂天
地泝悠悠

上巳燕劉復孺

公子娛賓日山陰祓禊朝石欄紅藥蕊香饌紫
芝調茶乳先春鬪雲英弄水嬌世途那可測杯
酒漫逍遙

南峰

四月鶯花去重遊似逗春磴危青靄濕郊霽綠
苗勻表石天爲闕凌霄地阻塵秋毫臨萬象高

處太傷神

一雲寺

古寺傍修篁瓊瓏谷韻長空青搥水殿虛白闕
雲房嵐氣山椒潤苔花石筍蒼蒼坐耽清淨樂身
世益茫茫

天平山

萬嶺遙躡伏天平勢自雄翠屏藏洞穴紫霧盪
虛空戈戟龍門拱風雲鳥道通蒼蒼殊不極長
此鎮吳中

金山寺

山雨踈踈點藤花滿寺門天香披畫室靈影湛
清樽磴接丹臺古碑殘綠字存可憐春草意早
晚遲王孫

枉過諸友

上客光盈座清言北海樽謾勞車結轍深媿席
爲門竹雨滋新翠江濤長舊痕百年知己在落
落任乾坤

郊外

萬物總浮寄胡爲車馬間雲將心不染川與影
俱閒沮溺自遺世巢由寧買山風光處處好隨

意不知還

寶帶橋

春水桃花色星橋寶帶名鯨吞三島動虹臥五湖平表裏關形壯東南海勢傾當知題柱者猶是一書生

畫馬

天上飛龍廐關西白鼻騮承恩披玉鐙弄影浴金沙舞獻甘泉酒驕嘶內苑花丹青流落處駑馬尚堪誇

尹山精舍作

古殿深巖曲朱門碧水開鈴聲衝鳥落幢影拂雲迴院入斜丹檻賓迎滑錦苔東來車馬道聊爾滌浮埃

宿郭漢才舟中題贈

郭泰君何忝同舟愧李膺亂星翻疊浪宿鷺起迴燈鐘鼓沉沉酌烟花澹澹凝英雄知不數前路看飛騰

寄題楞伽新竹

問訊楞伽竹東風吹滿林鳥巢春谷暗龍嘯夜湖深石壁看雲氣山堂坐翠陰平生嵇阮興高

醉聽浮沉

午日

病中聞令節惆悵把榴花碧氣清珍宇朱陽散
錦霞虎形齊佩帶篔簹影薄籠紗緩酌無妨醉悠
然領物華

懷故山

喜看高士傳夢繞北山棲翠竹塞雲幄丹藤飲
澗霓湖平吞海若谷響和天雞萬事何勞問行
藏志已齊

湖中作

久爲樊籠累彌深山水情風帆凌噴薄雲日蕩
虛明塔湧三天近湖高萬象傾祗疑臨海嶠遙
望石梁橫

楞伽竹下

林中開枕簟蒼翠畫屏圍山鳥時窺座榴花乍
點衣清風吹洞越殘露滴霏微猿鶴依然在幽
人胡不歸

聽張二琴

銀燭然清夜瑤琴御上賓鸞皇翔意表山水澹
天真舞榭窺明月歌梁暮素塵丹心如可寫高

奏暗相親

水

吳國已成澤茫茫雲夢吞山河衝湯激日月感
崩奔積氣翻坤軸長風嘯海門三江神禹跡疏
鑿更誰論

虎丘作

平楚江河漏炎方霖雨繁排雲攀古磴倒景嘯
飛軒靈氣通丹穴天風弄綵旂清虛自無暑吾
道貴丘樊

白貞夫舟燕

長沙無那濕河朔好啣杯落日歌鍾發輕風舞
袖迴金塘披菡萏冰鑑出楊梅處處燃紅燭仙
舟未擬回

雨

把酒臨江雨披襟當楚風簟紋搖水際帆影落
樽中赤電騰餘照青霞劃半空新涼殊可醉瀟
灑淨房櫳

送孫太初卜隱茗溪

梅福藏吳市子長游會稽客星南逼斗劍氣上
干霓山水圖經選鸞皇椅竹棲乾坤自無限隨

意草堂低

西山歸汎

川氣晚生涼
荷花樽酒香
沙明雙鳥白
峰暗九龍蒼
斜日晞縣罟
輕雲逐去檣
傲然如有得
高詠獨揚揚

夏日集徵仲宅

翠竹彈碁處
華堂命箏時
清虛同志樂
瀟灑任情爲
弄水銀牀瀉
調冰玉盃滋
東林有新月
應得好風吹

子重園亭

溽暑醉如酒
薇花喜照人
玉盤臨竹洗
香饌雜冰陳
紫燕窺雲幕
丹霞抱日輪
三杯還露頂
踈嬾任吾真

道山亭避暑二首

天上應無暑
虛中自御風
石林飛結搆
金澗滉瓊瓏
南火朱光斂
西山碧氣通
劃然長嘯發
仙鶴下崆峒

其二

共賞馮欄樹
俱憐嵌石雲
挂衣巖翠落
欹枕夏鶯聞
湧刹龍宮直
翔帆雉堞分
高明時可處
浩

蕩興難羣

咏徵仲齋中竹

虛心冰雪幹香葉孔鸞巢素壁餘雲氣朱甍卷
露稍風清金石奏節重歲寒交會見昂霄漢誰
能混草茅

溧陽史恭甫遠致陽羨茶惠山泉

夜發茶山使朝飛乳竇泉況逢春酒渴轉憶竹
林眠鍾鼎非天性煙霞入太玄百年江海癖何
幸賞高賢

黃太倉汝爲宴天妃宮二首

巖邑表東海名侯握籜符自公豐逸豫延賞濫
文儒島日林間吐潮流天外紆平生慕靈氣高
嘯入蓬壺

其二

首夏鬪清暉琪花應未飛迴巒披玉館列桂肅
金扉琴作鸞皇語雲飄龍虎衣山公殊戀賞不
醉且無歸

送吳三敬方之京

季子之上國南冠獵曼纓秋風高隼疾江館候
蟲鳴紫闕天爲帶黃圖玉作京早逢揚得意知

爾賦先成

王侍御敬止園林四首

杜韋天尺五歸臥海東偏
玉塵開蓮社金貂貫酒錢
園居馮水竹林觀俯山川
竟日雲霞逐冥心入太玄

其二

共有王猷好同酣修竹林
山光雲几淨水色畫堂侵
斷續冬花吐瓊瓏好鳥吟
輞川如有待那得戀朝簪

其三

卽事罕人力林居常晏然
天青雲自媚沙白鳥相鮮
徒倚隨忘返風光各可憐
洞中淹日月人世玩推遷

其四

薄暮臨青閣中流蕩畫橋
人煙紛漠漠天闕敞寥寥
日月東西觀亭臺下上搖
林深見紅燭側徑去迢迢

過故友吳嗣業東莊二首

濁世佳公子東林舊飲徒
死生何契闊陵谷重荒蕪
賢聖同芻狗乾坤閱傳符
平生醒酒石醉

裏一跣趺

其二

短褐竟長夜青山空玉顏酒杯元水次茶竈只
林間別葉驚秋早歸花點石班西州門外路今
日誤追攀

秋望

南紀望不極蒼梧秋色來風清炎海沸天決瘴
雲開日月唯高枕江湖對把杯南飛有黃鵠辛
苦塞門迴

袁尚之兄弟山居燕集二首

諸袁挺鸞鶴築館象蓬壺畫閣排雲峻朱堂表
石孤傍巖彈玉局倚洞讀靈符日夕琅玕長清
風儼畫圖

其二

留歡方卜夜弄月喜登樓石壁金波動霜天采
暈浮人如剡溪興山作洞庭秋笑殺高陽伴淋
漓倒着裘

端午日

梅雨冥冥墮其如佳節何曉寒欺麗殺香露鬱
輕羅拂鏡榴花落垂絲纈采多土風觴此日子

亦醉而歌

荷花蕩

解纜芙蓉坼飛觴綠水筵狂悲金縷曲醉隱玉
壺天織女宵期逼銀河浪靜偏挂帆逢七夕若
個是張騫

寄衲衣曉上人并往四韻

金池泉凍石琪樹霰成花人世徒形役雲門自
歲華貧齋慙黼鉢寒計乞袈裟莫笑縣千結毫
光五色霞

贈唐伯虎

舉世皆羅網憐君獨羽毛百年渾醉舞萬象總
風騷長袖嬌紅燭飛花灑白袍英雄未可料腰
下呂虔刀

寄王儀部欽佩

千年江總宅流水祗依然文物今重見光華迥
出前鳳凰春望外鳩鵲雪殘邊日夕凌雲思新
篇白下傳

月

片月出河漢纖纖新畫眉關山纔辨色烏鵲莫
驚枝玄武光芒爛勾陳指點疑浮雲高不動孤

夜忍相欺

歲暮

茲歲復幾許繁陰鬱不開銅池常捧雷玉礎半
侵苔杳霤日頻晏蒼茫春又來陽鳥那可見黃
鵠有餘哀

天界寺

帝里紅樓院翩翩舞鸞來江山窺隱見雲物指
昭回石竹開棋局天花送酒杯秋光滿吳楚萬
里一登臺

碧峰寺

慮澹已輕物逍遙唯賞心斷雲留古嶠鳴水激
空林鳥弄珠旛影秋生玉殿陰翠微經石轉長
嘯有遺音

酌酒與林職方志道

漢署含香嬾匡廬卜社頻碧山兼吏隱秋水照
風神雲幕連修竹輕袍狎故人當杯應爛熳海
內幾陳遵

觀音門

石頭元作壘江海瀉爲池百二河山在東西日
月窺雲中悲鼓角天上立旌旗萬歲蓬萊闕無

勞仗數移

觀音閣登眺二首

落落乾坤眼茫茫江漢人名山勞夢寐絕壁掃
嶙峋海氣蒸衣桁巖花落酒巾馮闌莫長嘯波
蕩伏龍津

其二

鐵鎖懸崖窄朱甍卷浪茫荆吳渾水窟天地亦
浮漚窓湧蓬萊日雲連白帝秋盪胸開萬古吾
道付悠悠

盧龍觀

秋林隨繫馬古洞看彈碁淮海青天瀉鍾山玉
殿披鹿場雲影淨鶴徑石梯危處處飛仙接簫
聲不斷吹

三宿巖

山斷雲根露江淘水竇空九疑虛背向八解紘
璽籠日月苔紋古煙嵐蜃氣通無由具袍笏空
憶米南宮

渡江

漠漠開帆色飄飄犯海雲乾坤流不息今古劃
中分倒日窺鮫室晴霄數鶴羣還瞻鳳臺嶺佳

氣正氤氳

舟中望焦山

獨折東流勢須知地軸尊山虛蒸日氣沙淺露
潮痕玉柱扶天闕銀屏障海門百川勞計會萬
古正乾坤

陪顧台州華玉宴虎丘二首

畫刹三秋望朱旗五馬來雲扶閣道出天傍斗
城迴氣暖山重霽花迎菊解開庾公殊不淺高
眺更登臺

其二

置酒臨芳甸調絃出五雲層樓披日觀過雨雜
峰文作賦秦公子臨池晉右軍獨慚流落羽叨
入鳳凰羣

錢二孔周宅桂花下同酌邢麗文

款曲傳杯酒參差隱桂叢花繁秋自媚香滿意
俱融雲日當軒麗風光別院通淹留嘉樹賞酣
暢故人同

張十二子饒山亭二首

野性山林僻高人水竹居焚香耽燕寢臥病習
玄虛秀嶺迎賓座閒花落道書逍遙雲物賞人

世上皇餘

其二

水作園流寫山飛斷壁來海中三島並天際九
華開玉髓窺玄洞清風倚嘯臺習池秋更好頻
進菊花杯

海雲寺

名山時訪道絕壑愛觀泉徑隱千重竹林窺一
帶天踈花遲候發好鳥洞音傳悟得無生樂行
藏不離禪

第四峰登眺

絕壁已天半迴峰猶翠微磴危尋蘚迹風引曳
雲衣野燒孤烟直川光落日霏樵歌渾自好應
飽北山薇

月

半暝坐西嶺青天搏月華長林輕捲霧疊浪迥
生霞落落山河影飄飄星漢槎漁師下前瀨吹
笛遍天涯

酌悟道泉

名泉真乳穴滴滴滲雲膚白石支丹鼎青山調
水符靈仙養玉法人世獨醒徒長嘯千林竹清

風來五湖

望卞山懷劉元瑞

落日賦招隱懷哉劉伯倫卞山雲不斷蒼水色
相新鸞鶴諧真賞瑤華贈美人樵風吹未穩空
隔武陵春

上方寺

山水雲門會林篁石道微毫光空翠落花雨瀑
泉飛麋鹿叅金鏡每苦積寶衣浮湛竟何益轉
覺此生非

巖上人房

巖棲三島隔林臥五湖流吐納雲霞迥空濛天
地浮鏡機紛入象寶思漭窮幽萬事徒龍馭無
生安所求

鹿飲泉

山似屏風壘谿流鹿飲泉緣源疲磴滑掃石愛
雲鮮香雨諸天灑旃林有道穿清風激天籟心
賞忽冷然

玄秀樓

山川覽不極日夕庾公樓貞觀虛中揭玄心物
外游十州何處所七澤迥同流把酒渾忘我飄

飄只海鷗

毛公壇往包山寺茂林曲塢山水迴互
吾慕食霞子高高卧翠微五雲翻石壁三秀鬱
金扉禹穴藏符近包山擁錫依氤氲亘十里牽
葉挂蘿衣

包山寺

百嶺自迴合天開寶樹林雲藏靈影曳風竹磴
泉吟白石叅龍象青山習道心網羅空綵懸吾
意在高深

雪望

宇宙開澂霽山川混太虛玄陰時噴薄春色已
吹噓鏡徹明河外花繁落木餘梁園今已矣蕭
索病相如

雪宴竹堂寺

遠公偏愛客高會兔園才畫室香貂滿天花寶
樹開林端迷塹谷象外徹樓臺對此復能醉長
歌甘草萊

雅宜山人集卷四



國家圖書館, NATIONAL CENTRAL LIBRARY, TAIWAN, R.O.C.

國家圖書館
中華民國 98 年
10 月 15 日



雅宜山人集卷五

明吳郡王 寵 撰

五言律詩二

嘉靖稿

和黃勉之懷五岳之作

嵩岳

嵩山有瑤草白玉如膏流何日攀緹嶺相携臥
石樓吐雲騰斗極飛翠滿神州笙鶴飄飄去青
天子曾遊

泰岳

五岳視侯秩無如東岱尊六龍開御道三觀挿



天門舉手蓬萊近，湯胸齊魯晏安期。煉玉處唯見五雲屯。

華岳

每憶仙人掌，兼聞玉女峰。兩崖夾日月，西海出芙蓉。窈窕黃河曲，蒼茫白帝封。手中九節杖，恐或化爲龍。

衡岳

衡峰七十二，削出祝融孤。秀色浴江海，神光照楚吳。石開金齒齒，苔長赤珊瑚。何日登真籙，腰懸朱雀符。

恒岳

玄岳倚北極，翠屏千障迴。山寒太始雪，地闊單于臺。石室金膏閔，玉華仙掌開。儻遇通微子，騎二青龍來。

首夏同吳丈次明湯君子重家兄履約看竹石湖草堂作四首

掃竹天花墜，看雲石鏡摩。百年渾浪迹，一月幾酣歌。詞賦雕蟲拙，山林習氣多。角巾全不整，長日臥藤蘿。

其二

盤谷藏修竹虛堂吐白雲映空搖水碧面勢坳
峯文露頂參龍象冥心入鳥羣金繩如有覺寶
地會平分

其三

烏皮聊隱几紫籜漫栽冠曝髮雲門嘯澄懷法
界觀風花時點點竹對靜珊珊直作匡山社金
池繞絳壇

其四

酒聖能齊物鶯歌解損神雲霞干挺竹江海一
畸人濩落遲聞道浮游得采真故山芝朮在終

不誤風塵

送陳子魚游齊雲巖

東南饒暑濕宜歛獨高寒秋色千巖競江流一
線盤傳香歷金闕掃石拜天壇道氣如君少真
堪躡紫鸞

聽琵琶

紫塞傳胡語崑丘學鳳鳴春風吹白雪總是斷
腸聲司馬千行淚明妃萬里情當杯愁側耳天
外暮雲橫

天王寺竹林

雅志愛雲竹相看如故人
瓊瓏動風色瀟灑見
天真枕簟開新夏鶯花
逗晚春欲將踈懶性一
問遠公鄰

南峰往北峰

南北峰相直中蟠萬石林
諸天飛采翠衆壑異
晴陰竟日烟霞拂長風
虎豹吟此身飛鳥外散
落步虛音

一雲寺

龍宮已灰劫檀樾自垂榮
合沓山形抱瓊瓏石
筍生流鶯穿葉語老鶴
護巢鳴把酒松門坐林

泉無限情

支硎山

支硎特峻秀平地插芙蓉
面面開霞壁層層折
劍鋒白鷗巢野竹蒼鼠
戲長松遠憶道林輩低
頭禮數峰

紅蓮盛開漫興二首

菡萏照碧水芙蓉開紫房
娟娟倚秋色冉冉下
雲光意態風前劇腰支
掌上狂芰荷高日影雙
浴采鴛鴦

其二

秀色不忍見朝雲疑有無湘妃行拾翠天女笑
投壺日映霓裳舉風迴玉袖扶若耶溪更好轉
憶向江湖

與諸友賞蓮酣飲達旦

酒思亂花前留歡蠟炬然齊歌綠水曲總是紫
霞仙江海逢今夕星辰聚此筵聽雞還起舞誰
着祖生鞭

甲申七夕楊子任携酒花下

共結蓮花社相携竹葉樽高枝頰玉豔密蓋翠
雲屯大塊吹秋氣明河過雨痕今宵渾不寐閣

道看天孫

同諸公泛石湖遂登草堂燕集二首

秋水何人愛清狂我輩來山光浮掌動湖色盪
胸開黃鵠輕千里蒼鷹下九垓平生濟川志擊
楫使人哀

其二

五嶽未能去一丘還可棲山童調白鹿野飯射
斑雞竹懶宜高臥花狂欲醉迷明時棄巖谷聊
得葆天倪

月夜同酌吳祈父

長風吹古月，突過海門來。
桂子帶星落，荷花承露開。
江湖多白屋，霄漢有瑤臺。
寂寞談玄所，侯芭共酒杯。

卽事

漢庭方禮訟，魯國自儒冠。
肉食雲臺議，山居世態看。
斗斜天駟病，江迥蟄龍蟠。
不願論朝市，秋風理釣竿。

月

月色太無賴，高樓應斷腸。
乾坤靈影外，河漢使星旁。
歷歷白榆種，冥冥烏鵲行。
中宵更牢落，懸

醉近西堂

秋

吳會總秋水，江淮多白雲。
粼粼麴塵色，片片雪峰文。
浩蕩葦鱸興，飄飄鶴鵠羣。
青天一長嘯，吾欲訪茅君。

臥病

臥病漭牢落，高天月倍明。
清秋萬感集，白髮此時生。
老驥窮途極，饑烏子夜城。
胸中足礪礪，澆酒未能平。

得顧憲長華玉書，高舉吳中文士然，皆

輒軻未達感賦此

長嘯宇宙內何人解愛才海門吞百瀆斗野燭
三台玄豹江東霧黃金天上臺前賢重推轂慚
媿獨駑駘

瘧

病怯齊侯瘧秋生宋玉悲藥囊淹甲子酒盞負
花枝江碧鳥頻浴天青雲對垂登高還幾日搖
蕩北山期

送王子美

帝室五雲外子行如轉蓬關河秋水聞驛路菊

花叢風急盧龍燒霜高碣石鴻金壺調玉餽還
復念江東

雨

黑入滄江雨紅催碧樹林秋聲楚塞闊殺氣海
門陰鷹隼翻鞞急龍蛇徙宅深壯心慚日月擊
破唾壺吟

雨過

江雨夜來過長空洗更青雲光任錯落鷗熊足
娉婷西陸團金氣南山擁翠屏端居羨鴻翼萬
里正冥冥

曉

城烏猶未起吹角滿江東
星月秋山白雲霞夜
海紅蠻歌舟楫動野哭
井閭空世事催虬箭生
涯只鳥籠

夜酌

久病樽無綠吹燈花吐紅
今宵一開盞細雨正
鳴蟲宇宙醯雞似行藏
木雁同醉歌齊萬物轉
覺興冥濛

秋髮

秋髮不盈把霜容怯鏡
臨形骸真土木骨法合

山林酒興黃公肆悲歌
梁甫吟紫萸顏色好愁
絕不勝簪

九日病坐江樓二首

早起候雲物秋光渾可憐
江山如自喜風日更
相鮮霜薄青楓外天長
白鳥邊登高筋力減未
付酒家錢

其二

無限碧山與移時獨倚樓
天清五嶺瘴雲結九
疑愁急急南征雁茫茫
東逝流壯懷空萬里極
目海門秋

九日聞諸公竹林宴戲簡一首

九日逢秋霽羣賢集酒徒雲林干挺竹玉饌四
腮鱸日落山河淨風高雁鶩呼茱萸都插遍還
少一人無

寄山僧

病起轉不樂南山思舊巢彌增阮藉放休解子
雲嘲枕上百泉鄉爨中干嶺交題詩道門侶絕
壁爲誅邪

送泉上人住持西山天王寺

建幢開福地飛錫下青天呪嶺紅泉樹縣燈白

石然太湖航寶筏林屋扣金仙爲訪毛公在相
攜入紫烟

寒食

細雨作寒食山風吹李花年光隨燕雀吾道只
龍蛇雲薄三江渚春圍五柳家無官居騎省有
鬢已生華

寓大雲菴贈茂公

趺坐長眉老稜稜插五峰池開通寶筏巢古挂
雲松拄杖胡籐斲袈裟金縷縫經行那出戶階
藓自蒙茸

登望湖亭

寶塔孤撐日華亭迥冠山禹功饒震澤吳服揜
荆蠻今古悲歌裏乾坤落照間雄風高處急莫
放酒杯閒

湖上觀晚霞

赤城眇何在標出海雲端寶氣三天湧金沙五
內餐騰光衝白兔散影逐青鸞更憶蓬萊殿仙
人掌上盤

渡江

秋水百川灌雲帆雙翼飛大江雄地紀旭日射

天扉表裏黃圖壯東南紫蓋非英雄徂落盡宵
漢仰垂衣

夜讌方山人質父館

短燭謀文讌寒芒炳客星名流酣白社絕翼會
青冥今古誰詞伯江湖只草亭太玄聞已就問
字日盈庭

再次質父韻一首

方也有道士雲臥無窮門不擾蚪龍性渾忘桃
李言大才甘濩落短翮媿飛翻尚恠蒙莊叟栖
栖吏漆園

宿雞鳴山

昔誦北山文今棲鍾阜雲秋林時夜嘯天樂忽
空聞弟子胡麻薦頭陀罽席分那知江海客不
亂衲衣羣

登塔望玄武湖

曉日雞鳴塔秋光玄武湖石鯨吹鼙天馬浴
虛無太液金溝瀉鍾山玉壘紆載歌 皇祖烈
永寶萬方圖

江夜

江海夜突兀人烟時有無潮聲喧鼎沸月采爛

金鋪地勢中分楚天形半倚吳哀歌撫長劍注
目客星孤

龍江關

荷戟一夫守懸瓿千仞餘風雲開壁壘山海護
儲胥御蹕交黃道危巖切紫虛遙憐棄繻者何
日策高車

江中望鍾山

地險雄千古天王守四夷水當銀漢落雲遶
畫屏移野曠龜貅竄風閑龍虎旗西游有狂客
擊楫大江隄

雞鳴寺

帝城迴北斗古寺冠東山
畫刹人天外紅樓日月間
宮花逐吹落苑鳥聽經還
借問乘車者何如此閉關

徐將軍園林三首

當代麒麟畫先朝肺腑親
鑿池分太液開閣盛平津
羽扇談名理鶉衣列上賓
信陵高宴會日暮擁朱輪

其二

禁城還水竹華館別山林
肯信金貂貴能調野

鶴心巖花相映發雲木自虛吟
劃對仙人掌翻疑華嶽陰

其三

夏木成帷幄秋岬駁錦文池
翻江外浪亭宿海東雲客醉分巖
散鶯歌隔塢聞鄴中賓從集飛蓋擁夫君

雷

九月霜氣緊南山中夜雷聲蟠萬嶺
下執劃九天開突兀蛟龍鬪馮陵
風雨來野人錯料事偷眼望三台

燕徐將軍園林

西第觴公子東園屬上才秋光禁禦接紫氣夾
城開淮水穿林寫鍾山擁座來祇疑天樂奏促
柱送霞杯

江上

客子貪利涉開帆爭暮潮山廻北固壘霞作海
門標怒浪排風立神魚映日跳秦皇竟何在鞭
石未成橋

林屋蔡師衡山文文偕計北征輶車齊
發敬呈四首

北極開黃道南星占少微大才元瑞世明主
正宵衣策射麒麟榜天廻日月旂兩賢終特達
窟穴借光輝

其二

海國雙明月天山兩鳳皇南冠誰領袖吾道重
行藏觀閣徵芳草虹蜺插劍裝平生寸心赤持
此報明王

其三

對塵青蓮社傳杯修竹林江山檣藻思風雨動
龍吟鄴下偏雄傑周南久滯淫雲門陳古樂清

廟待遺音

其四

祖帳桃花水征旗楓對林山河千里目師友百年心舉世誰相假離羣自不禁南飛有黃鵠側翅一哀吟

夜憇行春橋

夏夜煩林莽星橋躡太虛市朝真翕煠江海一蕭疎白露橫空下金波滿意舒王喬殊可接騰躡五雲車

新築石湖草堂二首

山枕五湖水堂開千對林棟梁天下任鸞鶴野人心獨插南峰秀平臨北斗侵吾生嚴邴慕灑酒一披襟

其二

蘿帶還初服山樽落草堂獻書長不達招隱得相將勒字芙蓉壁繙經紫翠房百年何自苦表劍欲摧藏

劍池

伏檻觀奇壑輕身搏翠屏山虛雲裊裊石闕水泠泠錯落金鳧影翱翔鐵鳳翎風胡去已久神

劍泣精靈

酌陸羽泉

曾甘惠麓水今酌虎丘泉石乳疑飡玉茶經似
草玄登臨悲代謝著作總流傳扶醉下山閣千
林落日懸

瓜步山

瓜步臨江出鍾山不隔雲風蘆吹淅瀝沙鳥拂
氤氳北控淮徐阻南瞻斗極分輕帆移過穩把
酒玩峰文

石頭城

玉壘疑連漢牙旗總插雲樓船橫海出斧鉞自
天分龍虎中原氣山河大地文我皇開日月
萬古淨妖氛

白鷺洲

芳洲多白鷺晴雪點青山翻弄桃花色翩翩故
不還雲霄唯鶴侶人世自鷓鴣班予亦浮游者論
交江海間

入金陵首晤淮海朱振之酌酒作

平生江海氣淮上得朱雲浩蕩天雞舞冥濛野
鶴羣英雄那鼎食宇宙屬人文斗酒長安市曹

騰擊筑聞

雞鳴山話家兄涵峰

旅食京華邸猶能卜竹林諸天花雨外一逕翠
巖陰風土思歸嘆雲霞出世心鶴鴿飛自好不
覺動長吟

携友生登馮虛閣作二首

鍾山當日月表裏見神州魏闕摹天構長江映
漢流風烟三輔晚雲氣五陵秋恥作窮途哭馮
軒嘯酒儔

其二

山人難偶世大觀一登臺畫棟天花綴青林若
木栽傳杯河影落拂鏡海圖開會上高峰頂焚
香禮上台

席上贈錢二孔周二首

堂上起秋色堦前迷橘林鷓冠將老世鹿柴與
真心點筆風花亂藏書洞壑深鯤鵬與斥鷃寧
解問浮沉

其二

共卜淮南隱相逢桂樹留停杯黃葉下鼓瑟白
雲流鳥思簾櫳夕天清梁棟秋對君殊廓落江

海一虛舟

山中送袁子邦正兼寄永之秋官

二月鳥嚶嚶山家花滿林那看南浦別愁動塞
門吟渤海紅雲近居庸紫氣侵惠連應憶我腸
斷北來音

奉和少宰崦西徐公省中藤花之作

列殿鈎陳座鳴環玄閔仙詞疑咏紅藥調已入
朱絃靈木千年壽繁英四照妍上公垂顧拂長
托紫雲邊

阻風白馬湖簡朱振之

白日狂風嘯青天退鷗翻浪高湖色怒鄉近客
心燔烟火踈淮甸雲霾蔽海門故人一水隔愁
絕浣花村

汎湖同蔣子雲作

湖水淨如拭山嵐青滴衣鈎簾畫圖展把酒晴
霞飛孤笛烟中起片帆天際歸知君棄金鞍從
此擅漁磯

湖雨作示日宣

萬木黯成雨千崕殊欲秋魚龍呈水戲巖壁亂
雲流蓬累棲窮士天心共海鷗侯生居語汝吾

道在滄洲

自石湖至橫塘山水廻合可賞二首

山水繡相錯清暉如可餐峰形分塢塢沙曲擁
灘灘西蕩荷香拂南屏秋氣寒嘯歌終日裏懶
散不簪冠

其二

人家叢水竹厥土沃塗泥澤逕菱花覆霞莊稻
葉齊漁人千網集開士五雲栖草屨長林下持
編且牧羝

山院荷花並開作

二艷絕世立雙嬌入鏡開真堪金屋貯疑是鈞
天來院靜似欲語風回如更猜綵雲空錯落流
恨遶陽臺

溪上

日落半天紫秋高千嶺蒼巾裳淨水碧桑竹粲
霞光躑躅散鷺巖雪虹飛恍石梁麤麤一溪柳圍
覆野人莊

雨坐石湖草堂

坐對南山雨高樓北院雲堂虛飛竹翠霧暗失
峰文谷響岳中應濤音天外聞名香散寶冊浩

思正氛氲

午

日午閉關臥白雲空院幽鶯啼不離竹山氣忽
橫秋簷宇清虛入軒窓紫翠浮巖端有桂樹此
地可淹留

客至

客至纓冠懶堂開拂薜幽池荷紛歛夕巖竹競
鳴秋藻思飄霞外青錢挂杖頭寒余江海士言
接鳳皇遊

春日山中

水綠天澂霽山青花斬新薄衣初試屐耽酒任
欹巾 聖世支離客泥塗甲子春放歌林木動
巖臥有真人

觀水漲二首

翠浪欻然涌石湖千頃開氣吞具區數掌弄吳
王臺山向鏡中出帆從天上來曾逢閭津者河
漢幾年回

其二

手持秋水篇散髮對平川日出海門近天低象
緯懸人行石鏡裡鷗舞浪花前余亦挂帆去蓬

山朝列仙

次韻馬司成賦孫中允松江園居三首
園接九峰翠池分三泖波青嶺隱叢桂白日臥
高蘿林曉霞光粲窓寒竹蔭多金華榮侍從那
得戀漁蓑

其二

潮落門前浦雲連海上山丹厓觀化靜紫洞著
書間松雜瑤流響吾生錦石顏蓬壺在几席窮
日任躋攀

其三

層臺披日觀復館淨霞居石室雙鸞眠庭闈戲
綵餘池翻逸少研壁隱馬遷書畫遣區中累來
觀濠上漁

寺游

秋色滿諸天秋湖蕩梵筵香從霞外落思入定
中玄芝饌延狂客松龕兀酒禪欲知清淨賞萬
竹映飛泉

雨後集諸子

雨聲催木葉秋序迫茱萸林吼風傳谷山蒸雲
起湖客題幽澗竹人老故山蕪不盡窮途恨狂

歌擊唾壺

文內翰徵仲攜秋蘭過山齋作

美人涉秋水結我紫蘭心雜佩耀奇服幽香披
道襟窓虛山翠積石古澗藤陰坐對忘言久臨
風揮玉琴

上海董子元夜訪山莊作

遠客舟初繫田園菊正開古堂秋霧集幽壑夜
聲哀花豔驚燒燭山空靜舉杯草玄吾豈敢應
媿問奇來

楊虞部子任過山中

愛爾羽儀好慰吾江海思新銜題粉署初命出
彤墀野墅芙蓉發山堂菊蕊遲丁寧一卮酒莫
自負明時

張子月鹿自海上遠訪越谿莊觴之笑

蓉灘作

挂席翔雲海看山到越谿千崖肅秋氣一塢靜
霞棲鶴舞山人醉花繁坐客迷臥疴經歲久爲
爾強扶藜

丘中二首

沙際一羣鶴丘中獨隱家川明霞散綺巖馥桂

交花山愛秋嵐紫人憐霜鬢華將隨勾漏令學
道訪丹砂

其二

竹覆愚公谷鶯啼謝客巖秋華粲禾黍曉霧沐
楓杉列岫踰高館垂楊拂過帆焚香北牕下危
坐讀仙函

晚過竹院

竹院迷青靄祇園橫翠微松門晚霞抱雪壁秋
花飛湖迥習池似臺荒吳苑非蒼蒼冥蘿合還
趨漁樵歸

霽

獨鶴舞空院明霞霽遠天林踈秋色淨野曠曉
風鮮巖接交香桂窓虛透瀑泉山樓成偃蹇孤
賞自泠然

中秋對月懷長公作

林壑清輝夜巘籠白露秋湖翻珠吐蚌天迥玉
成樓一鏡千山徹孤輪萬里周不知王子晉何
處鳳笙遊

十六夜對月

玉魄當空滿銀潢拂迥流山河靈影動今古鏡

光道萬壑星翻彩千林對聳秋今宵駕玄鶴遊
徧五城樓

秋曉

花露曉猶泫鶯歌秋轉繁白雲舒四望朱槿照
中園晶瑩天光徹悽清野聽喧唯應待鸞鶴玉
洞去朝元

碧峰禪師葺雅宜行窩作

祇苑潮音接旃林海氣虛花餘春鳥弄山變夏
雲舒大地鷓鴣隱清時水竹居棲霞處處好隨
興是吾廬

霽

林霽鳥聲樂池平魚藻繁南原一以眺藹藹來
花翻靜讀高僧傳閒書大士旛何如謝康樂養
疾在中園

午

午簟轉桐日山齋飄棟花飛塵綠水隔俗駕碧
山遮臥看盤空鶴飢餐出海霞儵然清五內抵
待長金沙

曉

曉日明皎浦晴雲拂鸛巢天清飛澗響閣迥亂

峰交海對籠荒成墟烟澹遠郊行藏摠蘭若一
任子雲嘲

雨

香雨濕金沙輕陰蔽日華山蒸飛殿靄海潤簇
樓霞地僻喧啼鳥林深尚落花載窺清淨理畢
志梵王家

寺畫

綠樹陰陰合清池湛湛平繙經談孔雀拋卷聽
流鶯日映金輪轉雲依芝蓋生冷然慧門賞玄
覽白虛明

河陽良上人饋松英

蜂房攀蜜髓猿壁掃松花遠饋餐霞子猶餘春
露華泉香石罅乳鼎熟雨前茶不羨朱門肉還
來就釋迦

晏起

野淨露光沃簷虛池影翻幽人日晏起好鳥窓
中言遶舍對如幄當門山作藩孤村隔流水何
異桃花源

種豆

捨身白雀寺老作灌園人土裛重湖潤山藏曲

塢春日高樞發采風暢豈惟新濁酒荷鋤倦長
歌滄海濱

雨夜日宣正上人集寺居

微雨潤虛籠空堂出海雲散花窺戶入清梵雜
濤聞嵐重香凝濕林昏鳥喚羣共來修淨業讀
盡馬駝文

雅宜山人集卷五

雅宜山人集卷六

明吳郡王寵撰

七言律詩一

正德稿

上大學士守谿王公四首

淮海維揚藪具區咸池靈氣括人俱頹輿八座
璣衡轉端委三朝日月扶志決臯夔勤袞職
學宗姬妣弼文謨石渠金馬從容地玉几馮虛
聖眷殊

其二

昭代文華七葉光天人羣會翼先皇河圖琬

琰台階列大呂黃鍾闕廟揚千古晶英躔斗宿
萬年禮樂盛明良橋山玉殿松楸拱元老儀刑
肅典常

其三

威鳳冥翔萬里毛青山間曳白雲袍五湖下上
天池迥一柱東南日觀高玉洞朝霞食石乳璜
溪秋水弄漁舸謝公不倦林泉賞無那蒼生屬
望勞

其四

天上縣車東括尊星移南斗喝龍門泰山不動

羣峯遶滄海無倪萬壑奔台峯提攜慙淬礪草
茅淪落悵乾坤重堂曲黠旌旃倚澹蕩春風煦
酒樽

寄贈劉按察元瑞

銅柱參天高掛冠五湖龍窟去漫漫荆南流寓
嗟王粲吾道行藏卜謝安白晝豺狼人立鬪碧
山猿鶴笏支看雲飛玉峙輸公輩笑爾冲冲行
路難

彭蠡四首

彭蠡當年勤我帥 高皇親秉白旄麾荆人久

已共王祭劉淠翻然拔漢旗海內河山朝北斗
帳前龍虎殿南維爾曹撲滅須臾事不動綃衣
萬古垂

其二

匡廬拔翠對南昌赤土苞茅削尚方王庶故應
雄楚粵屢親曾見錫琳琅金勝自足安天下寶
玦空憐泣路傷骨肉相離非浪計忠良努力在
諸王

其三

褰帷杖鉞中丞寄衽甲分旄守令趨殺氣橫衝

昏翼軫羽書飛急感江湖臨川取道朱旗閃安
慶勤王玉壘孤巢穴已傾師未捷千年劉李笑
兵圖

其四

江左羣龍萃吉安指揮能事氣衝冠吾儒未必
皆邊豆門閥于今盡綺紈天下安危公等在殿
中台衮史書看獨憐孫許今祠廟永夜丹心貫
斗寒

南都三首

萬年曆服開基地八葉龍顏有道孫玉輦乘春

迴日月朱方修瑞式
軋坤寢園恰及櫻桃薦天
府猶看御甲存鐵馬汗趨爭草昧
衿衣端拱奏雲門

五鳳樓有高皇御甲

其二

錦纜牙檣萬里遊
天吳海若翼王舟
襲城七聖空迷轍
弱水三山未穩流
塞北風雲連朔漠
周南節鉞自公侯
兩京角立分形勢
居重還須扼九州

其三

虎旅龍驤插漢貂
飛騰誰數霍嫖姚
金纏寶校超天駟
赤羽盤囊射海鷗
北虜只今頻款塞
總戎應得數趨朝
仲山吉甫男兒事
麟閣雲臺傍九霄

立秋日

南紀清秋殺氣遙
扶桑銅柱舉高標
風悲畫角關山迥
雲去蒼梧畢斗搖
正憶郊迎虛玉輅
卽愁邊守醉金貂
黃河白草蕭蕭去
胡馬千羣出射鷗

夜酌與吳丈次明

季子清狂老鷗冠
與來把燭過盤餐
星窓淡沲

銀河影兩檻霏微玉露團帶索懸衣窮日醉隣
雞野哭萬家殘未聞扈仗拋金甲玄武蒼蒼直
北看

簡文二丈

淪落衣冠尚典刑苦心劊向獨傳經祇今羅網
彌天困肯道江湖有客星金石風流傳藻翰蓬
壺雲氣逼丹青詞林根抵歸能事人世膏騰笑
獨醒

秋懷五首

南紀風雲接素秋淮揚中斷大江流鍾山秀拱
蓬萊殿海日低懸鳩鵲樓羽騎驂驪交扈仗朱
衣呵引翼華輶五陵鞍馬金張籍出入銅龍握
槊游

其二

露下天清秋氣凋 孝陵松柏莽蕭蕭山河勢
遠朱旗列寢廟神遊絳節朝寶劍夜飛雲氣閃
玉衣晨舉日精搖璿心璣思謨千古只在重華
協聖堯

其三

鳳管龍簫清且悲南徐北固自逶迤海門直指

聯三象日馭巡行逼九疑入計衣冠利璽緩防
秋兵馬失旌旗長卿諫獵無消息悵望江湖有
所思

其四

瀕洞風塵未休淒清江漢仲宣樓摩天鴻鵠
終辭網跋浪魚龍爰負舟黃竹泠泠連楚澤白
雲冉冉接昭丘金輿玉座千年跡流恨荆揚古
帝州

其五

白帝風高萬古吹百年鼎鼎獨何爲炎方雲霧
兼天迥絕寒星河倒地垂素紹沉冥應累月長
卿消渴亦多時金莖玉屑食靈氣碧水丹山結
漫期

新葺草堂簡二三鄰曲

清狂自是耽風竹大隱何須倚市門背郭堂虛
聊習靜浣花溪遶卽成村久拚江漢支離臥莫
訝蛟龍窟宅尊比里南鄰俱酒伴祇應身世老
清樽

六月十日諸表攜酒相過

堂上書生據槁梧一樽衰肺覺全蘇從知素紹

逃河朔更賞王戎戀酒壚
涸轍難忘頻煦沫此
身無賴祇江湖不妨久坐論
肝腑紅燭淋漓清
夜徂

虎丘北閣登眺

霽雲斜日晚暉暉開蓋山樓坐翠微
閣道迴臨千嶂出海門平指百川歸
丹青臺榭還今古錦繡山河接杜韋
佇望快瞻龍虎氣狂歌聊拂芰荷衣

荅子重枉過草堂兼攜酒貲之作

清夏茅堂霽色鮮紫薇修竹淨娟娟
陳平已愧淹車馬陶令何須乞酒錢
鶴鶴摩空終遠去燕鶯交語劇相憐
閉關不解人間世露頂同參醉後禪

袁氏山堂雨坐

六月虛堂雨氣浮翠巖
卅壑迴生秋雷霆破地
時酣鬪河漢經天却倒流
古木蒼藤森自得斑鳩黃鳥坐交愁
羣峰更覺烟嵐外指點陽臺最上頭

紫薇盛開率爾遣興

江館薇花也解紅
玉堂金署五雲中山林鍾鼎

從吾好露華風枝訝許同旋有狂蜂紫下上故
臨修竹隱房權丹霞赤日心傷麗文簾清樽興
不空

酬文丈徵仲寄題草堂之作

周南流落漭無成獨抱枯魚愧此生白日縱酣
遺暑濕碧天高嘯盪雲行蒼蒼苔竹逃中散片
片飛花病馬卿在沐瑤篇相問訊草堂驚起夜
光明

陳氏遐矚樓作

連山大壑赴吳門高閣臨衝紫翠屯河鵲南飛

斜北斗天雞宵舞動朝暎萬家城郭朱甍迥千
里風烟碧甸昏愧我難登徐孺榻却來時倒盃
公樽

暑憶故山

炎蒸三伏醉龍鍾湖上青天夢雪峰絕壁上干
雲恣吐古巘中洞浪交淙千林昔日藏修竹萬
壑披衣倒碧松偏袒科頭時大叫狂來真欲躡
飛龍

紅蓮

紅蓮綠水色相鮮承露金莖婀娜邊霧氣半籠

香冉冉日華初
傷意娟娟衆中特立
分明見掌上
陽狂太劇妍
却憶驪山行樂
秘金鋪玉甃
瀉溫泉

雨

七月七日雷雨作
三江五湖龍出門
機石熒熒天漢湧
白榆黯黯晝霾昏
清商應律乍蕭灑
暑氣蒸雲俄吐吞
閣道流虹尋掃
雙旗中夜度天孫

夢銷夏灣

萬山迴合太湖心
玉鏡沉沉天地深
寧鶴難馴

雲壑性蛟龍
時動海門吟
咸池滉漾扶桑影
璧冥濛楓樹林
千里峭帆驚掣電
夢中親指

蒼巖

懷顧台州華玉

朝天旌旆隔年行
迢迢經秋旅鳳城
幕府簪纓
陪使節
諸侯玉帛後
王正龍文五色雲
虛遠虎旅千屯
月正明
賈誼憂勤心
獨切庾山蕭瑟賦
須成

石湖作

勾吳山水秀
西南雲白天
青萬嶺含峭壁
搏風

時捲浪中流湧日恣成嵐金支翠節虛無見貝
闕銀宮縹緲參漾淡乾坤祇自役草堂長枕百
花潭

楞伽精舍話子重

精舍橫開千竹林翠微隱瞰石湖陰隔窓雲霧
窺青壁入戶山泉寫玉琴向秀真爲攀鳳侶孔
明聊作臥龍吟草衣木食豈徒事江海冥冥遲
暮心

辱蔡師寄詩悠然有懷

高才落落動雲霓采薇食芝臥壘朝玄草萬言

林屋闕少微中夜洞湖搖凌風散落鸞皇引度
海虛瞻烏鵲橋解道東山足雲霧肯容安石狎
漁樵

伏軛

伏軛長途日月驚雲閑水落澹秋清數聲悲角
凌霄語百丈浮槎犯海行金馬銅駝甘臥病山
雞野鶴解藏名一杯已足嵇中散五嶽終期尚
子平

夜飲袁二尚之

檢書燒燭成高宴奪雉呼盧縱酒狂江左英雄

還踏蹬天南星斗鬱低昂彈歌易下清秋淚燕
寢初凝午夜香萬事無端渾得醉側身天地更
茫茫

子重久不相過奉簡一首

原生當日醫蒿萊端木親曾結駟來總道難淹
佳客座不妨頻喚隔林林塞門霜霰迴鴻鵠天
下風塵暗虎豺扣角狂歌徒自苦百年襟袍向
誰開

寄鄭博士于漢

冰雪峻嶒把臂時銅盤吐日夜何其銜杯每恨

當年別伏櫪長懷國士知羸馬敝車遭謫怒巨
川喬嶽見襟期漢庭閒却尚書履滄海蕭蕭兩
鬢絲

石湖

石湖秀色那可柰蛾眉掃鏡丹青開飛浪九天
蹴牛渚落霞千里臨高臺吳王醉臥不復曉西
施東去何時來當杯未足轉愁夕霜露沾衣鴻
鵠哀

蔡師西山草堂

震澤波濤天地迴百花潭水草堂開只同康樂

披雲臥時許侯芭問字來南極客星浮禹穴中
宵海日見徂徠山林鍾鼎渾何礙白石長歌空
自哀

夜酌與諸公

湖海茫茫雲外迹乾坤落落夢中身浮沉愴世
更懷古出處驚心森會神杜曲委蛇草玄客山
陽酣嘯竹林人百年吾道同盟在達曙狂歌應
自真

林屋道中

海嶠雲霞虛翠屏闌風吹袂采真行壺中樓閣
天齊動石上瑤華冬自榮遂有浮丘來馭鶴似
聞子晉解吹笙金庭玉柱千年閱日月崢嶸愧
此生

灣中覽古

帝子樓船天上來渚宮巖殿海中迴山河錦繡
千年觀歌舞風塵萬壑哀澤國魚龍吟落日荆
蠻雲物悵登臺茫茫今古渾無賴直北長安首
重回

縹緲絕頂

絕頂親攀日月行五湖如帶自廻縈山川歷歷

分南服今古茫茫混太清萬里風烟臨海嶠百
年身世悵浮萍未駮鸞鶴雲車遠兀坐松杉濁
酒傾

月夜寄城中諸友

白沙翠竹淨江村草閣虛無對海門絕壁金波
湖上下中天珠斗浪崩奔蛟龍隱見林光動島
嶼沉浮水氣吞忽憶高陽諸酒伴劇憐風月限
清尊

玄秀樓雨坐

空濛樓閣淨仙居風雨冥冥翳太虛浪鼓魚龍
時叫嘯氣蒸山澤恣吹噓浩浩帆色渾無際片
片鷗羣迥自如曲檻踈簾雲霧裏波旬高臥散
琴書

辛巳書事七首

居庸碣石控胡門玉几由來北極尊閣道逶迤
經海岱天河隱見出崑崙斗間遂識三階列日
下從知九軌奔奠鼎卜郊非浪事萬年圭鬯保
文孫

其二

秦陵松柏五雲高再見姪康握赤刃南斗龍文

占王氣中原馳道擁旌旄委表不亂遺謨遠磐
石相維諦構牢弘治名臣天憫在元功應數舊
蕭曹

其三

龜食庚庚夏啓光龍顏日角映扶桑 九朝琬
琰陳東序萬國山河履職方總道翔麟傳寶錄
卽看天馬度銀潢軒虞落落洪鈞轉矯首滄溟
望八荒

其四

漢水東流夢澤開雲蒸龍變劃爭迴襄城七聖

翔空下少室三花拂駕來河伯寶圖森地軸上
公玉冊自中台千秋萬歲應思沛帳飲歌風擬
築臺

其五

明光甲仗下金雞中使星輶降紫泥三殿絲綸
垂象麗九霄日月覆盆低雲扶寶鼎黃風穆天
遶璣衡舜政齊更喜求賢溫語切龍光長指鈞
璜溪

其六

內侍傳宣總插貂虎賁絲絡迺乘輶爾曹肉食

終無賴天下軍輸半已凋朔雪炎風歸紫極銅
駝金馬鬱青霄萬年曆服超三五努力夔龍翊
帝堯

其七

曉仗彤雲拂羽旗大行重引漢官儀紫衣簪筆
鉤陳肅白虎譚經刻漏遲卽喜春王傳正朔似
聞天樂奏咸池南星錯落江沱遠北斗瞻依藿
食私

答文二丈徵仲見寄之作

偏側乾坤只蟻封短衣觸熱日憧憧山林掃迹

虛雲氣河朔藏真兀酒容顧我遲迴甘尺蠖卽
今高臥有人龍踈簾玉篔簹開亭素瀑水懸岬夢
雪峰

山中荅子重見贈之作

土木形骸時所賤山川襟抱獨須開卽看冰雪
溶溶瀉已覺鶯花逐逐來海內風塵頻縱酒天
涯兄弟幾登臺高陽失侶勞相問谷口揮鋤且
未迴

黃葵

雲白天青秋可憐黃葵弄色尤相鮮楚妃結束

迥殊衆姑射逢迎疑是仙承露金莖餐沆漚凌
風玉袖鬪嬋娟蕭疎獨映揚雄座物色年華解
入玄

七言律詩二

嘉靖稿

夜燕石湖草堂

風竹泠泠虛草堂春星歷歷淨琴張冥棲自許
專丘壑痛飲寧辭典鸚鵡歌曲玲瓏花鳥恨舞
衣颯沓薜蘿長十年獻賦頭蓬葆明發天台度
石梁

山居

山鳥羣飛多好音蒼苔白石淨中林前峰麋鹿
窺人過半壁藤蘿礙日陰萬里冥冥黃鵠羽百
年落落紫芝心未論戰勝違朝市遮莫狂歌任
陸沉

楞伽山樓

山樓朝日盪雲胸坐見桃花映遠峰黃鳥弄音
晴靄靄碧天生媚水溶溶齊梁殿閣丹青古吳
粵山河錦繡重謾說平生飛動意十年空聽上
方鐘

春半

南山吐氣朝氤氳萬樹桃花和白雲
縈空蛺蝶已無數穿葉流鶯凡幾羣
獨客琴中哀鶴操野人衣上采霞文
天涯兄弟勞相憶春半音書佇未聞

竹

愛汝南墻竹干挺碧巖高下風琤琤
羣飛好鳥似人語一片春湖如掌平
蒼苔濁酒已忘世落花遊絲空攬情
猖狂頗慕蘇門嘯踞石時爲鸞鳳鳴

清明日寄家兄涵峰

清明野寺春風顛忽憶曲江花滿烟
燕雲朔雪音書外粵女吳兒蹴踘邊
捧日長瞻天北極荷鋤新卜讓西偏
五陵豪俠如相問豐草長林只醉眠

夜話金元宿楊子任吳祈父

月白山青花夜明斗斜人語鵲枝驚
虛空不住雲霞思落魄相期江海情
萬里驍騰祗自笑百年潦倒向誰傾
他時儻憶山陽社爲問窮途阮步兵

郊臺

酒酣更上吳王臺却憶霓旌萬騎來
閱世浮雲千古盡麗天春色五湖開
平原細草游麋鹿落日陰風嘯虎豺
跋扈飛揚總黃土當筵須罄掌中杯

暮雨登上方

昏黑馮陵到上頭諸天風雨颯高秋
千峰楚粵微茫見百瀆東南浩蕩流
寓世形骸須縱酒盪胸雲霧幾登樓
端居不爲明時恥浪迹將騎黃鵠游

雨

紫薇村邊暮雨急茶磨嶺上春雷行
湖中風浪忽黯慘天畔花柳獨分明
當門銀杏總舒葉隔竹班雞時雉鳴
忽憶王孫遙萬里山中蘿薜解含情

送袁斯正游茅山

句容削出三茅峰上有三仙騎玉龍
華陽洞口瑤華滿貞白祠前春草濃
石壁烟霞迎海日天人笙鶴下雲松
憐余爲采千年藥與子相攜九節筇

憶金陵寺游卻寄劉中丞元端

孔雀壇高落日黃鳳皇臺迥萬山蒼漢家城闕
天中起法界雲霞海外翔紅樓石院調仙樂碧
澗秋花禮道場却羨中丞投笏去欲將彫朽附
慈航

寄王侍御敬止侍御吳人產于燕嘗使
朝鮮賜麟服後以直道謫岢州今老于

吳

宮袍錯落紫麒麟曾是 先皇法從臣海外文
章傳諫草天南魑魅識星辰荆蠻流寓真吾土
燕趙悲歌見古人綠水名園春更好挈壺花下

伴垂綸

寄徐錦衣君叙

今代麟臺誰第一中山王業照乾坤小宗尚覺
貂蟬貴巨室從知德義尊翠竹碧梧光戚里回
琴點瑟奏朱門腸斷雞山玄學社萋萋春草憶

王孫

曉

日高風細林中眠乳燕班鳩鳴半天傷春老去
怯花鳥痛飲朝來中聖賢流水高山心不競白
雲飛絮夢相牽當門柳色青無賴誰爲淵明乞

酒錢

送郡伯胡公入朝二首

朱旂玉節朝元會
金馬銅龍侍從年
天上五雲新日月
禁中三島舊神仙
風塵荏苒周南滯
郡邑謳歌洛下傳
出入兩朝今仲甫
中興九葉在周宣

其二

兩岸旌旗東海頭
中流簫鼓使君舟
手持絳節朝天子
腰佩銅符夾帝州
御柳欲迷鳩鵲觀
宮花應繞鳳皇樓
先朝侍從皆伊傅
况復

今王夢寐求

寄題袁邦正白蓮草堂

白蓮草堂涇水頭
出郭况有林塘幽
西山爽氣足遐眺
虎阜流雲堪臥游
錦軸牙籤春燦爛
青藜玄草夜精修
江湖已識風雲器
壁上龍光看佩鈎

山堂

過雨山堂蒸翠雲
四簷籐竹鳥聲聞
青天不動峰文坼
錦石相鮮澗道分
流水桃花真隔世
草衣木食自爲羣
籠鵞爲帖關幽興
却憶風流晉

右軍

飲顧貞叔

看竹時過顧辟疆玉盤冰盃出華堂呼盧當識
江東俊脫帽寧嫌草聖狂列嶂谿山雲朶朶四
筵歌舞月蒼蒼山公自信能騎馬不道城南歸
路長

溪上

白鳥青谿蘆葦林日光雲氣晝陰陰江湖已得
儵魚樂霄漢空懸鴻鵠心結髮入山非慢世放
歌沿瀨有遺音吳宮越館皆灰劫漁子樵夫自

古今

夏日草堂撤去窓戶肆設簟几清風洞
越藤竹交蔭悠然有得作

錦石踈花暑氣清翠巖丹壑夏雲生已添海燕
梁間語直看湖帆鏡裏行四壁驚風弦索響千
林修竹簟紋明令人却憶王車騎更覺西山爽
氣橫

諸友夜燕山亭達曉

白鶴青巖秉燭游石湖星斗映天流多才潦倒
如河朔此夕山川即庾樓殿閣鍾鳴蒼靄散海

門日躡赤光浮
栖栖甯戚何爲者
長夜哀歌獨飯牛

橫山下種瓜作

山田犂确苦多沙
學種東陵五色瓜
激澗卽看穿石竹
插籬偏自愛藤花
囊中未得餐霞法
谿上時畱泛海槎
長日輟耕無一事
只須牛角挂南華

伐竹

空山伐竹聲丁丁
恰有黃鸝相和鳴
前峰雲起思俱逸
滿座風生身欲輕
支遁買山非達隱
季

膺耽酒不須名
平生浪迹思江漢
欲作天台避暑行

端陽過錢二孔周

爲愛堂前嘉樹林
脩然如坐翠微陰
閉門丘壑堪忘世
觸目禽魚總會心
縱酒尚憐豪士態
擊壺休詠白頭吟
榴花艾葉催時序
甲子泥塗已陸沉

還山作

臥病擁塞夫差城
却如野鹿糜長纓
荷花菱葉已秋色
白鷺青山非世情
竹裏僧廚倉耳飯
江

東客思紫萼羹葛巾不蔽蕭蕭髮高臥長懷漉
酒生

岳公房古藤石壁清陰可憇

石壁橫開蒼玉屏古藤蜷曲似龍形林篁背日
寒蕭颯洞壑興雲晝杳冥采葛時聞歌隱隱枕
流長愛耳冷冷支離不願論鍾鼎白日山中煮
茯苓

立秋

黃竹白雲淒已秋中天大火欲西流著書自信
山林拙耽酒都忘日月遒鷗鷺翻騰荆楚闊魚

龍漫瀾洞湖浮清風似減文園渴荷策將期廬
霍遊

題元賓書齋

書齋白日有雲氣臥看參天雙杏林布衾陶器
甘鼎食流水高山鏘玉音簷下鹿麋時寓宿洞
中鸞鶴幾招尋西鄰濁酒荷鋤倦與汝賡歌梁
甫吟

湖夜

水月蒼蒼相蕩摩四天風起碎星河狂來直欲
吞雲夢老去寧辭著芰荷綠酒藏真時嘯傲青

山作伴夜行歌金輿玉座十年事腸斷吳江東
逝波

晚

翠竹紅霞霽景鮮週天日月見雙懸解衣盤礴
龍鱗石露頂蕭疎玉屑泉多病馬卿宜慢出長
齋蘇晉欲逃禪江湖何處無魚稻休問唐生躍
馬年

得維揚朱大參升之鱈其弟振之子子
价書賦寄

鄴中父子總超傑謝家兄弟尤翩躩德星一簇

射淮水琅玕幾對生藍田鏗錡恰中清廟瑟博
雅宜抽金匱編鸚鵡雛鸞鶯當江海我輩且泛鷗
夷船

甲申七夕子任携酒賞蓮迄今丙戌三
七夕矣子任臥病獨坐花下悵然有感
而賦是詩

憶昔秋携花下樽草堂白晝雨翻盆多情却臥
維摩榻國色猶誇處士村三伏炎蒸稀見面百
年離合幾消寬雄飛雌伏須臾事擊劍悲歌強
白吞

送顧介臣入南雍

雞山下瞰玄武湖碧水如玉流金鋪彤宮紺殿
日月麗冊府儒林江海紆羨子飛騰鷗鷺急嗟
余濩落蛇龍俱圖南萬里望努力入關便棄終
生繻

和文待詔懷昭慶寺之作

明光起草五雲邊猶憶同參雪竇禪花雨石牀
聽說法竹林茶鼎愛談玄拂衣未許還廬社飛
夢時能墮鞦韆川借問玉皇香案吏何如兜率
鍊形仙

七月

七月流火雲英英渚青沙白湖水明炎氛掃蕩
日月朗風物蕭疎天地清萬里飛鴻時目送一
杯鰕菜足生平秋山木落見東海若個從余攀
赤城

雨

秋堂雨坐竹千林空谷琤琤哀玉音宿霧簾櫳
圍合沓吐雲山壁映蕭森花枝沾濕鶯交坐水
國蒼茫龍或吟咄咄書空無限意潘郎今已二
毛侵

山中

西山木落秋已分千峰萬峰新霽文望中澹澹
入無色空外冷冷如有聞白羽低翻碧湖水蒼
松靜度青天雲茹芝采蕨有高士擊節長謠鸞
鶴羣

登吳山作

叢篁古檜陰凄凄斗然一道青雲梯太湖杯傾
兩山小一水線曲千峰齊林端風色怯虎豹石
上泉聲逢鹿麝誅茅絕壁吾有意聊與山翁時
祝雞

題山人家

山人抱甕石湖陰苦竹藤花密作林顧汝真成
麋鹿性令余消盡市朝心遶門流水禽魚得入
座東山巖壑深漸喜浣花成近局短衣高笠自
浮沉

病起還山諸友崇酒相慰

閑雲飛鳥一身輕却笑嵇康論養生累月竹林
踈酒伴新秋石壁尚流鶯廬山結屋狂司馬江
左逃名醉步兵寄跡乾坤何足問玉杯銀榼爲
君傾

諸友攜酒饌過越溪

子雲宅邊時載酒杜老墻頭多濁醪風流迥集
高陽侶衰颯慚非北海豪病起漫扶蒼竹杖醉
中相把白雲袍柴門不斷青山屏竚看千崕秋
氣高

衡山內翰許舫過越溪奉問一首

焚魚學士往不返掖垣空瑣榻陰青簾白舫
蕩秋色菱葉荷花陳好音今日碧山真不負何
時丹壑辱相尋荷鋤自理蔣生徑高樹嚶嚶黃
鳥吟

夏日錢二孔周瑛上人過集

丈人晚就招提隱支遁還參名士流訪我桃花
崑下客攀翻天鏡閣中遊橙林風細琅玕簾雪
片冰敲白石甌鶴蓋軒車還自熱科頭箕踞乃
吾儔

三伏懷家兄作

三伏炎蒸醉如酒十尺荷花高可憐火雲射日
轉相亢翠壁含風時灑然多病不堪河朔飲沈
冥還憶竹林顛征西旌節翩翩遠腸斷中原羽
檄傳

雨

高山吐雲雷出門翻却玉女洗頭盆草堂颯爽
動秋色病客穩臥忘朝飧湫湫溪迴五柳拂蒼
蒼峰暗九龍蹲蕭條兄弟拋天末空對芙蓉悵
酒尊

晝寢

青山索居堪永世白日高臥久亾羊百年將半
未聞道一壑幽栖真葆光豐草長林獸爭挺清
谿錦石魚相忘秋高肺病可消減還卜振衣千
仞岡

蔣大參子雲文內翰徵仲王祠部直夫

過訪山中作

空山臥病披白雲荆扉忽集鸞皇羣客星炯炯
在河渚傲吏翩翩遺世氛落日風清玄谷籟平
湖雨濯繡峰文野人惟有東林月今夜清光分
贈君

諸友携菊載酒至

菊花滿叢酒滿觴嘉賓弈弈森琳琅蒼松白雲
秀絕壁玉鳧金雁喧迴塘自疑豪宕類北海轉
覺村墅如柴桑齊觀大小總天地且與斤鷄相

翱翔

袁子尚之文子壽承毛子九疇過飲作
高秋爽氣嵐霞新青山入座開嶙峋虛舟川上
本無繫濁酒林中還自真百尺垂楊停燕舫一
羣啼鳥響嘉賓諸公自是烟霄侶肯憶支離江
海人

臥病書事懷左給事中家兄履約時監
軍關西

江湖病客遙可憐碧篠紅渠相映鮮長卿偃仰
薄官秩陶令清狂無酒錢未見高禰祠五柝似
聞烽火達甘泉繡衣使者銜龍勅日暮關山
何處邊

簡素五永之

翠壁冥濛日吐雲湖中雨色未全分清時自覺
山林逸野性偏於鷗鷺羣小艇廻谿期泛鶴夕
陽高柳遲論文衰容已謝賞塗子他日同飯滄
海君

雨後泛湖過楞伽寺

湖上羣峰環翠屏雨餘泉壑杳瓏璽鷗鳥故傍
山人艇江漢誰占處土星野寺松杉叢古殿竹

林風日淨虛廳空山自結荷衣侶石榻來書具
葉經

閑居

逸舍扶疎千樹林古堂鶯語畫沈沈山童佐舞
調雙鶴病客閒居戲五禽阮籍猖狂雙禮法仲
長樂志薄朝簪馮高更覺青冥遠弋者徒聞黃
鵠音

席上贈天池山人陸采

天池山人氣宕竒擊筑同酣湖水湄紫髯灑灑
飲無算白眼茫茫知是誰門對西山霞日爛坐

臨秋壑澗花垂呼鷹走馬長千里却憶狂遊白
下時

立秋日病起作

病客朝來梳葛巾柴門今日秋風新英英雲乃米
白於雪靄靄山光青近人靜列圖書千挺竹老
甘溪澗一杯葦遠期拂袖名山去玉洞金堂寄
此身

宗伯昭過訪作

盛世徒嗟麟在野空山喜見鳥求聲嚴平總棄
人間世郭泰終懸海內名石壁寒雲蒼梧秀霜

林落木紫芝榮相看歲晚堪携手轉見江湖浩蕩情

山中荅顧中丞華玉見寄之作

湖上秋風吹錦林丹青巖壑迥蕭森鏡中魚鳥忘機久象外雲霞觸思深濁酒蒼苔願嬾性高山流水愧知音清時投笏誰能佞贈爾冥鴻萬里心

秋日

木落風高征鴈羣渚青沙碧石湖濱山堂颯爽翻黃菊石磴巉巖掃白雲
君平非辟世閉

門玄晏實耽文深林絕壑高眠穩不道雞聲中夜聞

尚之過飲菊下有作奉同一首

菊花爛熳開滿堂白雲翠壁搖秋光管寧榻靜坐終日陶令籬踈時一觴野鶴向人紛自舞浴鷗喧渚澹相忘老農饌客唯麤糲
賞南山萬壘蒼

壬辰歲至日諸友過飲作

柴門病起逢陽生雲晶日采搖虛明桃花蒸暖劇欲吐楊柳籠烟殊有情看竹已應憐子敬當

筵總復似公榮越溪春色渾翻動次第風光把
盞迎

九日衡山內翰燕集溪堂有懷涵峰伯
氏

十日風雨今日晴秋湖倒映千峰明溪堂炯炯
德星見岬壁冥冥嵐翠生風花節序轉姿媚人
物山川稀合并手把萸杯獨惆悵天涯鴻鴈想
南征

劉司空南坦自呂山遠寄松英藥餌
當朝曾插侍中貂步履星辰上紫霄忽憶故山

邊拂袖閒臨流水臥吹簫坦林晝雪團松蓋弁
壑春陰長藥苗寄我遠從丹洞口報君惟有白
雲謠

雅宜山人集卷六



國家圖書館. NATIONAL CENTRAL LIBRARY. TAIWAN, R.O.C.

國立中央圖書館藏

1111111111

1111111111



雅宜山人集卷七

明吳郡王 寵 撰

五言排律一

正德稿

虎丘東溪漾舟

獻策未能遂春山數展遊兩行花對發一鏡水
 平流似得桃源去何慚刻曲幽高枝懸幕下落
 翠把盃浮擁棹波紋亂迎檣燕語稠雲光披石
 磴霽色滿汀洲山簡何辭酒知章况有舟機心
 吾已矣舞袖拂沙鷗

石湖作



自得名川勝沿洄殊未窮秋高千嶺出地闊五
湖空古堞雲橫雉縣梁影卧虹樓船催畫鼓野
寺落丹楓綺席波光蕩紗牕霧氣通山人何惜
晚歸路使樵風

五言排律二

嘉靖稿

文二丈內翰過山莊作

蔣逕薜蘿合仲園山水圍隣君棄金馬數爲訪
荷衣酌醴枯魚爨調羹菰米肥溪溪水華爭嶺
嶺秋霞飛林茂鳥聲樂山空人事遠靜知觀槿
暇歌識采菱歸密篠盈丹壑高花落翠微相招
桂樹隱共息漢陰機身世杯中物生涯湖上磯
洋洋泌之曲客去掩荆扉

山居即事

靜鍊齋心後焚香清燕餘鮮雲常抱石垂楊半
拂渠蘿壁夏陰合槿園秋氣初巖花枕上落山
翠鏡中舒余秉棲霞性賴茲脩竹居人如叔夜
懶道奉老聃虛室有盈觴酒門無結駟車石壁
莓苔古金塘菌苴踈瑤琴山水奏竹簡烏魚書
陸生卜好時陶令愛吾廬庭擾冲霄鶴溪翻樂
藻魚不鳴還學鴈全生本類樗已矣蘅茅下眷

言終荷鋤

新秋夜坐

流螢乍拂棟明河初亘天空山今夜坐秋思獨
娟娟衆壑流清響千林迷白煙草蟲喧石壁海
鶴唳芝田默默撫玄化潺潺聞暗泉朱華行已
矣金氣肅無邊义卧馬卿疾彌催潘今年浩蕩
風塵裏蹉跎江海前黃金臺縹緲白壁涕潺湲
已謝先容木徒贈繞朝鞭生平紫芝戀果協青
山緣明發懷禽尚臨風意慨然

遊覽與二三子作

芳挹北山桂飢茹南澗芝悠悠二三子空谷白
雲期爭業青蓮宇澄懷秋水陂閒來展玉冊興
至引藤卮自取山人適而將玄化窺朝隨野麕
出暮與落霞之龍性誰能擾鷗機本不疑形骸
元土木悔吝廼磷緇是節方流火涼飈清我肌
露華盈北渚月采耀前墀松作笙簧聽川將縞
練披酣歌似河朔清燕類南皮若問窮通理蒙
莊吾所師

山居簡湯二子重

山空更秋雨人嬾復懷痾悵矣采芝暮悠然伐

木歌鏡窺潘鬢改室暗范塵多哀響踈櫺度殘
鐘夕靄和峰當蘿戶列泉繞薜堂過倚樹調玄
鶴臨流弄白鵝崩楂橫斷岬急溜瀉圓波林芳
坐銷歇歲晚將如何

酬張子言寄遊西山之作兼呈王子美

朱子价

茲山拱帝州聞爾麗春遊北枕居庸塞東馳遼
水流金屏障魏闕玉壘壯神丘海日呈仙掌霞
天映石樓龍輿曾此駐鳳吹至今留香剎千巖
起珠林萬壑稠懸泉飛噴玉空樂亂鳴球紅憇
桃花磴青依蘭葉洲九仙芝蓋集三日羽鶴浮
夜宿星龕靜朝攀霧洞幽采真隨白鹿望氣識
青牛寶思名山發璣章下里酬羊何應共和嵇
阮本同儔獨有南冠客年年滄海頭

曉

綠荷遙挺蓋紅蕉半卷書秋風一蕭瑟簷影散
扶踈宿雨澄氛靄朝陽翔太虛人煙雜魚鳥山
翠滿庭除碧委梧桐始紅催苒苒餘天心察羣
卉貞性在幽居峰態隨霞變灩光與日舒莫將
憔悴色貽笑楚江漁

雨後

林園過雨後澗壑深潺潺靜院霞光落虛簷翠
影還夕陽時漏竹秋聲併在山銀塘荷葉晚錦
石蘚花斑壁挂秋琴淨人同野鶴閒傍崖流石
乳臨水秀松顏只此自怡悅那知人代間

七夕與朱子日宣正上人

河橫見機石月靜敞針樓山人不乞巧風物自
勝秋衣響激林壑肅氣警衣裘媿變邑子集清
淨野僧留湖練光初動煙綃未收停卮聽鶴
唳褰幌看螢流有客歌商頌聲如金石道

五言絕句

嘉靖稿

秋夕四首

秋風日夜清房櫳有佳色悠然策窓下落落羣
松直

其二

山月照石壁爛熳舒金波颼颼梧桐委孤鳳其
如何

其三

白露警秋鶴哀音中夜聞瑤琴爲掩奏飛響入
青雲

其四

巖扃夜犬吠寥寥人境空羣動皆已息孤嘯深
山中

山中折杏花寄元賓

山中杏花開上有黃鸝語折寄同心人相思渺
何處

堯峯十二咏

半峯亭

孤亭倚翠微青青四山抱期與鹿皮翁石上餐
瑤草

清暉軒

屏樂戀清暉徘徊碧霞裏而我愛名山學道終
已矣

碧玉沼

山中百道澗噴薄落金池倒見芙蓉碧洋洋堪
療飢

觀音巖

攀崖采石髓躡磴訪金仙壑壑香花滿祗疑堦
率天

白龍洞

白龍卧巖洞霧雨長冥冥或化白衣老空山來
聽經

多景巖

群峰翔龍鳳效竒多景巖道人勞應接長日倚
風杉

寶雲井

月照前山寒夜半吸深井鏘然古銅瓶投盡千
尋綆

偃蓋松

蒼松偃巖苔屈曲如蟠龍有時風雨來天上聞

笙鏞

鐵塔

鐵塔翔雲表飛從海上來瓊瓏七寶碎面面毫
光開

妙高峯

獨立峰之巔群山伏在下遨遊青天中雲螭爲
我駕

東齋

旭日散高齋離離檀樾影焚香對寶冊古院蒼
苔靜

西隱

結菴西岩中落日丹霞爛群峯閣將夕紫翠交
凌亂

六言絕句

嘉靖稿

楞伽之麓有堂三楹堂前有竹數百挺
竹間有泉余與諸友所遊憩而藉以遺
世者也掌之者僧方正遂謂之曰古泉
上人余倡爲短歌二章諸友和歌之云
耳

我輩慚非玄度羨君不減支林古木脩篁道院

清泉白石禪心

其二

清夜泠泠琴筑春風片片桃花洗耳直超千古
臨流共演三車

七言絕句一

正德稿

春盡二首

榮華夢想今何在江海飄零未有涯可惜少年
留不得東風二十五迴花

其二

花枝酒盞獨無因兀坐騰騰過九旬百歲韶華

金不換若爲狼籍此暮春

詠馬三首

支公櫪上憐神俊漢武關西產渥洼笑我騰驥
何處用齊雲樓下醉穿花

其二

紫勒紅纓雪色毛可憐驕態點頭高能窺新月
藏朱閣慣惹花枝罨白袍

其三

春色平臨雪際開山河如錦馬頭迴垂鞭杜曲
看花去下鐙臨邛貰酒來

送伍主事疇中

仙吏朝天畫鷁催石湖飛雨錦帆開謝安強爲
蒼生出還戀東山酒伴來

宿龜山三首

海嘯湖傾天日黃片帆指落龜山陽長年三老
遙相問公無渡河且徜徉

其二

湛湛長江楓樹林仙家遙住翠微陰舟中指點
屏風疊天上瓊壠山水音

其三

浪打天門撼百川風雲瀕洞漭無邊未騎白鶴
三山去猶伴沙鷗一宿眠

歸途覽勝追懷遊事八首

雲飛玉立恣竒遊海上三山十二樓此日圖經
窺禹穴他年雞犬卜丹丘

其二

十日窮懽辭碧山片帆輕拂五雲還桃花流水
仙門曲回首重迷銷夏灣

其三

雲作樓臺石作蓮青天不動畫屏鮮棹歌一道

滄浪去指點虛無范蠡船

其四

一柱支撐高浪中丹房石室閔瓊瓏即看天月
雲門對更取峨眉雪嶺通

其五

千里萼萸縮項編黃甘朱橘不論錢柁樓把酒
山川滿高嘯何如李郭仙

其六

東南流水蓄三吳浩蕩排空砥柱扶日月高懸
騰寶氣山河長拱衛靈符

其七

七十二峯森插天，丹青畫出劇堪憐。
蛟龍伏窟湖如掌，獨掛雲帆向日邊。

其八

斲往未償山水志，機心應愧孔鸞群。
食芝餌木他年計，暗向空中禮白雲。

七言絕句二

嘉靖稿

湖上八絕句

石湖春色太可憐，却似美人明鏡前。
錦甸平鋪鴨綠水，白雲飛動蔚藍天。

其二

星橋北掛瀉春流，映出黃山水面浮。
霞石天青飛練鵲，桃花氣暖醉輕鷗。

其三

春山面面翠屏開，盡繞吳王百尺臺。
一代霸圖憐燼滅，五湖流水恨東廻。

其四

越來溪上柳千絲，畫鼓游船晚更移。
一曲紫雲歌越女，雙鬟白雪舞吳兒。

其五

三月暮春春服成
含風疊雪越羅輕
生憎乳燕撩春色
轉遣飛花蕩酒情

其六

數松磊落千尺強
恰如天際羣龍翔
吟風嘯雨中琴瑟
大澤深山藏棟梁

其七

登山臨水春將歸
獨樹桃花猶未飛
玩世斂華真歎忽
後時顏色轉霏微

其八

古木朱藤踈着花
淡雲斜日淨江沙
詩吟臺上

無推轂白石山中有歲華

題文待詔山中詩卷

康樂流傳臨海作
一時文采媿羊何
只今寓直金鑾裏
還憶東山舊薜蘿

丙戌春寓楞伽精舍杏花盛開忽雪霰
交集山僧折枝作供戲效白體賦二絕
山房昨夜杏花開
惡霰狂霾橫妬來
折取一枝禪榻畔
紙屏聊當避風臺

其二

十載空門苦行深
銷除不盡惜花心
一枝傾國

雅集集七
三
渾無賴老衲狂來擊鉢吟

散步楞伽諸院口占短句

高下禪房依碧山花枝羃歷鳥間關風光處處
能牽惹野鶴孤雲不記還

草堂新製紙屏燕坐悠然作

紙屏合沓白雲圍無數風花蹴燕飛縱有道書
拋不讀北山長日閉玄扉

江上望海門雜歌五首

海門日出天蒼涼翠壁紅霞竒錦張羣仙夜飲
西王母清曉雲中騎白羊

其二

手持金策振鈴鈴背插龍泉湛七星累月清齋
餐翠栢數千文字寫黃庭

其三

帝里嵯峨鳩鵲觀仙家律元金銀臺九天光彩
亂撞射五色雲霞時往來

其四

金山山下龍門開白日波濤萬里雷三老嘯風
輕掣過天吳固象劃爭廻

其五

鞭石仙人去不返青天欲渡愁無梁我今飽掇
金光草耳後生風一日翔

丙戌歲家兄履約釋褐南宮歡喜口號
八絕句

彩帖泥金日下傳蓬門花柳闔雲煙十年破篋
長揚賦草褐宣呼玉座前

其二

高懸日月黃金榜對列星辰白虎宮即喜今王
頻策士須知江海有孤忠

其三

北極長安迴北斗南天雲樹引南枝曲江風日
渾如錦可遣池塘春草知

其四

天上五城十二樓龍翔豹變玉京游中興九葉
重瞳主黃甲當朝第一流

其五

御柳春風想玉珂宮袍新剪內家羅他時戲彩
高堂上不數山人着芟荷

其六

駮耳驂騑天下奇十年伏櫪幾摧眉騰驥不羨

黃金勒要識龍駒千里姿

其七

平生自許赤心存，謂帝真趨金馬門。
海日朝鳴南岳鳳，天池春化北溟鯤。

其八

磊落衣冠報主身，酒壚風竹漫藏真。
古來麟閣崢嶸客，多是江湖骯髒人。

送陳太僕德英歸省閩中四首

三千駉乳蹴天閑，光射房星北斗間。
總道君王賜顏色，特教洗沐武夷山。

其二

武夷靈山天下聞，曲曲峰巒生紫雲。
萬疊摩空將獻壽，一星南極正垂文。

其三

金魚象笏孔鸞袍，卿月青天度嶺高。
孝子忠臣今疊見，山林鍾鼎與蕭騷。

其四

南歸應上越王臺，繡壁金城一面開。
莫道浮雲能蔽日，燕關紫氣正東來。

庚寅歲九月廿六日寓治平寺高齋紀

事

高齋盡日看雲生枕上平湖一片明二十年來
長嘯客山中松栢解知名

新築越溪莊薛與忠過訪喜賦三絕句
複嶺重湖錦繡中翔龍舞鳳下虛空倚天一劍
風雲壯指掌全吳氣勢雄

其二

萬壑千巖當我門風流寧帝浣花村浴鳧飛鷺
停書舫草服黃冠啜瓦盆

其三

桑者閑閑竹嶼深春風蠶月柳成陰黃鸝紫燕
鳴相和此是雲山韶濩音

古泉新齋對丹楓作

紙窓棐几竹間房一樹丹楓倚夕陽啜盡茶甌
猶不去野人偏自戀秋光

秋日過千上人山寮作

石菊菖蒲淨小寮跏趺相對篆烟消冥心久入
空門侶不記人間有市朝

途中作

春盡官河春水生兩行垂柳欲藏鶯離家一月

雅宜山人集卷七
三
腸干結解道梁園病馬卿

雅宜山人集卷七

國家圖書館 NATIONAL CENTRAL LIBRARY TAIWAN R.O.C.

雅宜山人集卷八

明吳郡王 寵 撰

七言絕句三

嘉靖稿

贈錢光祿元抑掛冠還山十首

春明門外玉河橋
軒騎如龍半下朝
總道群公餞光祿
山林鐘鼎各逍遙

其二

太常曾奏數行書
野鶴山雞只自如
玉冊金章光使節
赤墀青瑣夢蓬廬

其三

美殺漕湖即鏡湖桃花流水入虛無南歸不向
君王乞元是滄浪舊釣徒

其四

芙蓉闕下解朝衣白石山中長薜薇借問季鷹
思玉鱠何如方朔隱金扉

其五

漢主龍飛乘紫霓嚴生苦憶桐廬谿錦袍不易
羊裘暖一壑應將千乘齊

其六

濁酒一杯琴一曲
書千卷竹千竿江東自古

多高逸不見吳門梁伯鸞

其七

天下山川數會稽千巖萬壑使人迷黃冠勅賜
雲霞主別有仙書降紫泥

其八

稜稜骨肉稱山林流水閒雲淨道心芝草琅玕
能久壽洞天福地合投簪

其九

玄晏先生好著書懶心久與市朝踈君看黃鶴
冥冥去肯羨群鴉腐鼠餘

其十

寵也江湖落魄生玄心時夢采真行何時共隱
屏風疊騎二茆龍朝太清

虎丘送許仲貽

旗亭卮酒送君還去鳥流雲信宿間日暮銷魂
此爲別望君重上虎丘山

偶題

飛花一片逐行雲三月韶華忍見君恨殺越來
溪上柳萬絲難繫鳳皇群

送叅政可臬胡公五絕

東望海門多五雲牙樯錦纜日邊分仗鉞乃知
牧伯貴賜袍新出孔鸞文

其二

虎符連鎖浙西東千里山河錦繡中漢代文宗
讓司馬河南治行有吳公

其三

吳門車馬若雲屯看送關西胡使君曾是玉皇
香案吏名山處處勒新文

其四

文采風流天下傳中流畫鷁仰神仙千篇詩草

遺吳郡百里棠陰盡海壖

其五

五嶽七星瞻我公
振衣質難數
趨風百年志業
宮墻外千里雲霄涕淚中

桃源縣見桃花作

桃縣桃花千樹新
西風惡浪大淮濱
故園春色穠於錦
腸斷天涯旅泊人

贈丹泉子二首

丹泉上與銀河通
百道飛流元氣中
複洞懸崖雷隱隱
玉叢瑤草雨濛濛

其二

大滌山人餐紫霞
不須勾漏訪丹砂
倚天翠壁猿垂飲
噴壑銀濤鳥戲花

雪

姑射仙人衣鶴翎
空山行雪思泠泠
平沙歷亂開銀嶺
削壁欹峯掃玉屏

阻風清河寄日宣

誰解清河是濁河
出門旬日倦風波
越溪柳色重重翠
憶汝臨流弄白鵝

憶山莊蠶事作

素業湖邊十畝桑柔枝沃若競提筐黃鸝紫燕
相將語應識山人舊草堂

寄元賓祈父時二子館于陸墓

長蕩遙連齊女門春來花柳似雲屯羈人枕上
江南路昨夜相逢陸墓邨

清明

湖上千家插柳枝清明風日落花時鞦韆蹴鞠
無情緒禪榻茶烟有鬢絲

寄題袁尚之齋中合歡葵

舞衫疊翠雙迴影宮額塗黃兩闥新寂寞

玄草室合歡花笑獨眠人

歲暮

青山釀雪長陰陰歲暮蕭條棲北林朱門獸火
炙天熱不動袁生高臥心

夜

空山欲雪夜燈孤敗絮蒙頭擁竹爐斗室團團
翻耳熱不知窓外有重湖

月

娟娟霜月夜寒侵宿莽澄湖入望深自笑山中
雲卧客一床林影類棲禽

越溪莊作

翠竹黃花湖上村西風喬木撼柴門誰人解識
支離子草孺牛衣自牧豚

雞鳴山夜聞笛寄日宣

雙笛飄飄入紫雲空山哀調不堪聞可憐明月
人千里摘得梅花特寄君

歲首諸子燕集

歲首江湖雪霰來柴門野客物華催相過莫厭
杯千匝此是春風第一迴

初夏

夏木沉沉綠蔭濃後峰鶯語應前峰石林曲几
閒調息消盡浮雲意萬重

夜

山腰小閣夜焚香烟滿平林月滿床十里春湖
明滅外竹枝歌散一天長

新茶

吉日分蜂穀雨晴乳茶芽筴試新烹五侯甲第
誇鬻鼎不識人間有大羹

三月十三日晚霽與日宣偕上人循吳

山麓徐行看杏花作

漠漠春陰睡思慵
興來扶策過前峰
日斜更倚風篁磴
試望誰家花正濃

其二

宿雨初收麗晚霞
江煙澹澹薄籠紗
山家翠壁團春色
野客敲門看杏花

雨

南園疎雨看移橙
石逕蒼苔舞鶴迎
一片笙簫聽漸遠
畫船歸盡晚川平

上巳

錦繡山河碧玉天
傾城士女簇花鈿
年年禊

春湖曲解道江南樂
土偏

雨過

軒窓雨過綠交加
山鵲羣飛噪晚霞
爛熳一番春夢覺
東風時掃日南花

弁公房看牡丹

水瓶香鼎畫垂簾
一樹名花繡佛前
不似洛陽姚魏色
太清宮裏玉華仙

還山

十日春城醉牡丹
酒痕狼籍舞衣殘
今朝還入空門侶
白拂徐揮講涅槃

同王子美湖上看月二首

百尺星橋卧綵虹，青天飛鏡水涵空。
憑君看盡人間月，誰似湖山枕簟中。

其二

酒榼茶鐺步步隨，春江花月夜何其。
故人明日京華去，任說山公倒接羅。

鶴窩

紅杏花東理鶴窩，短牆疎竇護雲蘿。
百年丘壑應憐汝，萬里煙霄可奈何。

晴

山齋晴日煖蜂遊，撲地飛花點點愁。
隔塢緋桃驚一簇，却疑春在水西頭。

春夜醉卧偁公房口號

酒後參禪最上乘，空山獨夜思騰騰。
分明記得前生事，曾是楞伽寺裏僧。

越溪莊十絕句

湖上堂開桑竹林，山人日坐翠巖陰。
百年落落皇王事，一壑冥冥遲暮心。

其二

山水迴環隱者栖，丹青畫出越來谿。
千重柳色

鶯難見夾岸桃花客到迷

其三

勾吳名山如錦屏百里合杳迴青冥龍翔鳳跼
盡竒態日夕嵐光朝戶庭

其四

星橋南挂象天河春水桃花湧漫波一曲漁歌
江海調不知清廟有雲和

其五

翠栢丹楓參政祠衣冠賓從想當時唯餘天鏡
樓中月還與山人照酒卮

其六

古丘盤屈臥龍長何似藍田華子崗落日登臨
一長嘯却驚空谷有鸞皇

其七

吳臺越壘屹相參錦繡山河幾戰酣千古霸圖
狐兔穴野人長弄百花潭

其八

草堂正面湖之陽白日千帆明鏡翔丹崖繡壁
芙蓉坼錦浪文鴛杜若香

其九

茶磨楞伽倚翠微
雨花長共白鷗飛
東林爲設淵明酒
狂客時過舞衲衣

其十

越王城邊高柳陰
中有幽人涵道襟
酒杯書卷林間樂
煮石餐霞塵外心

冬日二首

列岫盈窓紫翠屯
孤烟時起灑西村
日長幽鳥如琴筑
院院松蘿靜掩門

其二

媚眼風光恰似春
白沙黃荻水粼粼
軒窓遍啓

拋書坐轡鶴襟期
土木人

臘月二十四夜觀野燒二首

山頭野燒似星攢
贏得兒童動地歡
歲暮風烟江海思
越城橋畔一憑闌

其二

千家然火照田蠶
翠壁丹崖燭影含
旋喜春風催節序
不知身世老江潭

昨與袁與之談荷花蕩之勝與之云未
識遂賦六絕句呈覽或可當卧遊耳

荷花蕩裏采蓮歸
九龍山頭暮靄微
輕身倚楫

下前浦花氣人香逐浪飛

其二

青山如屏碧水迴萬朵菡萏參差開歌船舞棹
垂楊畔十里繁華錦繡堆

其三

藕枝如玉翠蓮房白白溪魚紫荇香落日舵樓
傳玉學掌中平列萬山蒼

其四

蕩裏人家齊賣蓮十五女兒工數錢柴門一片
花如錦野老風前高樹眠

其五

吳王城中十萬家赤日搏空蒸紫霞山人散髮
弄秋水自狎鵝羣兼看花

其六

蔣福山瓜蒔玉如冰盤削出錦筵舒持杯忽憶
東陵子昨日王侯今荷鋤

春日吳子雨過山居作

雨重烟濃山更深半窓樓閣畫陰陰道書一卷
香凝榻巖翠千層鳥墮林

湖上逢曹子繩之

童子論文二十年舊游濩落已茫然石湖三月
鶯花雨忽漫相逢野寺前

西陲告寧喜家兄還朝五絕句

五月神京喧出師 天王赫赫怒勦夷近臣拜
捧金龍勅大將高懸白虎旗

其二

我明赫赫雷行天萬里折衝香案前半夜胡兒
鳥獸散邊人馬上髑髏懸

其三

紫微舍人尺五天西征書記何翩翩即看玉節

臨關右旋喜朱衣朝日邊

其四

自古咸陽稱帝州終南萬壘黃河流使節方羊
覽形勝書報山人聊卧遊

其五

秦中魁壘多奇夫深山大澤蛟龍徂籌邊儲將
正今日還有封囊薦剡無

曉起飲蕉露作三首

紅蕉含得金莖露翠葉疑擎仙掌盞一勺靈漿
和玉屑清風颭颭擬騎鸞

其二

每羨靈仙握石髓嘗聞丹洞吸朝霞我亦山中
餐沆瀣他時五內發金沙

其三

管城知非食肉相王烈嘗逢石乳流山林鍾鼎
亦何意玩世總作逍遙遊

石民望朱日宣正上人雨集草堂摘芙蓉作二首

名花綽約映彤簾二院苔痕翠雨霑野老過墻
桑落酒山家留客水精鹽

其二

玉箸流膏紫蟹肥山堂開醖白雲飛柴門靜掩
無塵到舞鶴當皆弄雪衣

董子元宅有牡丹名舞青娥賦詩奉乞
見說名園多異花春風春日鬪妍華若爲乞得
青娥舞分取巫山一片霞

張子月鹿彭子孔嘉金子元賓吳子祁
父過越溪莊命酒芙蓉灘作

千朵芙蓉開錦屏長林暮靄青冥冥嘉賓映坐
鸞凰集野老扶藜土木形

秉燭花下再賦一首

銀燭紅粧相映輝美人嬌醉舞羅衣一林香霧
空濛合恰似巫山行雨歸

湖上

群峰合沓錦屏圍樹色泉聲帶晚暉盡日拏舟
無一事平川十里看鷗飛

西齋雨坐與日宣三首

西齋晤語靜焚香寂寂山家秋晝長千朶芙蓉
映修竹一羣沙鳥浴迴塘

其二

屈指重陽只三日無那風雨喧秋江茱萸滿枝
菊半吐况復新篳香滿缸

其三

肺氣秋來覺漸蘇此生無恙甘江湖左手持螯
右把酒仰天擊缶歌烏烏

越溪芙蓉盛開病不可風童子日摘三
花作供二首

美人縹緲欲凌波日對三花可奈何爲爾多情
更多累紅妝惱殺病維摩

其二

葉葉花花曉露新天姿奇艷絕風塵還疑金谷園中種何似昭陽殿裏人

冬日過高齋

暫往常爲竟日留此身無繫只虛舟青山百疊湖千頃肯易人間萬戶侯

蚕忌

鶯老花殘不記春閉門蚕忌動經旬寧知畫閣鳴箏女墮地粧成錦繡人

草堂作

紫端新浴墨波香竹覆南軒翠蔭涼一縷爐烟

凝不散數聲鶯語哢偏長

戲簡補之與之

伏枕聞君樂事偏鈿蟬金鴈捻堪憐何時共醉桃花塢解盡春衣當酒錢

落花

花枝瞥眼又闌珊誰乞黃金反少丹一院殘紅堆不掃春風開落兩迴看

課農

風雨冥冥花未濃野人湖上課春農酒酣不見高陽侶愁殺山齋獨聽鍾

踏青

茶磨山前水似苔紅粧隊隊踏青回衣香花氣
熏人醉蛺蝶蜂兒撲面來

嘉靖癸巳三月晦日將往白雀寺與碧
峯禪師虞山泛舟二首

層巒疊壁映朱簾風軟塵香四月天十里山塘
看不足翠屏合沓午雲鮮

其二

遠公相對靜移舟山似芙蓉水似油白雀白蓮
堪結社送余還過虎溪頭

宿白雀寺二首

木魚聲起梵音長子夜焚香禮道場病客齋心
渾不寐萬緣都掃事空王

其二

繡遍華巖幾卷經殿堂突兀帶春星此身已習
禪林侶破衲枯藤野鶴形

王翁竹泉過訪頗談仙莊之勝贈五絕
句

白髯瀟灑葛巾長可愛仙翁鸞鳳章十里相望
雲不隔丹泉綠竹午橋莊

其二

短棹經過荷茗爐荒村古寺訪潛夫仙莊自秘
長生訣笑我青山調水符

其三

丈人折行意交傾伐木丁丁山鳥鳴玉塵徐揮
風骨爽碧瞳相對道心生

其四

偶隨白鹿下仙莊衣上猶餘竹粉香說萬松
森絕壁清風終日奏笙簧

其五

人世分明有洞天野人逸興忽翩翩嵇康久願
從王烈石上同餐玉髓泉

白雀返棹李王二子送余過虞山下作
六絕句

遶郭圍屏十八里尚湖華蕩舒其前山明水麗
照斜日一片天池千朵蓮

其二

芙蓉疊壁錯奇錦琉璃千頃搖青空把酒掀簾
一長嘯真堪狂殺米南宮

其三

隨山高下野人家
春夏林深不斷花
可柰流鶯千百轉
陰陰綠樹映紅霞

其四

朱樓紺宇鬱相參
倒影斜飛墮碧潭
落日畫船搖曳處
土風還自樂江南

其五

晴空飛雨灑輕帆
倚棹遙臨拂水巖
十里煙嵐翠欲滴
令人思卧桃花畝

其六

故人相送且夷猶
煙渚微茫起白鷗
他日更期

徐孺榻今宵還醉李膺舟

送陳九臯遊金陵二首 臨終作

鳳凰臺高高入雲
一匹素練長江分
腰間紫氣動牛斗
倚劍長歌遙送君

其二

金城玉壁帝王州
雲中鷓鴣樓看君
草就三都賦
遲爾同爲一嶽遊

雅宜山人集卷八



雅宜山人集卷九

明吳郡王 寵 撰

賦頌序扣

迎春賦

欣陽和之迴馭穆上皇於東方睠山河以占氣
羗朝霽而蒼蒼澹萬里之風煙靄容與而含光
何芳春之乍臨而膏沐之滂汪也於時皇風載
夷長吏崇規矧三吳之靈境表都會於南陲山
川環帶風氣華靡百花洲上春雲麗鳥鵲橋邊
春日遲春雲春日共交輝無數樓臺向景披紛



九衢之紆直貫金城而交馳抗飛梁於螭首跨
綠水之逶迤若個陌頭無擁向若個遊人不解
眉共傳春色天涯至爭道春光今日宜龍嚼寶
勝飛雙隊鳳吐流蘇拂四垂粲綵花之歷亂紛
羅葉之葳蕤窮剪綴於萬態絢丹碧之陸離玉
釵弄影娉婷女紈袴棲香輕薄兒高調遏雲而
羣奏繁絃應手以逞奇莫不目眩神竦耳觸心
悲則有王孫接騎公子交嬉千金換馬尾搖絲
八寶裝鞍光照地飛鞭誤觸綺羅車敲鐙誰知
臺府吏慕鴛鴦之野偶願驚皇而接翅弄袖救

妍傾身佯醉異目成之我與又恍惚而靡遂雲
開朱閣對芙蓉日射彤簾藏翡翠芙蓉翡翠一
時新總是江東絕世人動館娃之春思慕西子
之芳塵蟬髻新傳宮掖樣雲光恰似洛波神每
嬌羞而掩態或摇曳以呈身翩翩飛燕能輕舉
嬾嬾遊龍不可親默含情而未吐恨鬱思以何
伸祖道春歸春意濃寧知春到春心亂嘆佳期
之寂寞悲年華之屢換朝朝璫圍愛花開夜夜
蘭堂看月滿花月始始能幾時榮華冉冉嗟將
半信春思之飄揚亦春愁之瀰漫年年風景倍

傷春歲歲彫零無故伴於是僕本賤人沉淪江海見沙際之春歸驚天南之歲改紫禁春光不可攀朱顏春色那能待悵日月之易道撫功名之安在齊雲樓下幾逢春祖是當年原憲貧差池春羽慙黃鳥憔悴春衣懸紫鷄吁嗟平弱柳絲絲拂建章宮花朵朵艷長楊人生不及春花柳長得天池繞鳳皇

觀物賦

家兄有金鑪朱几各一予觀而愛之因命賦焉其辭曰

信茲物之佳麗超羣美而莫當液金精以鍊質騁寶刀而呈祥文章並發規矩齊良爾其委蛇甲帳燕寢洞房或玄談於素室亦雲會於朱堂隨宜不滯應用無方薦右座之錦席飄南海之奇香丹縠掩色紫蘭罷芳瑤華之器君子之光

參差賦

余聞王卿子美文子壽季皆善吹簫賦以贈之曰
彼江南兮紫管洞罕節兮條適搃會合兮象牙爛朱脣兮金鈸承公子兮光御發宮商兮清秋

卷明月兮翔東美要眇兮雲中攜佳人兮燕後
宮臨曲池兮伏丹櫳吹激楚兮順揚風霓裳飄
飄兮鸞皇若逢紛余去故而就新兮四海焉窮
蹇誰留兮中止忽婉孌兮聲靡春寶結兮同心
矢借老兮君子終啾啾兮縱所之朱顏倏忽兮
能不悲人生幾何兮朝露晞歡樂不常兮日月
馳安得千秋兮永若斯亂曰繁音促薄兮蕩人
心罔象相求兮窮高深神湄來兮勿周章彷徨
四出兮恐弗勝聊逍遙兮澹容與哀中則兮樂
不淫

感舊賦

正德辛未寵師事林屋先生于包山精舍凡再
閱暑寒而退迄今庚辰八年于茲矣乃復來山
中作感舊賦其辭曰

紛余慕夫好修兮潛大道以游神泝江河之浩
溘兮悵欲渡而無津彼哲匠之巍峩兮揭日月
于八垠折䟽麻之瑤華兮將以贈夫斯人亟愴
怛而仰鑽兮又靡知其所止紛蚪龍之下上兮
尺蠖蜷旋于泥滓車旣息而馬煩兮阻山川而
徒倚忽日月之我適兮去冉冉而不已經疇昔

之故居兮志歎憾而顙泚泚淹留以無成兮將
復修吾初服佩長劍之陸離兮冠切雲而轟轟
民生各有所樂兮放吾道于空谷吸朝霞以爲
漿兮夕復飡夫秋鞠苟矩矱之攸存兮冀來者
之可追吾令羲和弭節兮將以窮乎我師路曩
曩其阻修兮殫吾生以求之亂曰騶駢斯皇莫
予好也洵彼前修爲我導也海嶽嶄巖何當造
也長夜漫漫志憑躁也矢心白日遵長道也

拙政園賦

侍御王公敬止卅吳人也寓籍于燕弱冠登進

士官侍御史出按遼陽以不阿法抗中貴誦上
杭丞再丞岷之都許驛徙知永嘉判高州竟致
官歸吳焉公疏朗峻潔博學能文辭遇事踴發
當 孝宗朝我冠簪筆儼然柱下有古直臣風
一不當當路意三投炎海折翼而下可畏哉戒
途之難也公則蒞焉若遺逍遙以嬉乃築室闔
閭之城背解市面水竹斬蕪糞莽取勝自然頗
愛潘安仁閑居之篇附于拙者之政寵遂賦之
以誨厥事焉其詞曰
繫蹇蹇之王臣秉靖恭於
爾位企遐風於往哲干青雲而高議際明時以

自奮謂諤諤其無忌冠切雲而直指惟一人之
余媚鎔錙利而鈇刀揮毛嫵都而嫫母恚信人
情之翩翩羗愛釁其奚自睇天門之遙遙臣得
罪而遠去信犬吠而掉尾虎磨牙而蹲踞快一
斥之不復薄炎荒而窮馭占巫咸兮則曹決唐
生之猶豫爾乃稅鞅故國徊翔首丘豈宇宙之
迢遙何余栖栖而倦游我蔭有廬我耕有疇彼
季子之奚人逃卷衣於長洲洵伯通之不羈賦
五噫而聿適經山川之故墟眷君子而夷猶撫
嘉木之蒨翳接吳會之長流羅以爲囿言旋于

休乃有滄浪之池夢隱之樓臺以遐觀堂則若
墅竹栢得直橘柚皇封郁李張梨櫻胡棠隸齒
菡荼藤丹瓜綠芋華實駢羅溝塍錯互於是風
妍景熙六合澄朗時鳥變聲鮮雲如掌曳山簡
之接羅披王恭之鶴氅良儔言集恣意偃仰修
山陰之讖事和蘇門之遺響朱果在摘頰鱗挂
罔醅醱載浮圖書弘敞信巧拙之何居澹玄心
於天壤眄鴻飛之冥冥知下上之泱泱彼爰居
之逍遙奚鐘鼓之爲響吸元化以潛神漱瑶津
而獨往永寤歌於聖明錫萬年之鳩杖

送大學士延陵吳公展墓還朝頌

遙遙延陵千禋篤祜有聿其興作我明輔我
輔伊何峻德以升維鼎有鉉天子所馮維北
有斗元氣酌斟掌制代言式玉式金臣拜稽首
籲天而呼臣則何能先臣是謨襲訓蹈方以幸
無辜祿弗代養臣心如劓有最者原交走兔狐
乞臣之身我糞我驅帝曰咨嗟若痾在余汝
往欽哉遄而來而爾書煌煌相臣啓行其從如
雲東南干征祖考咸喜孝孫靖止神旗豹尾六
轡耳耳天平之阡其氣鬱葱翁仲石馬有光如

虹日吉辰良協于著龜鳩我祝宗麗牲于碑孝
孫來享載弁球球肩膺胎骼邊劔以羞有玄有
清其酒思柔降登受胙賚爾思成翼翼孝孫維
王之楨錫之萬年秉國持衡爾駕爾車天子
爾思孝孫稽首握鬯涕洟豈不永懷畏此簡書
肅我徒旅敢違寧居前驅舉燧後乘抗旌注心
紫闥結慮承明如渴如飢軼我皇情胡不夙夜
僕臺倍程維我相臣既孝既忠秉心塞淵以奏
膚公孰不有君孰不有父允矣哲人萬邦作矩
昔周之宣爰有吉甫燕喜孝友載擊于雅於赤

我明主聖臣良穆穆皇皇于周有光亦子作頌
誕告多方

方齋袁君六十壽頌

嘉靖丁亥方齋袁君年既六十其子袁與寵同
學書相愛徵所以壽君者於寵君少時與家大
人同學於張先生氏絕相愛也家夫人嘗言君
之雅馴自童已超儕輩遠甚同學生不下數十
百人獨君爲高第弟子蠟蠟翼翼同學生皆嚴
事之惟謹稍長卽把握門戶以儒行飾賈業頗
事廢舉操奇累贏乘時變化有計然之畫以故

費用鼎盛而君獨晏如雍容談詠不礙圖史中
歲仕爲崑山監學訓科卽謝去事毋極孝與弟
懷雪君雖白首猶如童時下上出入怡怡也可
謂敦嫻孝友篤行君子者矣有子二人從子四
人皆峻挺奇拔鵠峙鸞翔古之八荀五寶莫可
儔焉維君韞立夙成劫劫自封葆光誓祉以麻
後昆天之所以申錫於君者焉可涯已是宜頌
頌曰

河流經天岷嶓吐之有粲琳琅藍田沃之天錫
袁宗維君鍾之君鍾維何亦旣孝友奮自童髫

要于白首娟潔好修握我璫玖玉立而頽野鶴
昂昂魁殊秉哲百夫之良如墉斯崇如棟斯強
載拓高門闕譽騰翔羣髦挺發振振麟趾神啓
其胄享有多子駿躍天衢一日千里袞袞公侯
爰卜其始繫君之遺碩大廼延辟彼良農蘆菘
寔先食報于德於萬斯年彼蒼可徵燭微洞玄
豈曰難謀仁者獲焉小子作頌敢告司筵

秦漢文序

嘉靖癸未天水可泉先生來刺我邦憲古振文
式崇化本數進諸生館下追琢龔厲範以矩矱

越明年出所編次秦漢文授之讀既受卒業寵
蹠而請曰是編何居先生曰五經其炳矣日月
宇宙弗可湮已近古而閔麗者其秦乎其漢之
西京乎今士以文進古之制也而業之者弗古
是程吾惑焉攬撫經傳苟以徼于有司其尤疵
者口耳乎帖括剽裂乎佔俾秦與漢無庸及焉
吾怪其涉之流而不飲其源也將浚之使遠關
之使廓而毋用是謏謏促數也文其有倡乎寵
曰然則左傳國語尚已何遺焉先生曰左傳國
語其旨奧其辭簡其爲書也聯屬而成章經之

翼也小子識之爾烏得而選諸寵曰然則西山
真氏之所輯者不既躋乎先生曰夫文也終始
有體節奏有變繁簡有裁經緯有章辟之樂焉
一音弗備樂弗諧矣吾竊疑其析而不屬也離
而不理也懼學者之窺其一而遺其二也寵曰
然則東京以後不亦有可錄者乎先生曰氣未
見其渾也體未見其雅也間有之吾懼學者之
作法於涼也故略而僅存焉寵既聞命為之刊
其訛而是正之郡人湯氏愿而好修請以梓梓
成寵敬以所聞者載諸首

送大司寇莆田林公還閩序

正德辛巳 今天子既嗣大歷服曰咨宰臣天
既命予有家亦賚予良弼越在閩粵之野茲惟
共工乃諧僉曰休哉則使使自京師東南馳數
千里起家拜公為工部尚書嚴督之駕公䟽辭
天子弗允再䟽辭再弗允連三䟽辭黼席益仄
使節交至越明年嘉靖壬午公力疾驅道遷刑
部尚書俾帥若屬以掌邦禁居無何公謁告入
乞身于朝 天子挽之益牢公弗克起又明年
癸未七月上可公行於是天下之士相與議公

之出處臆決唱聲各持一談曰方今天下皆進而公獨矯之以退天下皆園而公獨斲之以方要亦異夫人而已矣則又曰君仁臣恭禮之經也一龍一蛇時之化也公何心哉其視天下如浮雲之飛揚往來於太虛也而天下望之如鳳皇之翔于千仞搏扶搖而弗下也公何心哉之二者皆非也公之心天下之心也夫自結髮入朝弼亮三世德邵功焯屹爲元臣旣卷而懷王鼎重輕彷徨海隅以俟其清旣而際明君履文百幹旋天機經緯六符調之齊之大羹其和迪我 高后繼明緝熙千載一時也而公豈自失厥會耽高尚之名而薄金匱之業哉故曰之二者皆非也繫公之行殆必有掣于事而局于時者矣掣則肘不可以運掌局則道不足以廣謀孔孟其猶病諸而獨今之君子乎此所以不得已而行而不能以三年淹也寵不佞何足以窺公而衆言淆亂敢以是折衷焉謹序

送天水胡公序

叙曰自秦郡縣天下而有郡縣吏秦吏大抵皆酷也漢良吏爲盛班固氏傳循酷而吏道備矣

余讀循吏傳論考其世未嘗不喟然嘆也蓋鈞
姦摛伏取威對聲赫赫若揭日月而行者世
所稱良也至若風學敦禮植本培化使民回心
而嚮道漢吏亦無幾焉夫以循名者猶然而況
其下乎我皇明受命溥將疆理萬國循吏如林
然窘於期會書牒者繁焉故聖人作而化室禮
樂衰而風微薦紳先生所扼腕也嘉靖癸未吾
師天水胡公自皖守徙吳吳啓於泰伯春秋時
有季札子游輩興故其民以廉讓文學相高猶
有先王風也然瀕海下濕土浮而民情卒難帖

服亦其地然也公下車葺泰伯之宮崇子游之
祀廣厲學宮躬帥諸生習射鄉冠祭之禮飭匏
絃管祝金玉之噐磬折盤辟示以揖讓執經講
解與相問難酬答褒其異者降爲主客之儀不
暮月而吳之風泱泱矣夫吳號難治以金穀溢
騰賓傳狼藉吏隸舞法誦刺叢興也而教化獨
闕焉豈非隆本抑末顛倒無當哉公超然遠覽
獨追古之人而與之上下摹畫奮以泰伯子游
爲必可師而進我吳千三代之列故化易行而
功則倍信道不惑之驗彰明也使吏天下郡縣

者皆如吏吳之吏王道成矣迺夫廉以遠利明以讞獄詳以理賦嚴以督姦儉以節費恤以柔民皆炳然爲天下稱首而求所以網維鼓運回斡轉易則唯古之道也故略而弗著焉乃丁亥之秋 聖天子擢公爲山東左參政吳民丁壯號哭老人兒啼曰公去我平民將安歸於是其門人王寵識公爲政之大者以序其行以爲他日傳循良者告也

送王子祿之會試詩序

尸子曰凡水其方折者有玉其貞折者有璣也

蓄寶之淵必異常流彼漫渙而崩奔者是礫石也已故寶彰于蓄士見于蔽豈待登清廟綴玄冕而後窺其景曜坐明堂簪紫幄而後挹其風槩哉王子祿之產于名家胚胎前光出遊鉅人斧藻令德羈貫隸學官弱冠舉于鄉聲華漸起顯庸可俟王子方挾冊從諸生講受侃侃翼翼矩折規旋濯纓清流掃軌塵雜汎濫羣籍操追古人視世之穢汙渙忍不啻鷓雛之騰于九霄而下睨鴟鵂也即使王子服官盛時鵲起當路其必爲矯矯激揚玉潔珠光而不爲脂韋突梯

自混瓦礫斷斷明矣歲己丑天下士羣試禮部
王子以戊子嘉平月先事北征告別于嘗所來
往各爲歌詩以贈之余與王子有一日之長僭
引首篇易不云乎素履往無咎王子慎之哉

送給事中陸君浚明校文還朝序

嘉靖戊子 皇帝履大寶之七載也天下士當
羣比于鄉廷臣建議以人才國家所急而烝自
有司匪明匪慎峻良曷登請以京朝官典文衡
便制曰可于是工科給事中吳郡陸君浚明承
命典測之試事竣還朝其游王寵揖而祝之

曰給事 天子肘腋臣也典文重寄也測天下
名藩也是三者世所華豔焉而萃之于君君自
諸生卓犖淵偉已隱然望東南旣連起危科讀
書中秘天下想聞其風聲以是握鑑而照操衡
而度測之士無留良矣休哉乎陸君寵竊聞之
上臣事君以人其次以身以身者一世之臣也
以人者百世之臣也然惟宰相爲能以人唯有
司爲能以人有司羅天下之才以致之宰相宰
相度德程能以詔王廢置而布在庶官庶官以
和百揆以序是宰相與有司之權鈞重也卽有

司非明且慎焉天下之才不必盡得相雖聽聽於上無能爲也則有司綦重譬之棟明堂梁清廟榑楠豫樟千尋之名材羅于肆下而工師可擇即所采者皆液構空中輪囷離奇規矩弗能經斧藻弗能施工師亦柰之何哉夫能取者必能用陸君今日爲良有司能取天下之才矣他日履台握斗進退庶官以弼成我 聖天子之治將不爲賢宰相矣乎是又可占已詩曰于以采繁于澗之中于以用之公侯之宮陸君以之又曰思皇多士生此王國王國克生維周之楨濟濟多士文王以寧我明以之

送楊子任序

士君子窮足以樂斯達足以行心志匪曠形骸匪適標格匪勝名理匪暢羈愁恚懟冰炭相搏衡門之下若拘囚然斯亦奚足與有爲耶東方生云築土爲室編蓬爲戶彈琴其中詠先王之風亦可以樂而忘死矣余性佚宕不耐齷齪守閭井築居石湖之上悠然以山水禽魚自娛楊子子任辱與余遊數年矣子任闔爽駿發絕無城府醇雅醞藉余神酣焉日與余搜窮巖剔幽

壑棲古寺攀危磴挾書冊鼎鐺栝區蔭千喬林
之下琅琅諷讀長吟遐嘯聲蒼岷谷或劇談古
人功德照焯名節慷慨輒窮日纏纏弗休罷則
醜酒相勞氣酣耳熱輒自奮他日果得侍 明
天子履文石之陛當鯁挺特拔標古人而趨無
容容作轅下駒余所否者有如此酒聞之者或
以爲狂爲僻爲迂余與子任輩樂也子任以嘉
靖辛卯應應天鄉薦北上春官別余于舊隱余
酌之以酒而告之曰子任今果行矣幸無忘石
湖之言

五扣贈別袁子永之

嘉靖乙酉吳郡袁子永之年二十有四領薦應
天第一旣而偕計北上客有觴于道者曰子行
矣應龍天飛颺雲爲翼愴怛歛忽摩于無極余
焉測子之所際邪願扣子之志汎觀流示華實
殊執秦粵異轡久要之言徵于遠詔可乎遂言
曰夸夫狗權曲士射利執鷲擊鵠起濁世一致取
樂當年奔欲逸駟窮靡極曼以明得意子其躋
諸袁子反視仰膺若無聞者

客曰奮跡南紀悲聲紫闥 天子及坐羣公扣

謁射策彤墀爛若星月雄壓九服縮頸吐舌高
步玉堂致身巖薛履台踐斗唾手可掇請爲子
祝炙手附熱袁子曰遐舉乘風顯宦待時余何
心哉


客曰星緯曜天川嶽炳地哲人含靈金精玉思
總統前聞妙握能事虎觀增光石渠長價掃蕩
雕蟲力振大雅一言九鼎百代凌跨茫茫周秦
高視不下淵雲之徒鎔冶渾化願子登壇取威
定霸袁子色喜曰華矣雖然僕願食其實也

客曰經緯六符均調八氣大厦構天寰海仰庇
玄澤湧流仁風遐被翊我昌明勒功金匱子孫
黎民尚亦有利君子樂之是謂得志辭未及終
而袁子曰善

客曰太山峩峩蔚彼孔林載登其堂石磬瑤琴
欲往從之道阻且深東望徂徠實勞我心願子
停輶爲我躊躇竹簡壁書庶幾啟予勿謂聖遠
人抱玄珠袁子奮然曰美哉言乎哉以加矣山
有木工則度之我有心客則獲之請綴厥詞以
爲我規投文于囊而車騰馬馳矣

雅宜山人集卷九

卷九



國家圖書館. NATIONAL CENTRAL LIBRARY. TAIWAN R.O.C.

雅宜山人集卷十

明吳郡王 寵 撰

雜文

明故承直郎應天府通判祝公行狀

曾祖煥文贈山西布政司左叅議

祖顥山西布政司右叅政

父瓚

公姓祝氏諱允明字希哲蘇之長洲人也祝之
先出古太祝以官氏或曰武王封黃帝之後于
祝蓋以國氏也春秋時稍見於鄭衛漢有九江

祝生歷唐宋多名士而江閩之祝最著其籍長洲也自元大德元祐間有碧山府君者由松江來爲漕府經歷陞平江路總管有五丈夫子季九鼎因家焉生子潛潛生景彰景彰生煥文煥文生顯明正統間起家進士官給事中累陞山西布政司右叅政生瓛娶兵部尚書華蓋殿大學士武功伯徐公有貞女生公生有殊質絕倫五歲作徑尺大字讀書過目不忘九歲病瘍寢處有古詩一編因徧和之名已隱起稍長益閱博洽其于書自六經子史外玄詮釋典稗官

小說之類無所不通旣天才卓踔橫從四溢重以內外二祖咸當代魁儒龔錯夾持浸漬穠沃覃思發藻虎躍龍翔蔚然名家超追百代太僕少卿李公應禎風裁峻整慎與可人時以中書舍人奉使過吳妻之子焉弘治壬子王文恪公典文南畿公遂膺薦文恪以得公爲華累試南官輒不利然聲實益恢典述崇積閉戶掃轍萬言騰涌儒林傳譯寶于隨和當道奇其才將特薦預史事公以獵資僥榮不屑也又數年選知廣東興寧縣興寧民尚譁許訟牒笏午公至懲

其一二尤無良者姦黠斂迹故多盜竄處山谷時出焚劫爲民害公設方略捕之一旦獲三十餘輩梟鼓不警土俗婚姻喪祭多違禮疾不迎醫而尚祈禱公皆爲條約禁止暇則親蒞學官進諸生課試講解嶺之南彬彬嚮風矣嘗攝令南海治之如興寧丙子己卯再鄉試公皆參典文衡得士之盛與有勞焉在嶺南幾五年以當道剡薦陞應天府通判專督財賦公悉力經總民不擾而事集居無何乞身歸築室吳城日華里益事著述洞觀天人或放浪山水間翛然樂

也書法上軌鍾王下視近代晚歲益出入變化莫可端倪酒酣縱筆神鬼怪幻墨客填門購之厚直以嘉靖丙戌十二月二十七日卒距其生爲天順庚辰十二月六日春秋六十有七妻李氏封孺人子男二人曰續由進士官給事中累陞陝西按察司副使次側出幼未名女一人嫁潮州府經歷王穀禎孫女二人公爲人簡易佚蕩不耐齷齪守繩法或任性自便目無旁人然默而好深湛之思濡毫展卷游心玄間賓象雜還凝神反視川奔雲爛捷若宿構殆天所殊昇

乎生平雖湛浮不羈亦以漢落難獨大觀道遙
傲睨當時軼出塵壒非可與拘方之士道也母
徐夫人歿事繼母陳極盡誠孝與人交坦坦無
他腸延獎後進不憚折行尤不喜蓄藏咄嗟揮
霍糞土金帛若其經緯術略局于薄宦曾不僮
試莫能殫述端可慨已所著有祝子通若干卷
祝子罪知若干卷祝子雜若干卷蠶衣一卷浮
物一卷成化間蘇材小纂若干卷野記若干卷
語怪若干卷語怪四編若干卷江海壑渠記一
卷金石契一卷興寧志五卷詩文集六十卷後
謹狀

方齋袁君室韓孺人行狀

君諱嘉字臣器吳邑人曾祖諱某祖諱某考諱
某母俞氏生母趙氏君少警敏授書史輒不難
背誦師里儒張南伯先生同游者無慮百輩獨
蘄出不羣家素儒伯氏教諭君尤踔厲自喜乃
弗售君計門戶支柱棄去卽買服甫冠矣怙殖

滋落君與其季懷雪君兩孱相持抱掃地赤立
侮訶日杳拮据有無外彌內縫茹荼履葛矢以
亢宗奉趙氏尤謹毛瑣事弗咨弗敢行善先意
色養母子洩洩樂也久之益厚葢堂構整秩里
中誦之然弗與弟析白首彌驩中歲諸子挺發
皆童州絕姿珠駢玉列驚異長老君禮謁鉅人
名師益廣蓄古圖書傳記羣之閑館豐之鼎儀
息游肄讀各有次所君所居爲吳利區率些訾算
角逐鶩其奇羸不大競禮讓文術君獨楚楚好
修矩閑尺檢儼以典雅自將數過從四方賢豪

士人稱述名言故實慷慨急難纏纏弗能休人
有過輒面折不作典忍態人故目之曰方齋子
好吟咏頗識奇字嘗仕爲崑山醫學訓科尋謝
去晚歲結里社以道義相勗月一再集雅歌投
壺雍容醞藉方意其遐享而遽以死也悲夫孺
人諱某姓韓氏父彥哲官德州同知母蔣氏年
十九歸于素生而疑厚愷祥稱名家女事舅姑
孝處妯娌和方齋君與其季友愛雅稱吳中樞
柔將美孺人與有力也體素羸多疾內政斬斬
弗少弛教諸子慈不愆義初方齋得瘍疾危孺

人憂之五日不食以嘉靖庚寅二月十七日死
方齋疾益篤以五月二十三日亦死兩喪相繼
婚友聞訃驚赴皆哭之出涕曰二善人亡矣嗚
呼痛哉方齋生成化戊子二月廿二日享年六
十有三孺人生成化乙酉十月廿二日享年六
十有六子二人長卽衮領應天府戊子鄉薦娶
盧氏次表吳縣儒學生妻陳氏女四人適周孝
沈山范相一尚未字孫男二人夢麟夢鯉女二
人尚幼寵與素同閨兩家世相睦家大人視方
齋君兄也於寵爲丈人行諸子辱朝夕游往來
門屏甚狎悉其行不誣君與孺人雖不究遐齡
高朗令終逝矣同婦子姓駿發咸抱國器何憾
矣衮衰崩裂摧頓痛毒彌結豈爲二老人勤一
生以迪子迄享其成而連以不祿卽鍾鼎之養
奚何逮焉此其心殷殷莫解可哀矣衮表卜以
辛卯十二月十七日葬寶華山先塋之次以孺
人祔惟先生憐而賜之銘以揭二老人之懿行
以慰衮表之悲使永永托不朽卽衮表亦何憾
焉謹狀

太學生吳君墓志銘

嘉靖二年九月十五日太學生吳君卒歛之三月得其年十一月六日葬薦福山感慈塢之原先是君顧言曰以王寵銘寵與君居同閭也君齒刻丈行寔子弟畜我晚更折年輩取下目亟過從訖數年雅相驩甚君生平名能交鉅人偉儒自結髮游悉琅琅可數天下有聲者也寵孱稚懼爲君羞而獨以其死累余其曷敢辭君諱燿字次明世吳人也高祖可安鳳翔府同知曾祖伯經太醫院醫士祖澄父朴字世文母周氏繼王氏盧氏世文君無子選羣從中立君爲後

幼而朗澈受易於賀其榮先生弱冠進隸學官爲弟子部使者取其文簡之廩食數薦京師卽數弗利以年資入貢太學未卒業而死君綜博信古耻齷齪事經生佔畢爲文簡奧精深刻去枝蔓弗以媚時詩清越可誦書法宗顏魯公尤善鑒古器物書畫飲酒博詭輒纏纏談所經見奇譎瓌麗有味乎其言之也聞佳山水奮袂導往壘俎採肉頤指而撰雖老以儒窮而賓筵狼藉謠舞擊皷乃有豪貴人態娶李氏繼錢氏子男二人長增娶賀氏先君卒次封聘楊氏皆錢

出女一人嫁聞詩李出孫男一人支才五歲距其生爲成化丙戌十月九日春秋五十有八君任曠不拘酒貨外未嘗問家人生產死而弱息纍纍無以朝夕天旣嗇其身而忍不豐其後乎則涕爲之銘銘曰

德則孔嘉而命弗加而年弗遐顧天平累嗟兒呱婦髮攀彼靈車天曷劉斯尚綏有家

序班湯公公合葬墓志銘

寵與湯君儒暨其子盤均隸博士爲弟子湯君雅馴閭閻內修人也盤駿踔父子並著名字先

是儒喪其父鴻臚公卜葬荒墓未有銘后十年喪其母鄭碩人將合葬乃自爲狀謁銘於寵寵讀其書則喟然而嘆曰夫文猶水乎水無源潢潦爾矣文無自謬悠爾矣夫文猶水乎湯氏再世藝文明秀而斐則先鴻臚之自也鴻臚公世吳人諱珪字文潔別號素軒雅善詞翰嘗以詩謁徐定國定國異之純皇帝時定國推轂爲鴻臚寺序班直文華殿光顯矣居文華以親老弃其官歸性篤孝親沒尤嚴蒸嘗享年七十有七碩人胄長洲諱安字妙安婉若而嫵相鴻

臚公爲好逑，年八十有七生子一儒，吳縣學生娶陸氏女，二嫁賀放，計昺孫男一盤，領應天辛卯鄉薦，娶陸氏孫女一嫁陸鏜，曾孫男一元。曾君子謂鴻臚公於是乎君子矣，以親故靡戀，纓鞞脩然卷懷卒，以遺其後人。詩曰：孝子不匱，永錫爾類。鴻臚公有焉。鴻臚之父濱，號順菴，大父彥祥，贈大興縣尹，母袁，碩人公本，袁出卽袁碩人之猶子也。順菴翁乞以爲子，生正統甲子閏七月十六日卒，正德庚辰十二月二十四日，碩人父信，母盧氏，生甲子八月二十日卒。嘉靖

庚寅十月二十日葬之，日爲壬辰十二月廿九日。銘曰：

業業文華，三光紫微。載筆入侍，瓊珮朱衣。亦旣華止，言邁其歸。有懷二人，寧耽瑣闥。發不盡藏，殖祉彌昌。題昌厥胤，球玉琳琅。烝烝鴻臚，淵畜流光。我作銘詩，勒之玄堂。尚後有徵，千禩考祥。

張君汝益妻李孺人墓志銘

嘉靖己丑四月庚寅上海張君汝益喪其妻李孺人，卜以卒之年十二月甲申葬曹烏涇之原，祔先姑氏兆。謁銘於寵維汝益與寵世雅善寔。

耳悉孺人之賢不誣迺按其兄祠部君宗文所
為狀叙而銘之孺人諱素明世松之華亭人曾
祖謙祖常父東封祠部主事母戴安人幼則凝
重寡言笑父母特愛之選所歸得少叅張公冢
子鳴謙汝益氏既歸事姑陸恭人及少叅公之
母潘孺人肅有婦道時少叅公令鄱陽潘老弗
能俱留孺人侍少叅公喜曰吾弗能躬養吾母
得吾婦侍無憂矣無何陸卒哭之盡哀獨奉太
孺人操家斬斬有節法少叅公宦遠無內顧心
繼陸以孔孺人事之如陸侍潘凡十載潘卒孺

人哀之亦如陸少叅公歷宦澤潞湖湘間孺人
問訊饋遺使道路相望公既歸老孺人益專意
養及臥疾夫婦相與悲號醫禱無不至踰一年
衣不解脫夕不假寐公卒奉孔恭人尤篤孔得
疾侍婢莫敢嚮邇孺人親為洗滌弗厭孔卒孺
人以勞邁疾越七月竟死哀哉孺人平居有禮
事少叅公之弟與其妻皆如舅姑禮相其夫事
不可可多所贊決處夫之弟與其妻歷二十載
無忤言其賢類如此寵結髮與汝益交汝益種
學績行高自對立以丙子領鄉薦將顯名當世

寵每憇焉退見其子仕才弱冠也補博士弟子
尤俊朗可念則孺人之所以相厥夫迪厥子其
賢又可徵也已孺人生成化丁未十月三日年
四十有三生男五人長即仕次化儲引歲燕貽
女一人受姚蕃聘銘曰

婉婉有儀高門于嬪事我三姑偃僂屈身左右
君子爲時聞人亦旣多男有瑤有珉胡命弗遐
汔顯而屯尚有褒貶賁爾幽窆

從母朱碩人墓志銘

吾從母朱碩人嫁于梁爲水溪君之配年七十

有七而卒吾母同產兄弟五人皆出我外大父
翁妣陸氏碩人最長吾母季也吾母年三十有
七而亡吾時童髻未甚哀也稍長始知悲慕每
自痛生平不知有母子之樂見人母子慈慈嫗
照相保持未嘗不愴然心摧也獨時時見碩人
儀容聲咳髣髴吾母之存而今又已矣吾痛曷
有旣耶碩人初歸梁方赫威賓客鼎食水溪跣
跪自便不甚事事碩人襄之外內斬斬有理累
乳皆女來宜男側室竟生二子晚歲水溪君卒
碩人依季女以居益精內典日掃一室焚香禮

佛且不茹葷足不闔戶如是者數十年二子長
軋娶某氏早卒次子坤娶某氏生子某碩人愛
之如已出坤事碩人如所生母子雖析處慈孝
訥訥如也女二長適劉其次適顧言碩人所依
以居者甚得子婚禮某等將以某月某日奉碩
人柩安厝于某鄉合水溪君兆寵爲之銘銘曰
莫莫葛藟施于樛木洵美碩人綏此百福克有
令子亦既有孫本支蕃昌以充梁門我銘其幽
以詔後昆

弔吳嗣業文

弘治間故禮部尚書兼翰林學士謚文定吳公
以天子宮師掌制內閣道德文章伏天下天
下縉紳士大夫之欲銘功德多聲光者踵交躡
于門然其家一如未貴時不翕翕熱雖文定之
教使然乃子弟之賢可徵已嗣業視文定爲伯
父尤名能守家法而文采醞藉弗墜益彰稍束
髮即屬其碩士秀民以嬉磨礱浸灌務敦儒素
視聲勢烜赫一切掃刮絕去簡夷混同無賤貴
皆可詡誦逮文定卒不覺有絲毫異嗚呼亦賢
矣哉世以氣力相取下席有尺寸之座雖平居

故歡比反眼若不相識撞搪凌轢以爲快樂者
皆是也及一旦失勢奪怙則更窳縮避毒遮不
若齊民焉嗚呼是特反覆手耳日相環於天下
而人不悟顧蹈襲爲常何哉聞嗣業之風亦可
以自媿矣嗣業美風儀倩盼而髯鬢倜玉立儼
若僊輩然性逸曠喜自便飲酒舞歌履舄交錯
梟盧叫嘯罰籌如蝟連日夜不厭卒以此得疾
死死時年四十八余少交嗣業淺嗣業則爲余
盡哭之過時而悲弔之以文曰握手醉言肉肺
肝以相示也簡禮任率恣詼調以爲樂也挾日
必合合乃忘其所之也斯人則亡疇復得夫此
類也二孤纍纍孰撫其遺也偉矣簪纓孰振其
宗也落鬼浮沈嵇阮徒也蛟龍岌纏頡斯爾
逼也腥鱗腐鼠臭穢彼類也嗚呼嗣業何日而
忘也

吳增哀辭

吳增吳人也父燿字次明吳爲吳望姓業儒醫
次明種學績行能文辭所與游盡名人偉儒增
其冢子也初次明生子連弗育幾數乳乳增輒
育稍長哲白而豐嶄然見頭角壘知爲名宗兒

也既家世流風厥父更踔厲弘肆賓言溢座狼籍文采增則內師外沃浸耳注目勿訓以迪秩秩自將朗潔始好稍離保媪弗弄弗媮人咸舉手賀曰次明子後後乃秀無憾也同閤賀博士放薦以女吳賀居共堵且睦賀無子強增以婦授室一年而死遺孤甫七月嗚呼哀哉余悲次明之始于艱而終不得其倚也痛增之洵慧而夭折也余視次明丈行次明折年輩以相取下故得驩父子間而今又交傷之也作哀辭以遺之以舒其悲思以昭增德云鸞皇矯矯兮巢有雛毛羽蕤蕤兮五色敷鳴呼增兮抱繡襦髮漆黑兮眉目殊婚友嘖嘖兮振爾吳瑤環瑜珥兮庭下趨一日不見兮將誰呼有兒在室兮泣呱呱爾父爾母兮獨何辜十有七兮即長途籲天靡從兮五內剝修短舛錯兮罔賢愚福禍無端兮理則迂魂飄飄兮竟何徂骨肉在茲兮將誰徒死者其已兮不可俱割哀忍痛兮善自扶庶亦不亡兮視此孤

張先生傳

張先生者吳閭門里人也吳爲東南會閭則扼

要據便輻湊天下水土百物其丈夫習化居罕
文而多薄先生長于市人獨深藏好書不耐間
里浮沉故亦高貲縱不問生產作業坐一室左
右筐篋兩校摩之假易所無輒手自謄寫攻苦
食淡洋洋如也家嘗治雷工騎榮糞掃先生筆
干檐下坐自如子適來請之延愕起其沈精弗
撓類此居無何或挾之商于蜀先生奇其行心
獨樂之起東陲西溯岷江幾萬里往來登覽悉
論纂其山川風土之勝橐中裝空無一錢還尤
篤孝友垂白饗祭未嘗不淚霑衣也弟頗齷時

作諱言輒解以和兩人終不得盛氣語大抵朴
茂醇篤類古之長者以其學教授里中門下積
十數百人有疑難走往質之卽刺刺語弗能休
或抽其架上書指示無不滿意去我冠獵纒蓋
儼然稱師者幾十餘年後生小人亦頗嚴憚焉
年七十九卒先生名翼字南伯云

贊曰自周官法壞而閭師之職廢率桀鷲無耻
者充焉豈其人哉豈其人哉若先生者殆古所
謂三老孝弟者與明王在上可以遵豆于庠矣
余故撫其行義著于篇

張琴師傳

張琴師吾同閨人也楠其名大本其字大本無
它長獨於琴則專握門戶浙東西之操縵者咸
奔走之名琅琅聞江湖間也然不大業家年五
十四以窮死悲夫大本嘗謂余言始習琴於陸
墓張氏陸墓張氏吳之取名能琴者也大本專
貫而操張氏師年已七十餘矣遽曰孺子繼我
孺子繼我遂倒其譜授之既乃涵精操思窮幽
析微宵吟晝揮手與心維儼乎其若幾絕乎其
若迷積之三十年而汪洋恣睢宵眇希夷濁清

疾徐惟我之施鸞虬鏘鳴若或鼓之鬼神嘯啼
不可端倪蓋於是而陸墓之傳益恢以奇也豈
韓子所謂造其堂而躋其闕者耶嗚呼琴亦藝
也古聖人兼焉今之君子不暇焉然其磨礱滄
至有類夫學道者之爲吾是以有感也而大本
坎壈困躓纏其身以死若造物者尤焉吾是以
重有感也今天下名都沃區侯王肺腑游琴其
門者如麻出則陪輿入則交舄突梯滑稽軟媚
脂韋以私其金錢以席其寵靈而藝不必大本
若也聞其名皆嘆喟縮而即遇之羞不敢露手

乃大本則弛置自便都不識規伺人飲酒呼歌
揚揚如也唯其獨得於中而與世抹殺其窮而
死也則宜

贊曰雞鶩爭食靈鳥不顧有嗃其音爰合韶濩
洩彼天和師曠往愬洞庭斯張帝聿其怒于博
干鏃棲之故伍琅玕之林崑崙之圃

張鼎用字說

吾師古閩先生張公以明經奧學閎德夷量流
聲當道來範我邦三吳秀民衆至雲蒸咸願服
儒衣冠肄業館下感道懷和千里風動厥于鉉

玉質象賢歧嶷蘄蘄旦夕在門昵我兄弟禮冠
三加爰字鼎用命寵作說以章祝規乃不獲辭
而爲之叙曰夫鉉之於鼎以貫耳也引重致用
非鉉不舉鉉可忽乎哉周公曰鼎玉鉉貴之也
今夫鼎有耳其隆有腹其容有足其崇巖廊之
下清廟之旁天子省犧宗伯視調以饗上帝以
養聖賢我后之靈上格于天穆穆賓師肅秩禮
筵軋坤清夷九土晏然阿衡元臣扶日察璇匪
唯鼎功鉉有勞焉故黃帝采銅于首山文王奠
位于郊廓萬禩永寶神明相之張君鍾武夷之

靈秉異德之晶敬承我師蒙養以貞不出戶堂
而屹乎重器矣既乃磨礱乎日月根柢乎仁義
濡漫乎典墳鑄錫乎英傑奮發乎文章時則有
烏獲孟賁扛之明堂軒姬之主有不肅以袞冕
歌以樂章裡郊假廟永爲我光者哉吾固爲張
君願之也是爲祝

四子述壽論

天水胡博士先生吾師可泉大參公之尊翁也
先生嘗宦蜀爲博士挂冠還山若干年矣今茲
歲在戊子齒躋八袞門下士吳郡黃生省曾素

生聚王生毅祥文生彭九數輩圖獻萬年之觴
于堂下而閱以遼邈也乃相與揚摧讚述各吐
胸臆黃子曰雍州之域土厚水深古稱陸海表
以大華終南宋圍鳥鼠之山帶以濁河涇渭之
川表裡經緯阨塞險巖其丈夫多魁壘碩頤山
立而都巔實揚休侯侯弗撓先生稟靈含和尤
撥厥英詩不云乎終南何有緇有堂君子至止
黻衣繡裳佩玉鏘鏘壽考不忘先生以之是宜
壽袁子曰赫赫駿命物昇之幅齋取有餘濫用
不足優哉優哉可以卒歲先生抱王佐之略蓄

曜世之寶韜其景炎弗登于朝浮沉下岸鳴鐸
一隅暮出蚤歸養之條如深耕而廉穫閱積而
薄發天之蕃錫吾不知其所屆是宜壽王子曰
天降時雨山川出雲江河之潤浸淫九里玄功
冥冥匪人覩聞先生迪成哲嗣作王之楨文惟
國華德寔士程累典大邦出殿雄藩循良之風
扇于東南慕義者謳吟飲德者尸祝考績論烈
烏乎無自哉聞之對陰德者必荷顯祿其先生
乎是宜壽文子曰西北神明之隩厥多僊靈窟
處林棲呼噏吐納蒸之以靈芝潤之以醴泉熙

神練色千歲童顏摠轡乎瑶水之陽弄景乎仙
掌之巔無爲自得體妙心玄先生其躡蹠塵埃
之外矚然與日月齊光者乎烏可以常算紀袞
哉於是有王生寵者顓蒙偪塞文質無所底聞
四子之論莫能替辭遂撰次而書之以爲先生
祝

山中荅湯子重書

昨奉教誨鋪揚偉麗怵心劇目信文之爛發者
也且高叙山林之樂推獎不肖似欲趨而納諸
風騷之域自顧蕙劣展卷發汗然僕之逃窮伏

噢越在草茨心自樂之足下果余亮否也摠髮
以來連不得志于有司樊維檻束動觸四隅似
亦可憤然惟喜曠蕩不耐齷齪身世浮沈其拒
而不受于懷也若隄之障水莫能暴蓄我生不
有命在天戚何益也但家本酤徒生長鄆市入
則楣柱塞目出則蹄足攝履呼籌擗算之聲徹
晝夜每一焦煩心腸沸熱以故山水之好倍于
儕輩徜徉湖上樂而忘返莊周言逃蓬蘽者聞
人足音則跄然喜僕雖日羣鹿豕壤斷徑絕愈
覺心神俱爽耳且生平無他好頗耽文辭登臨

稍倦則左圖右書與古人晤語縱不能盡解片
言會心莞然獨笑飢而食飽而嬉人生適意耳
須富貴何時誠日夕私賀恐後之不如今也尚
安望哉子重乎非足下誰則知者頃來放浪無
似日增駮蠢漸不覺有官司城府時行村野間
聞間師里胥行談途議則怛然驚疑他日雖欲
衣冠揖讓更從諸君之列恐跟鏘麤率重爲執
禮者譏笑矣神志散漫言不詮次刺刺覩續聊
酬來訊不宣

文內翰天池浴日硯銘

岿彼湯泉膏於若木有韡其光羣曜屏伏守谷
抱玄琬琰在匱於文仲子提携天祿

硯銘

紫玉厠玄津流吐續藻翔龍蚪燭昭代垂元休
矢余志無爾羞

圭墨銘

錫爾玄圭荒彼黑壤

題聞德齋壁

古人謂一丘一壑可以忘世夸者隘之然使醇
白離人機勝焦然坐馳若係逸駟雖徜徉四海

意愈感矣君子內祿而顛實反鑑而夫朗解枯
而神全虛游而我得斗室千里也奚其隘奚其
隘袁子掃軌靜涵圖史溢棟昆季友朋一時鸞
鷺余嘗游袁子之齋曠焉塵釋方以爲莽蒼之
間也世乃以尋丈度廣隘豈余與子之所廣隘
耶

王履善墓志銘

嗚呼悲哉玉君已矣不可作矣君文學藝能卓
然名家而出其緒餘爲明經試策宏博奇麗獨
得肯綮御史按試輒褒狀舉首一時聲稱甚藉

隱爲三吳之望三吳之士知君者咸以高科屬之其真知者謂能肆情詞藝非直經生而已然皆非君之極致也乃君之志直欲軼古人而逾之自非通古今周一世不足以充其所受也是可以一時一郡論哉君資性穎異將以勤誠於書無所不窺而尤詳於群經手寫經書皆一再過爲文非遷固不學詩必盛唐見諸論撰咸有法程余年視君二紀而長君自牛角即與余遊無時日不見見輒有所著日異而月不同蓋浩乎未見其止也而豈意其遽疾而死也嗚呼惜

哉君正德初與其兄履約並以僞造選隸學官媿聲儷迹翹然競爽既而履約舉應天鄉試尋舉進士而君每試輒斥以年資貢禮部卒業太學又試又輒斥蓋自正德庚午至嘉靖辛卯凡八試試輒斥而名日益起從遊者日衆得其指授徃往去取高科登顯仕而君竟不隗以死嗚呼豈不有命哉君高朗明潔砥節而復方一切時世聲利之事有所不屑俚俗之言未嘗出口風儀玉立舉止軒揭然其心每抑下雖聲稱振疊而醞藉自將對人未始言學蓋不欲以所能

尚人故人亦樂親附之性惡喧囂不樂居廛井
少學於蔡羽先生居洞庭三年既而讀書石湖
之上二十年非歲時省侍不數數入城遇佳山
水輒听然忘去或時偃息於長林豐草間含醺
賦詩倚席而歌邈然有千載之思迹其所爲豈
碌碌尋常之士哉是其志之所存必有出於言
語文字之上者曾不得少見於世而僅僅以文
傳而其所傳又出於文場困躓之餘雅非其至
者嗚呼豈不重可惜哉君孝友天至居常能愉
悅其親而順之於道與兄履約少同筆硯食息

起居未嘗少離既各授室而聯姻共食視室處
之時恒倍也君卒時履約方官京師及是以都
御史出鎮鄖陽便道過家以葬君原俾徵明爲
銘君諱寵字履仁後更字履吉別號雅宜山人
父貞以履約貴封中憲大夫太常寺少卿母朱
氏繼母碩氏贈封皆恭人君生弘治甲寅十一
月八日卒嘉靖癸巳四月三十日享年四十娶
徐氏子男一人子陽太學生娶唐氏解元伯虎
女孫男一銘曰 維慧而明亦藝而貞胡不潰
於成而卒困以衡吁嗟乎其名

前翰林院待詔將仕佐郎兼修
國史畏洲文徵明著并書

雅宜山人集卷十終

雅宜山人集卷十終

